


*Eminens sanctus
ad karissim.*

Biblioteka
Ojców Kamedulów
w Bieniszewie



IN NOMINE
CHRISTI CRVCIFIXI.
SENTENTIAE
SACRAE

In Quinq; Opuscula Divisa.

De Symbolo Apostolorum
SEV DE FIDE.

De alijs Virtutibus, & quæ his sunt annexa;

De Opposito Virtutum sc:

DE PECCATIS,

DE DECEM DEI PRÆCERTIS,

ubi breviter de Præceptis Ecclesiæ,

tandem de SACRAMENTIS.

In gratiam & commodum

ORDINANDORUM

A U T H O R E

P. M. F. FERDINANDO OHM alias
IANVSZOWSKI, Ord: Frædi:

Hu annexum Supplementum ad dist: gnam.
de Antichristo & signi antecedentibus
finem mundi.

Cum licentia Superiorum.

CRACOVIAE, Typ: ACADEMICIS.



Bf. Bieu. B. V 13

Perillustri, Magnifico & ac
Reverendissimo D. D.

M. P E T R O
PRACZLEWIC,

S. Th: Doctori & Professori,
Ecclesiæ Cath: Crac: CANONI-
CO. Per eandem Dioceſim.

Librorum CENSORI.

Almae Universitatis Cracow:
RECTORI ac PATRONO,

P. FERDINANDVS OHM alias Ja-
NUSZOWSKI, M. Ord: Præd:

Perillustris Magnifice ac Re-
verendissime D. D.

E Xcellētiam, utilitatem,
necessitatem SENTENTIA-
(i) RUM

RUM SACRARUM in gratiam
Ordinandorum, è sacris pa-
ginis desumptarum, omnibus
esse notam non dubito. Qua-
rum excellentia, innotescit
connexione ad supremū Ens.
DEVM unum & Trinum.
Utilitas. Omnis enim Scri-
ptura, intellige, Sacra, est uti-
lis ad erudiendum ad justi-
tiam. 2. ad Timotheum 3.
Tandem necessitas. Hanc
enim repellens repellendus à
Sacerdotio. Quia Tu scien-
tiam repulisti, repellam Te
ne Sacerdotio fungaris milii.

Ose.:

Osee c. 4. Quas dum in
quinque Opuscula, sc: Symbo-
lum Apostolorum. De vir-
tutibus. De peccatis, sed ca-
vendis. De præceptis DEI
& Ecclesie. De Sacramen-
tis in communi & particu-
lari, diuido, ad quinque fon-
tes de Sacratissimo Corpore
Salvatoris emanantes, refle-
ctor. De his prænuntiantie
Prophetæ omnis Sacra
doctrina emanat. Haurietis a-
quas in gaudio de fontibus
Salvatoris. Isaiae c. 12.

Has dum pro bono Eccle-
(2) sie

stæ pretioso Sanguine Chri-
sti D. fundatae in gratiam
Ordinandorum è sacris lite-
ris desumo, sub Perillustris
Magnificæ ac Reverendissi-
mæ Dignitatis Nominis, lu-
cem publicam videre humil-
limè peto. Non renuet Per-
illustris Magnifica & Reve-
rendissima Dignitas benevo-
lo affectu suscipere, cui longè
majora debentur.

Quem dum post Philoso-
phicos & Theologicos cum
fructu Discipulorum supera-
tos labores, celeberrima Uni-
ver-

versitas Cracoviensis laureâ
Doctoratus decuravit. Di-
gnitate Magnifici RECTO.
RIS honoravit. Venerabi-
lis Cathedra Cracoviensis ad-
eminentiam Reverendissimi:
Canonicatum Ecclesia Ca-
thedralis intelligo; sublima-
vit. Authoritas Episcopa-
lis contra temerarias & ha-
reticas doctrinas Censorem
Librorum per totam Craco-
viensem Diæcesim firmavit.
Ego omnium minimus SEN-
TENTIARUM SACRARUM opu-
sculo, quantitate quidem par-

vo, affectu tamen grandi,
præmissi profundissimâ sub-
missione veneror. Quantum
possum tantum audeo. Per-
mitte igitur sub Dignissimo
Nominis Tui patrocino,
hoc opusculum in lucem pu-
blicam prodire. Quid dum
speros, imò jam video: Tibi
Perillastris Magnifice & Re-
verendissime Domine, feli-
cem in rebus agendis moder-
nis calamitosis temporibus
dexteritatem, gratiam Nu-
minis, tutelam Cælitum, &
post decursum vita, immor-
talem

talem & beatam aeternitatem
ex intimis cordis medullis
precor & opto. Me apud
Divinam Majestatem obli-
gatum agnosco. Tandem ul-
teriori gratia & favori Per-
illustris Magnificæ & Reve-
rendissimæ Dignitatis com-
mendo.

PERILLUSTRIS, MAGNIFICÆ
& REVER: DIGNITATIS.

Humilissimus Servus

F. FERDINANDUS OHM alias
JANUSZOWSKI M. Ordinis
Prædicatorum.

Facultas & Approbatio Ordinarij.

EGO M. FRANCISCUS PRZE-
WOSKI S. T. D. & Professor.
S. R. M. S. S. Floriani Præpositus;
Ordinarius Librorum Cœlor. Opus-
culum, cui Titulus SENTENTIA SACRAE
in gratiam & commodum
Ordinandorum ab A. R. P. F. FER-
DINANDO JANYSZOWSKI S. T. D.
collectæ, vidi. Quod cum nihil Or-
thodoxæ fidei aut bonis moribus
dissonum in se contineat; sed non
solum Ordinandis verum omnib;
legentibus sit proficuum & utile,
ideo illud approbo & in lucem
publicam prelo edito & concedo
facultatem. Datum in Præpositu-
ra S. Floriani 31. Januarij 1699.

M. FRANCISCVS PRZEWOSKI,
S. T. D. & Professor, Præpositus S. Flo-
riani, S. R. M. S. Ordinarius Librorum
Cœlor.

FACULTAS ORDINIS.

APPROBATIO
THEOLOGORUM ORDINIS,

Videatur in opere im-
presso 1699.

1699
JANUARII



Pto Ercmo
Vrsciensi

OPUSCULUM

P R I M U M.

De Symbolo Fidei

PROLOGVS.

SYMBOLVM FIDEI est
Collectio Articulorum Fidei.
Est autem Articulus Fi-
dei , invisibilis veritas de
DIO, nos arctans ad credendum. Particula
arctans non debet sumi pro necessitate
coactionis, cum credere sit voluntarium,
sed pro necessitate finis, quia acceden-
tem ad Deum oportet credere, & sine
fide impossibile est placere Deo, ut A-
postolus dicit ad Hebr: 11 sic explicat
S. Th: 22. q. 1. a. 6. ad 3.

2. Si plures veritates non habent
specialem difficultatem, censentur una
veritas, v.g. quod Christus D. sit passus,
mortuus, & sepultus. Vel si una veri-

A

tas

De SYMBOLO APOSTOL.

tas continetur virtualiter in alia, ut veritas Sacramenti Eucharistiae sub veritate de Omnipotencia Dei, ut docet S. Th: loco cit: a. 8. ad 6.

3. Tria numerantur Symbola. 1. Apostolorum. 2. Nicænum, à primo tantum secundum majoriter explicatione distinctum. 3. S. Athanasij.

DISTINCTIO I.

De primario Objecto Symboli Fidei

1. D E U S sic explicari potest. En per essentiam, id est, Ens cui necessarium convenit existere Ex illo Exod: 3. Ego sum, qui sum. 2. Ens super omne ens & à quo omne aliud ens dependet. 3. En quo nihil maius aut melius excogitari potest.

2. D E U S est ubiq; per essentiam, praesentiam & potentiam. Esse ubiq; per essentiam, est adesse immediate omnibus secundum suam entitatem. Per praesentiam, est cognoscere omnia. Per potentiam, est posse operari in omnibus rebus quicquid vult S. Thom: q. 8. a. 3.

3. Quam-

De SYMBOLO APOSTOL:

3

1. Quamvis Deus sit ubiq; speciali-
2. er tamen est in cælo empyreo. 1. Ob-
3. loci dignitatem. 2. Quia in eo speci-
alius splendet Divina Majestas, quām
A in alijs mundi partibus. 3. Quia ibi
specialiter operatur, Beatisq; seipsum
manifestat & fruendum exhibet.

4. Sanctissima Trinitas, sunt tres per-
sonæ, Pater & Filius & Spiritus S. in unita-
te essentiæ Divine. Quod mysterium non
nullis similitudinib; explicari solet.
S. Dionysius L. de Divinis Nominibus
c. s. comparat tribus illuminosis unitis,
quorum est idem lumen. Alij compa-
rant tribus plicis ejusdem vestis. Alij
aliter. Quæ similitudines deficiunt.
Alias tantum mysterium, non esset tan-
tum mysterium.

DISTINCTIO II.

De numero articulorum Symboli Apostolorum.

1. **A** Postoli antequam in mundum
dispergerentur Symbolum com-
posuerunt, ponentes singuli singulos ar-

A 2

ticu-

De SYMBOLO APOSTOL:

ticulos. Qui autem hunc vel illum in particulari, non conveniunt Theologi. Propterea circa hoc non molestandi Ordinandi. Piè credendum B.V. MARIAE in medio Apostolorum tanquam Magistrum fuisse, dum Symbolum componebatur. S. Paulus Apostolus nullum Symboli articulum composuit, quia non fuit adhuc electus.

2. Secundum Catechismum ex Decreto Tridentini iussu Pij V. editum duodecim hocmodo numerantur articuli Symboli Apostolorum.

1. Credo in Deum Patrem Omnipotentem, Creatorem cœli & terræ.

2. Et in Jesum Christum, Filium ejus unicum Dominum nostrum.

3. Qui conceptus est de SPIRITU Sancto ex MARIA Virgine.

4. Passus sub Pontio Pilato, crucifixus, mortuus & sepultus.

5. Descendit ad inferos, tertiam die resurrexit a mortuis.

6. Ascendit ad cœlos, sedet ad dextram Dei Patris Omnipotentis.

7. In-

DE SYMBOLO APOSTOL.

5

7. Inde venturus est judicare vivos
& mortuos.

8. Credo in Spiritum S.

9. Sanctam Ecclesiam Catholicam,
Sanctorum communionem.

10. Remissionem peccatorum.

11. Carnis resurrectionem,

12. Vitam æternam, Amen.

3. Ex his primus articulus pertinet ad Deum Patrem. Sex sequentes ad Deum Filium. Alij ad Deum Spiritum sanctum. Et sic Symbolum fidei in tres partes dividitur. Prima, circa Personam Patris, & creationem Patri appropriatam. Secunda circa Personam Filij, & redemptionem. Tertia circa Personam Spiritus S. & sanctificationem hinc appropriatam.

4. Secundum S. Thomam 22. q. 1.
a. 3. quatuordecim numerantur articuli. Septem ad Divinitatem, septem ad humanitatem. Circa Divinitatem, 1. de unitate Essentiaz. 2. de Persona Patris. 3. de Persona Filij, 4. de Persona Spiritus S. 5. de creatione, 6. de

A 3

San-

68 De Symbolo Apostoli

Sanctificatione, dum dicitur, sanctam Ecclesiam Catholicam. Sanctorum communione. Remissionem peccatarum. 7. de remuneratione.

5. Circa humanitatem Christi. 1. de Incarnatione, seu de Conceptione Christi. 2. de Nativitate ejus ex Virgine. 3. de Passione ejus, Morte & Sepultura, 4. de Descensu ad inferos, 5. de Resurrectione, 6. de Ascensione, 7. de Adventu ad judicium.

6. Nec putes Authores Catechismi Romani contraire S. Thomam, cum fuerint Ordinis nostri. & Discipuli S. Doctoris. Fuerunt F. Franciscus Forerius Lusitanus. F. Leonardus Marinus Archiepiscopus Lancianensis. F. Egydius Fuscararius Episcopus Mutinensis. F. Thomas Manriq; S. Palatij Magister, & F. Eustachius Lucatellus, Ordinis N: Procurator Generalis. Sed hi duo ultimis tantum reviderunt. Præfati ergo, dum Symbolum fidei in duodecim articulos diviserunt, numerum Apostolorum cognientium attenderunt. S. vero Thomæ

De SYMBOLO APOSTOLÆ.

mas res contentas attendit. Qui etiam
Opusculo s. ait. Nec refert ad veritatem
fidei, vel errorum vitationem, qualiter di-
stinguantur.

DISTINCTIO III.

Circa primum Articulum.

De Omnipotentia DEI Patris &
opere creationis.

1. **I**cet omnes Personæ sint omni-
potentes: quia tamen Pater est
principium omnis productionis & ipse
à nullo producitur, ideo ei omnipoten-
tia appropriatur, seu specialiter, nostro
modo loquendi, attribuitur.

2. Opera sex dierum hoc ordine pro-
eedunt. Primo die creavit Deus cælum
& terram. 2. fecit firmamentum, divi-
sitsq; aquas, quæ erant sub firmamento,
ab his quæ erant supra firmamentum.
3. Congregavit aquas quæ sub cælo e-
rant in locum unum, & apparuit arida
produxitq; terra herbam virentem, &
lignum faciens fructum. 4. fecit Solem,
Lunam & Stellas. 5. reptilia & vola-
tilia.

PRIMVS ARTICVLVS

6. Bestias & reptilia terræ. Difficultates circa hæc videantur apud S. Thom: 1. p, præcipue à q. 68.

3. Circa creationem hominis hæc occurunt. 1. Licet homo inter creaturas corporeas primatum tenest, postremò tamen creatus. 2. Homo ad imaginem & similitudinem Dei creatus, quæ est secundum animam, in quantum hæc habet ineruptibilitatem. S. Thom. Opus: 6. 3. Locus ubi Adam creatus ignoratur, certum tamen extra paradisum fuisse conditum.

4. Probabile, in agro Damasco. 4. Creatus à Deo perfectus secundum magnitudinem corporis & atatem. Scientia, alijs donis, etiam dominio in creaturas irrationales ornatus. 5. Ex hujs costa Eym effinxit, quod præstigit, ut ostenderet mulierem sociam & collateralem esse Viri, non servam, neq; dominam, sed Viro capiti suo subditam. 6. Fuisset immortalis (cum per peccatum intraveris mors in mundum ad Rom: 5.) transcedens tempore à Deo.

de-

SYMBOLI APOSTOLI

9^o

destinato in cælum, S. Th: i. p. q. 402.
art: 4.

5. Immortalitatem causabat, quædam virtus supernaturalis inexistentis animæ, per quam anima poterat corpus ab omni corruptione præservare, quædam ipsa Deo subiecta mansisset, S. Th: i. c. q. 97. a. i. Lignum enim vitæ semel sumptum præservabat quidem à corruptione, sed tantum ad determinatum tempus. S. Th: i. c. a. 4.

6. Res invisibles, id est Angeli (de quibus loquor ordine Symboli Nicæni) non sunt creati ante mundum corporeum, sed simul. Concilium Lateranense C. Firmiter, ubi dicitur. Duum simul ab initio temporis, utramq; de nihilo condidisse creaturam, spiritualem & corpoream, Angelicam & mundanam. Et quidem primâ diæ creati sunt Angeli, si locum petas, in cælo empyreo, S. Thom: i. p. q. 61. a. 4.

7. Tres sunt Angelorum hierarchiæ. Prima continet Seraphinos, Cherubinos, Thronos, Secunda, Dominationes

A S

Vir-

07 **SECKNDVS ARTICVLVS**

Virtutes, Potestates. Tertia. Principes,
Archangelos, Angelos. Et sic sunt
novem Chori Angelorum. Quorum
Officia describo in 2. Sententiarum
Thomisticarum distinctione 7. Vbi au-
lia de Angelis videantur calamo brevi
& faciliter descripta,

DISTINCTIO IV.

Circa Secundum Articulum.

1. **H**ic articulus proponit JESVM
Christum esse filium DEI, ve-
rum, Unigenitum, ex iusdem natura cum
Patre. Et sic esse verum Deum, aqua-
lem Patri, coeteram, personaliter di-
stinctum, Dominum omnium. Lieet
autem & nos dicamur Filii DEI; secun-
dum pr. Ego dixi Dy es tu, & filij ex celo
sunt omnes, hoc tantum secundum partici-
pationem & adoptionem, non secun-
dum naturam.

2. Hac circa Nomen JESVS sunt
scienda: 1. JESVS est Nomen signifi-
cans Deum & hominem; 2. Signifi-
cans Salvatorem; 3. Voluntate Dni im-
posi-

SYMBOLI APOSTOL:

12

positum, Et vocabis Nomen eius IESVM.
Mate: 1. 4 cum cætera nomina Christi Domini salutem quam nobis dedit, attingant, hoc ipsum universæ salutis humanæ vim complectitur, Catechismus Romanus, & propterea dicitur Nomen super omne Nomen: 5. ad pronuntiationem hujus Nominis inclinamur.

3. Additur Christus, id est, unctus, quia vere Oleo Spirituali unctus ad triplicem dignitatem, Sacerdotis, Regis & Prophetæ.

4. Erat Sacerdos, Officium Sacerdotis est esse Mediætorem inter DEUM & populum, in quaenam preces populi DEO offert, & pro eorum peccatis DEO satis facit, hoc autem maxime convenit Christo D S: Th: 3. p. q 22. a 1.

5. Erat Rex. Regnabit in Domino Iacob in eternum & regni eius non erit finis. Luc: 1 Hoc regnum Spirituale atq; æternum, in Ecclesia militante, eam fundando, Sacramenta instituendo &c. inchoatur, & in triumphante perficitur.

6. Negari non debet Christum Do-

A 5

minum

12 SECUNDVS ARTICVLVS

minum, ut hominem habuisse dominium super omnia regna mundi in temporalibus, licet id in paucis actionibus exercuerit, non quidem supremum, quod illi ut Deo tantum competebat, nec infimum, fundatum in voluntate humana. jure enim humano introducta est divisio rerum & iurisdictio ad se- yandam inter homines pacem. Tali dominio carere perfectionis erat, sicut tali carere ad religiosam pertinet per fectionem. Habuit tamen dominium medium fundatum in unione hypostatica, hoc enim conducebat ad exaltationem sui Nominis, ut in Nominis IESV omne genu flectatur. P. M. Julius Bianchi Venetus. Professor Romanus, su- per Minervam, tractando in 3. p. D. Thome.

7. Erat verè Propheta, &c in eo fuit verè prophetia. S. Th: 3. p. q. 7. a. 8. Propheta magnus surrexit in nobis. Lucae 7. Quæ enim procul, ab aliorum viatorum, notitia erant, annuntiabat. Scias ex N. P. M. Labat in 3. p. disp: 5. dub: 3.

§. 3.

§. 3. prophetiam ex se non importare
claram vel obscuram cognitionem, sed
scilicet notitiam eorum, quæ procul sunt
ab aliorum viatorum cognitione, sive
illarum clara, sive obscura.

DISTINCTIO V.

Circa tertium articulum.

In hoc Articulo, & Conceptio
CHRISTI D. seu Incarnatio,
& Nativitas declaratur.

I. **Q**uando ergo B. Virgo MARIA
credidit angelō & consensit,
dicendo. Ecce Ancilla Domini fiat mihi se-
cundūm verbum tuum, tunc SPIRITUS S.
supervenit in eam, hoc est, fecunda-
vit eam, & formavit in instanti de-
purissimo sanguine B. Virginis, Corpus,
& in eodem instanti, in quo formatum
est corpus, creata est anima de nihilo,
& hæc eodem instanti conjuncta est cor-
pore organizato, & illa duo sc: corpus
& anima simul fuerunt Divinitati uni-
ta in Filij DEI Persona, & sic eo in-
stanti

14 *TERTIUS ARTICULUS*

stanti facta incarnatio, quo B: Virgo
MARIA consensit, dicendo, *sicut mihi*
secundum verbum tuum.

2. Licet opera ad extra sint com-
munia toti Trinitati, Conceptio tamen
Christi Domini appropriatur, seu no-
stro modo loquendi, specialiter tribui-
tur SPIRITU S. quia hoc opus bonita-
tis, opera autem bonitatis specialiter
attribuuntur SPIRITUS S.

3. Nec tamen SPIRITUS S. potest di-
ci Pater Christi Domini, nam licet
Christus Dominus secundum quod ho-
mo sit de SPIRITU S conceptus, sicut
de principio activo, non tamen secun-
dum similitudinem speciei, sicut homo
nascitur de Patre suo.

4. Nativitas Christi Domini est tri-
plex Divina, humana & gratuita. Pri-
ma ex Patre ab aeterno. Secunda ex
Matre in tempore. Tertia in mente
per gratiam. B. Albertus M. loco cit:
e. 117 & hanc triplicem Nativitatem
representat Ecclesia per tres Missas die
Nativitatis Domini. Missa noctu cele-
bra-

SIMBOLI APOSTOL: 15

brata representat Nativitatem Divinam
In aurora, secundum Carnem ex B. V.
MARIA. Cantata in die, gratutam.
B. Albertus M. in compendio veritatis
Theologicæ, L. 4. c. 11. S. Thomas
Missam in aurora dicit significare Na-
tivitatem, secundum gratiam. Cantata
de die dicit significare Nativita-
tem secundum Carnem. Vide S. Th:
3. p. q. 83. a. 2.

5. Secundum temporalem Christi No-
mini Nativitatem B. V. MARIA est ve-
ta Mater. Nam Corpus Christi Domi-
ni est de B. V. sumptum, & ex puris-
simo sanguine Beatissimæ formatum.
Seb quod in idem redit. Conceptus est
de MARIA Virgine materiam mini-
strante in similitudinem speciei, quod
sufficit ad rationem veræ Matris. S. Th:
3. p. q. 32. ar: 3. & q. 45 a. 3.

6. Per medium annorum quo Chri-
stus Dominus venit, intelligitur plenitu-
do temporum, id est, tempus gratie.
Dicunt medium, quia mediat inter an-
num ixx, qui fuit veteris Testamenti,
& an-

& annum gloriæ. Dionysius Carthusianus super Canticum Abacue. Audie vi auditionem tuam Et timui.

DISTINCTIO VI.

Circa quartum Articulum.

Hic Articulus Passionem Christi
Dñi. in Cruce suspensionem,
Mortem & Sepulturam,
credendam proponit.

1. Secundum S. Vincentium Ferrerium
Relatum à P. M. Seraphino à Por-
recta in 3 p. D. Thomæ q. 47. art. 1.
Christus Dominus his instrumentis fla-
gellatus, scilicet Virgis spineis, flagellis ha-
bentibus nodos, aculeis acutissimis tran-
fixos, & catenis habentibus in summi-
tatiuncos. Primi enim milites flagel-
lantes habuerunt virgas de spinis, & ve-
pribus acutissimis confectas, quibus fla-
gellando cutem Christi aperuerunt. Se-
cundi primis fatigatis succedentes habu-
erunt flagella, in quorum summitate
erant nodi aculeis acutissimis transfixi, &
his flagellando Sanctissimam Carnem
scin-

scindebant. Tertij secundis succedentes habuerunt catenes, in quarum summictibus unci, quibus flagellando Sanctissimam Carnem extraxerunt.

2. Quidam ex revelatione numerant supra quinque millia iustum. Alanus de Rupe c. 15. dicit, D. Bernardo à Christo-Domino revelatum. *Qui amat mecum portare Crucem, ut in dies, mihi passo, reciteret quindecim, Fater N. & Ave per annum solidum, & complebit numerum vulnerum meorum.* Fons essent quinque millia vulnerum, quadringenta septuaginta quinque.

3. Secundum S. Anselmum in Dialogo de Passione Domini, **Cerona Christi Domini** non fuit de spinis, que vulgo dicuntur spinae, sed de juncis marinis, qui acutiores habent aculeos. Idem docet S. Bonav. Ludolphus Cárthusianus apud P. M. Ruszell l. 1. p. 1. c. 8. ubi alias sententias refers.

4. Secundum S. Greg: Nazianzenum & S. Bonaventuram, Christus Dominus tribus clavis fuit Crucis affixus. S. Greg: Turonensis, Innocentius III. Confalvus

Du-

18 Q^UARTVS ARTICVLVS

Duranthus, Guilelmus Lundanus Episcopus & alij sentent, quod quatuor. Pedes enim duobus affixi, ut est in revelationibus S. Birgittæ l. 4. c. 70.

5. Non numerando titulum Crucis, de quatuor lignis fuit Crux Christi Dñi si de Cedro, Cupresso, Palma & Oliva, Titulus secundum Bedam de buxo. Et sic numerando titulum, de quinq; lignis. V.P. Magistrum Ruszell l. 2. de S. Cruce parte 1. c. 1. 2. 3. & 4. Hæc ligna & positio eorum exprimuntur his versibus.

6. Pes Crucis est Cedrus. Corpus tenet alta Cupressus. Palma manus retinet, Titulus latatur Olivâ.

7. Antequam poneretur Columna præsistentanda tabula tituli, Crux Domini erat adinstar T. Ita Innocentius III. in Præfatione ad Patres Concilij Lateranensis Tau (ait) est ultima litera Hebraicæ Alphabeti exprimens formam Crucis, qualis erat antequam Domino Crucifixo Pilatus titulum superponeret. V.P. M. Ruszel loco cit. c. 7.

8. Secundum Ludolphum Carthusianum

nūm de vita Christi 2. p. c. 63. Pars superiōt Crucis signat januę Celi apertōnēm, inferior inferni destructionem, à dextris gratiae collationem, à sinistris peccatorum remissionem.

9. Christus D. non fuit totus nudus in Cruce. Ita S. Anselmus de Passione D. & multi alij apud Ludolphum Cartusianum, p. 2. c. 53. & 63. Alij SS. Patres qui oppositum sentire videntur loquuntur de nuditate moraliter omnimoda, qualem censetur habere existens in balneis, licet aliqua pars tegatur, parum enim pro nihilo reputatur. Rationem dat Gonsalvus Duranthus l. 1. c. 17. quod Christus D. coram Sanctissima Matre, alijsq; mulieribus sanctitate conspicuissimè apparere noluerat. Flagellatus tamen nudus omnino fuit, ut patet ex revelatiōne S. Birgittæ l. 1. c. 10 ibi, alligatus autem nihil omnino operimenti habebat, sed sicut natus est stabat & patiebatur erubescētiām suę nuditatis. Vide P. M. Ruszel l. 1. p. 1. c. 18.

DISTINCPPIO VII.

Circa quintum articulum.

Hoc Articulo proponitur viatorius Descensus ad inferos, & gloriosa Resurrectio a mortuis.

1. **A**nima Christi D. tanto tempore fuit apud inferos, quanto corpus in sepulchro, S. Th: 3. p. 52. a. 4. Horum autem Resurrectionis eduxit Christus Dominus de limbo Patrum animas, & die Ascensionis in calum perduxit. De loco damnatorum & cum solo originali decadentium (nam & hi sunt essentialiter damnati) nullum eduxit, S. Th: l. c. a. 6. &c 7. De purgatorio illos tantum qui erant sufficienter purgati, vel etiam qui dum adhuc viverent, meruerunt fidem & devotionem ad mortem Christi D. Ut eo descendente, liberarentur a temporali purgatorijs poena S. Th: l. c. a. 8.

2. Ex his patet præter calum quatuor esse receptacula animarum. Primum, ubi damisiati, poena damni, id est carentia visionis beatifica, & poena sensus torquen-

quenctur. Secundum, locus Purgatorij, immediatè existens supra damnatorum infernum. Tertium, lymbus puerorum cum solo originali decedentium. Quartum, lymbus Patrum, à quo Christus D. animas antiqui testamenti sine originali & mortali decedentium eduxit. Ita hæc receptacula ordinat Samuel de Lublino V. Purgatorium, & sentit ignem inferni, qui in profundo oruetat damnatos, ascēdere ad purgatoriū, qui tamen ad decedentes cum solo originali non ascendit, cùm hi pœnam damni tantum patiantur, multò minus ascēdebat ad Patres in lymbo. Hæc circa descensum ad inferos.

3. Circa Resurrectionem hoc inter alia sciendum, ideo Christum D. retinuisse Sacras cicatrices. 1. ad majorem sui gloriam. 2. ad confirmandum corda Discipulorum circa fidem suæ Resurrectionis: 3. Ut Patri pro nobis suppli- cans, quale genus mortis pro homine pertulerit, semper ostendat. 4. Ut suā morte redemptis, quām misericorditer sint adjuti, propositis ejusdem mortis indicij

22 · SEXTVS ARTICVLVS

dicijs insinuet. 5. Ut in judicio, quam
justè damnentur ibidem denuntiæ. ita
S. Th: 3, p. q. 54. a. 4.

DISTINCTIO VIII.

Circa sextum Articulum.

De Triumpho Ascensionis in Cæ-
lum, & Throno sessionis à
dextris æterni Patris.

1. **Q**ui resurrexerunt Matt: 27. non
ascenderunt in corporibus cum
Christo. S. Th: 3, p. q. 53. a. 3. ad 2.
ex S Aug. Et sic solus Christus D. per-
fecta Resurrectione, id est, non moritu-
rus, ante universalem resurrectionem
resurrexit. Ex privilegio B.V.M. & piè
creditur de S. Joanne Evangelista, ait S.
Thom: opusculo sexto explicando præsen-
tem articulum.

2. Si loquamur de Christo D. ut Deo,
sedet ad dexteram Patris, idem est ac est
in æqualitate Patris. Si loquamur ut de
homine, sedet ad dexteram Patris, id est,
est in bonis paternis potioribus præ cæ-
teris creaturis, id est, in majori beatitu-
dine,

dine, & habens judicariam potestatem.
S. Th: 3. p. q. 58. a. 3. & 4. Et sic per
dexteram Patris intelligitur, gloria Pa-
tris, beatitudo & potestas judicaria.

DISTINCTION IX.

CICA SEPTIMUM ARTICULUM.

De extremo Judicio.

1. Icet in morte subeamus judicium
particulare, necessarium tamen
judicium universale, ut omnibus inno-
tescat justa Supremi Judicis de factis no-
stris sententia. Colligi potest ex Scriptu-
ris quod Christus D. ad judicium uni-
versale sit descensurus, circa locum
Montis Oliveti, sicut & inde ascendit.
Præminent autem Mons Oliveti Valli
Josphat. Scias ex B. Alberto Magno in
Compendio Veritatis Theologicæ l. 7.
Christus D. sedebit in loco eminenti
cum Sanctis, mali vero subitus in terra
quam dilexerunt.

2. Sol & Luna non obscurabuntur
tempore Adventus Christi D. quia to-
tus mundus innovabitur Christo D. ve-
niente

SEPTIMVS ARTICVLVS
niente & Sanctis resurgentibus. Obs-
teturabitur ergo tempore propinquu-
m judicium, vel simul, vel diversis tem-
poribus, S. Th: in supp: 3. p. q. 73. a. 2.

3. Omnes ante diem judicii mori-
entur. Quia omnes homines Domini sen-
tentia morti adjudicati sunt propter pec-
catum. S. Th: in supp: 3. p. q. 78. a. 1.
Quando autem in Symbolo dicitur, *ren-
turus est indicare vivos & mortuos*, per vivos
non intelliguntur qui nunquam mortui,
sed qui tempore propinquu[m] & signorum
vi mortui, S. Th: loco cit: ad 1.

4. De igne ultimæ conflagrationis
hæc è multis scienda. 1. Ignis occupa-
bit tantum de spatio, quantum occupa-
verunt aquæ diluvij, & sic quindecim
cubitum erit altier montibus. S. Th: in
supplemento 3. partis q. 74. a. 6. Qua-
re non perveniet ad sphæram ignis, nec
purgabit elementum ignis, S. Th: loco
cit. 2. Post judicium involvet malos,
S. Th: l. c. a. 7. Quiequid de illo igne
calidum, ustivum & impurum reperi-
tur, descendet ad inferos ad augendam
pœnam

pœnam malorum, quicquid verò subtile & lucidum, remanebit superius ad augendam gloriam Beatorum. S. Th: 2.9. immò quicquid ignobile in mādo ad locum pœnarum confluet. B. Albertus M. in Compendio Veritatis Theologicae L. 7. c. 20. Ex dictis intelliges durante judicio mundus stabit in igne conflagrationis, ut etiam docet Dionisi Car: Dominica i. Adventus in enarratione Evangelij.

5. De Cruce quæ tempore judicij apparebit sequentia habet Carth: loco cit: serm: quinto. Tunc apparebit Crux Christi, atq; ut aliqui volunt reintegrabitur. vel aliquid lucidum in Crucis specie apparebit.

6. Docet Philippus à S. Trin: tract: 2 in 1. 2. disp: 9. duo. s. ad 2. Sententiae finales sc. Venite benedicti &c. ite maledicti &c. tantum dirigentur ad adultos. Nam in ultimo judicio tantum fieri mentio operam bonorum ad laudem, & malorum ad confusione.

7. Et sic sententia à Christo Dño contra reprobos fulminanda, contra mortuas

tuos in solo originali, licet in judicio apparebunt, non dirigetur, quamvis hi sint essentialiter damnati, utpote carentes visione Dei. In carentia enim claræ visionis Dei consistit essentialiter damnatio, sicut in clara visione Dei, consistit essentialiter beatitudo.

8. Pœnam damni & sensus patienteum damnati. Per pœnam damni intelligitur amissio seu carentia beatitudinis æternæ, per pœnam sensus intelligitur, quæ inferendo aliquid nocivum sive corpori, sive animæ, torquet & affigit. Dicitur autem pœna sensus quamvis anima torqueatur, quia nocumenra nociva potissimum sensibus percipiuntur. Ex his pœna damni, utpote amissio summi boni, est major, quam solam experiuntur morientes, cum solo originali decedentes pœna enim sensus solum per peccatum personale contrahitur secundum S. Bernardum dicentem, in inferno solam propriam ardere voluntatem.

9. Pro coronide circa presentem articulum queritur quomodo innovabitus mun-

SYMBOLI APOSTOL. 27

mundus? Rdet Carthusianus Dominica i. Adventus serm: 4. Complanabitur terra, erit pulchra ut aurum, aqua sicut chry-
stallus. aér ut cælum ignū ut sidera lux Lunæ
erit septemplex, seu tanta ut modò Solis lux
Solis septies tanta ut nunc. Siderum quoq; lux
proportionaliter tunc creditur augenda. Sol
perpetuò stabit in oriente. Luna iugiter plena
erit in occidente, & motus cessabit cælorum,
eruntq; omnia in termino. Ita ille, quem
Cardin: Bellarminus doctissimum &
sanctissimum vocat. S. tamen Thomas
in supplem. 3. p. q. 91. a. 4. docet, ter-
ram fore in superficie perviam ut vi-
trum. Sic ergo terra & cælum, quoad
accidentia, transibunt.

DISTINCTIO X.

Circa octavum Articulum.

Credo in Spiritum Sanctum.

Nomen Spiritus S. duobus modis
sumitur. 1. complexè seu ut com-
positum ex duabus distinctionibus. 2. ex
usu Ecclesiaz, incomplexè seu per mo-
dum

28 ARTIC: OCTAVVS.

dum unius dictio[n]is. Primo modo est commune tribus Personis, quia qualibet & Spiritus & sancta. Secundo modo, soli tertiae personæ convenit. Quo nomine congruè ab Ecclesia nominatur, quia spiritus à spirando est quidam impulsus, Spiritus autem S. procedit ut impulsus, cùm procedat ut amor, qui est, impulsus seu inclinatio in rem, secundum illud. *Amor meus pondus meum, eo feror, quo cunq[ue] feror.*

2. Hæc inter alia de Spiritu S. credenda. Esse consubstantialem seu ejusdem naturæ cum Patre & Filio. Procedere à Patre & Filio.

3. Spiritus S. in specie columba super Christum Dñum baptizatū apparuit, ad designandam dispositionem requisitam in baptizando, sc: nè fietus accedit. S. Th: 3. p. q. 39. a. 6. ad 4. In igneis verò linguis super Apostolos, ad designandum fervorem, quo corda Apostolorum erant commovenda, ad prædicandum Christum Dominum ubiq; inter pressuras, S. Th: loco citato.

DISTIN-

DISTINCTIO XI.

*Circa nonum Articulum.***Sanctam Ecclesiam Catholicam,**
SS. Communionem.

1. **E**ccllesia dividitur in militantem,
Purgantem & triumphantem. Mil-
itanstimet & expectat. Purgans, tan-
tum expectat. Triumphans ab utroque
libera.

2. Ecclesia militans est societas visibi-
lis fidelium baptizatorum sub uno capite Chri-
sto in cæli, & Vicario eius in terrâ, inter se
eodem cultu communicantium. Hæc vocas-
tur regnum Dei, sponsa Christi, corpo-
mythicum Christi.

3. Quatuor sunt notæ & conditio-
nes veræ Ecclesiæ à Concilio Nicæno
expressæ, ibi: *Credo unam, Sanctam, Ca-
tholicam & Apostolicam Ecclesiam.* Addunt
aliqui buinitam sc: Romanam. Sed hæc
non tam est nota, quam subjectum præ-
dictatum notarum. Has explico in sen-
tentias Thomisticis in 3. d. 57.

4. Etiam peccatores quāmvis sint ex

reprobis seu damnandis, modò sint fideles, pertinent actu ad Ecclesiam, secus hæretici; De fidelibus excommunicatis dubium, sed probabile puto pertinere ad Ecclesiam ut doceo in præfato opusculo. l. 4. d. 13.

5. Aliqui per communionem Sanctorum intelligunt congregationem fidelium. In primitiva enim Ecclesia fideles etiam peccatores dicebantur Sancti ob sanctitatem Ecclesie cujus erant membra. Et sic hæc pars articuli solum ponitur claritatis gratia.

6. Sanctus Thomas Opusculo 6. circa præsentem articulum per communionem Sanctorum, intelligit participacionem tum honorum Christi Domini ut potest Capitis, qualia sunt Sacra menta & merita ejusdem, tum honorum Fidelium ad invicem. Nam bonum Christi communicatur omnibus Christianis, sicut virtus capitis omnibus membris. Et sic communicantur nobis Sacra menta & merita Christi. Item quicquid boni faciunt omnes justi communicatur in charita-

ritate existentibus, secundum illud. Psal:
118. *Particeps ego sum omnium timentium te.* Et inde, qui in charitate vivit particeps est omnis boni quod fit in toto mundo. Sed tamen specialius illi pro quibus specialius fit aliquid bonum.

7. Et sic per ly *Sanctorum* intelligi possunt res sacrae, ut sunt merita Christi Domini Sacra menta, dona gratiae, doctrinae Christi D. Intelligi etiam possunt homines justi, qui ad invicem de bonis operibus participant, quemadmodum in corpore naturali operatio unius membra cedit in bonum totius corporis.

8. Fit autem hoc modo haec participatione bonorum operum, quod beneficia justorum subveniant aliis in necessitatibus, defendant in periculis, confirmant in bonis. Sumitur ex Synodo Colonensi in praesenti.

9. Haec communio bonorum extenditur ad purgatorium. cum animae ibidem existentes uniantur nobis per charitatem.

10. Participant etiam mali de benefactis

factis justorum, non quidem ut justi per quandam derivationem cum sint membra mortua, sed per impetracionem, quae saepè auxilia divina resurgendi à peccatis conceduntur, auxilia inquam efficacia. Participant item de benefactis justorum, inquantum intuitu horum saepè evadunt afflictiones & vindictam Dei.

ii. Ex dictis patet, in hac communione Sanctorum fundari indulgentias vivorum & suffragia mortuorum.

DISTINCTIO XII.

*Circa decimum Articulum.
Remissionem Peccatorum.*

i. **N**on datur tam immane scelus, vel tantus peccatorum cumulus qui non possit per penitentiam deleri. Nam dicitur Jóelis 2. Deus prestatibilis super malitia idest misericordia & bonitas divina vincit quamlibet malitiam peccatoris. Peccant contra hunc articulum, de misericordia Dei desperantes.

2. Quando Mart: 12. dicitur, peccatum in Spiritum Sanctum neque in hoc seculo neq; in futuro remitti, non est sensus, quod nullatenus remittatur, sed difficulter, quia fontem gratiae & pietatis sc. Spiritum Sanctum fastidit ac repellit. Sicut morbus lethalis & insanabilis dicitur, qui difficulter curatur. & quo ægrotus medicina i. odit & Medicum abominatur.

3. Vnum peccatum mortale nequit remitti sine alio. Quia dum peccatum mortale remittitur gratia sanctificans infunditur, quæ nullum peccatum mortale compatitur.

4. Seclusa revelatione seire certo non possumus peccatum nobis esse remissum. Conjecturali tamen notiri per aliqua signa id fieri potest. Hæc autem signa, quod aliquis percipiat se delectari in Deo, & contemnat res mundanas, & non sit conscius alicujus p. mortalibus. S. Th: 1. 2. q. 112. a. 5. Signa quibus conjecturaliter cognoscitur prædestinatio, recito in 1. Sent. Thomistica. rum dist. 21, B 5 D I.

DISTINCTIO XIII.

Circa undecimum Articulum.

Carnis Resurrectionem.

¶ R^{es}urrectionis nostræ habem⁹ sym-
bolum in rebus naturalibus. Nam
granam seminatum corruptitur putre-
scit & moritur, postmodum repullulat,
reviviscit & resurgit.

2. Hæc circa corpora resurgentium
ex S. Th: Opusculis sexto circa præsentem
articulum sunt scienda. 1. Idem cor-
pus quod nunc est, & quantūm ad car-
nem & quantūm ad ossa resurget. 2.
Corpora resurgentia erunt alterius qua-
litatis, quam nunc sint, quia non so-
lum beatorum sed & damnatorum erunt
incorruptibilia, quia boni semper erunt
in gloria & mali semper erunt in pœ-
na. 3. Omnes, boni & mali cum omni
integritate ad perfectionem corporis
pertinente resurgent, non enim erit ibi
cœcus vel claudus, nec aliquis defectus.
4. Omnes resurgent in ætate perfecta,
qualis fuit Christi Dñi, ultimas duas par-
tes

tes docet B. Albert: M. loco mox citando-
De primis enim duabus non est difficul-
tas.^{so}

5. Hæc circa qualitatem corporum.
Bonorum scienda ex S. Th: loco cit:
Sancti habebunt corpora glorificata, in
quibus erit quadruplex conditio (aliás,
dos) prima est claritas secunda impas-
sibilitas. tertia agilitas. quarta subtili-
tas. Adverte ex Philippo à SS. Trin
disp: 6. in 1. 2 tract: 1. dub: 3: per hanc
dotem non habet corpus gloriosum esse
in eodem loco cum alio corpore, sed ha-
bet quod facile possit partes dividere &
per eas se intromittere. Allegat S. Tho-
mam V. citatum l. c.

6. Circa qualitatem vero corporum
malorum, hæc sunt scienda, ex S. Th:
l. c. 1. Corpora eorum erunt obscura.
2. passibilia, licet nunquam corruptan-
tur. 3. gravia 4. ad instar putridorum.

7 Per tubam ad cuius sonitum re-
surgemus intelligit S. Greg: relatus à B.
Alberto M. in Compendio verit. Theo-
logica l. 7. c. 16. manifestam Christi
appa-

56

ARTIC: V^NDECINVS

apparitionem. videlicet ut habet vim cu-
jusdam imperij. S. Thom^{as} in Supp: 3.
p. q. 76. a. 2. intelligit vocem imperan-
tem Christi Domini. Secundum alios
intelligitur ministerium Angelorum in
colligendis cineribus.

8. Satis probabiliter à quibusdam
dicitur, quod resurrectio erit crepuscu-
lo. Sole existente in Oriente & Luna in
Occidente, quia in tali dispositione, Sol
& Luna creduntur esse creata: ut sic e-
orum circulatio compleatur penitus
per redditum ad idem punctum. Vnde de
Christo dicitur, quod tali horâ resur-
xit, ita in terminis S. Th: loco c. q.
77. art: 3.

DISTINCTIO XIV.

Circa duodecimum Articulum.

Vitam æternam.

1. **A**d vitam æternā omnes homines
creati, Deus enim vult omnes sal-
vos fieri. Non tamen omnes pervenient
ad vitam æternam, immo pauciores,
mul-

multi enim sunt vocati, pauci electi, immo ex Christianis pauciores salvabuntur, tanquam probabilius docet Philippus à SS. Trin disp: 17 in 1. p. dub: 4. sequens Cajet & refert S. Greg: M. S. August: S. Hier. & Chrisostomum. Hæc perditio erit ex nobis. Cur ergo Deus hos creavit quos futuros malos præscivit? respondet Magister Sent: in 2. d. 13 quia prævidit quid boni de eorum malis esset facturus.

2. Vita æterna seu beatitudo nostra consistit in clara visione Dei. Dicit enim S. P. Aug: in Soliloquiis C. 36. Hæc est plena beatitudo, & tota glorificatio hominū videre faciem Dei sui. Vident autem Beati non solum essentiam Dei, sed & alia quæ sunt formaliter & eminenter in Deo. Formaliter sunt attributa & relationes, eminenter creaturæ.

3. Proprietates vitæ æternæ seu beatitudinis hæ sunt. 1. Felix amandi necessitas. 2. Summum gaudium seu delectatio. Primo gaudent Beati de bono divino in se considerato. Secundo de bono

38 ARTIC: DODECIMVS.

bono proprio, & felicitate quā potius
tur, ut tamen relata ad Deum tanquam
ad ultimum finem: 3: Felix impotentia
peccandi. 4: Perpetuitas.

4: Dotes animæ beatæ sunt, visio,
comprehensio seu tentio & delectatio.
Intelegunt autem Thœologi per has do-
tes, ornamenta quædam seu dispositio-
nes animæ, elevantes eam ad statum dis-
similem vitæ, & conjunctionem spiri-
tualem cum Deo. Harum explicatio-
nem ulteriorem vide in 4: sent: Tho-
misticarum dist: 59.

5. Tres etiam sunt aureola Beatorum,
sc. Martyrij Virginitatis & Doctoratus:
Est autem aureola gaudium quod Beati
habent ex victoria de mundo, carnae;
vel diabolo, sicut aurea vocatur, tum
Ipsa beatitudo, tum gaudiun de beatitu-
dine. Aureola Martyrii est gaudium ex
victoria de mundo Virginitatis, ex vi-
ctoria de carne. Doctoratus ex Victo-
ria de Diabolo, qui per doctrinam ab ho-
minibus pellitur. Hæc debetur etiam
Confessoriis & Scriptoribus, ea quæ ad
Ipsa.

salutem dirigunt, scribentibus. Ex his nobilior Martyrii, deinde Virginitatis, tandem Doctoratus.

6 Q. V. Aureola differat à fructu scias, nunc de fructu sermo est, secundum quod ex semine confurgit, spirituale autem semen est verbum Dei. Et ergo sic loquendo de fructu, fructus verbi Dei differt ab aurea, & ab aureola: quia aurea consistit in gaudio, quod habetur de Deo, aureola vero in gaudio de operum perfectione, sed fructus consistit in gaudio quod habetur de ipsa dispositione operantis secundum gradum spiritualitatis, in quem proficit homo ex semine Verbi Dei. S. Thom. in supp: 3. q. q. 96. a. 2. Id est, fructus consistit in gaudio quod habetur de utilitate, ex perceptione Verbi Dei, hominem quodammodo spiritualizantis. Hic fructus soli continentia correspondet: hæc enim præcipue liberat hominem à subjectione carnis, & quodammodo hominem spiritualizat, ratione cujus fructus homini respondet. S. Th. loco cit: a. 3.

Et

40 ARTIC: XII. STMB: APOST.
Et hæc de vita æterna, quæ de numero
Novissimorum (hæc autem sunt 4.
sc. Mors. Judicium. Infernus.
Gloria cœlestis) & de Symbolo
Apostolorum, in honorem
Capitis Apostolorum.

OPUSCULUM
SECUNDUM.
De Virtutibus & ijsdem
annexis.

PROLOGUS.

Virtus est bona qualitas mentis, quæ
recte vivitur, quæ nullus male vivit.
ex S. Th: 1. 2. q. 55 a. 4. Divi-
ditur in intellectualem, moralem, &
Theologicam Intellectualis est illa quæ
perficit intellectum ad cognitionem ve-
ri. Moralis, quæ voluntatem compleat
ad

ad prosecutionem boni honesti. Theologica, quæ circa Deum immediatè ver-
satur. Intellectualis subdividitur in ha-
bitum primorum principiorum, sapien-
tiam, scientiam, artem & prudentiam.
De natura harum vide dicta in 3. Sent:
Thomisticarum distinct: 52. Moralis
subdividitur in 4, Cardinales tanquam
principales, sc. prudentiam, justitiam,
fortitudinem & temperantiam. Theo-
logica in Fidem, Spem & Charitatem.

DISTINCTIONE I.

De Fide.

1. **F**ides, alias prima virtus requisita
in Christiano, est habitus supernatu-
ralis quo certò credimus veritates à Deo Eccle-
sie revelatas. Definitio apud S. Paulum
(fides est sperandarum substantia rerum, ar-
gumentum non apparentium) utpote pro-
fundior, relinquitur Scholasticis. V. S.
Th 2. 2. q. 4. a. 1. Inter alias prærogati-
vas fides sua certitudine superat omni-
um scientiarum naturalium certitudi-
nem

nem, & sic circa res fidei nulla debet esse
vacillatio.

2. Fides, alia est formata, alia informis, illa est in hominibus justis, hæc in peccatoribus. Alia explicita, alia implicita. Hæc est quæ creduntur veritates in alio, v. g. credo quicquid credit Ecclesia. Illa est quæ quis credit veritates fidei in seipsis distinctè, v. g. Trinitatem Personarum Divinarum. Incarnationem; &c.

3. Credere Deo, Deum & in Deum sic differunt. Credere Deo, est firmiter tenere vera esse quæ revelat. Credere Deum, est firmiter tenere Deum esse. Credere in Deum, est credendo tendere in Deum, tanquam in ultimum finem: & sic nequit dici credo in B. V. Mariam.

4. Ad eliciendum actum fidei hæc requiruntur. Ex parte intellectus præter habitum fidei, requiritur illustratio actualis. Ex parte voluntatis pia affectio, ex gratia Spiritus Sancti in doctrinam Christi concepta. Et hoc est vocari ad fidem interius. Aliquando præter hæc voca-

vocamur ad fidem per prædicationem
exteriūs.

5. Hæc ex multis sunt motiva quæ fa-
ciunt fidem nostram credibilem. 1. Quòd modo mirabili fides Christiana
per mundum propagata. Mirabili in-
quam modo, quia celeriter per paucu-
los Piscatores, pauperes, contemptibi-
les, ante rudes, qui non solum homines
rudes, sed & suo tempore doctissimos,
& principes ad fidem Christi traxerunt.
2. Quòd multis magnisq; miraculis fi-
des nostra à Christo ejusq; Discipulis
confirmata. Id præter alia constat ex
quatuor Evageliis, ubi, *cæci*, muti, sur-
di &c. leguntur sanati. 3. Quòd inter
Doctores Ecclesiæ tanta circa fidem
concordia, ut et si diversarum nationum
fuerint, diversisq; sæculis floruerint,
idem tamen docuere. Plura motiva vi-
deantur apud Theologos;

6 Sicut qui uno peccato mortali De-
um offendit amittit totaliter charita-
tem, ita qui uni articulo discredit amit-
tit totaliter fidem S. Th. 12. q. 5. a. 3.

7. Præter sacram Scripturam aliquæ traditiones non scriptæ ad regulam fidei pertinent. Patet ex S: Paulo 1. ad Thess.
 2. Itaq; fratres state, & tenete traditiones quas didicistu, sive per sermonem sive per Epistolam nostram.

DISTINCTIO II.

Quæ tenetur Christianus scire
& credere.

1. Chriftiani à Christo cuius fidem profitentur, dicuntur. Primo autem sic vocari cæperunt Antiochiaz, cum antea vocarentur Fideles, Discipuli, Fratres, Sancti, Galilæi, & Nazarzi à Iesu de Nazaret Galilæo.

2. Tenetur quilibet Christianus necessitate mediis credere explicitè hæc duo principia, Deum esse & esse remuneratorem.

3. Supposita sufficienti promulgatione Evangelii, tenemur eadem necessitate credere explicitè mysterium SS. Trinitatis, Incarnationis & Redemptionis, immo

DE FIDE. 45

immò Philippus à SS. Trinitate disp: 4.
in 2. 2. disp: 5. citans S. Bonav: & Bona-
cina circa 1. Decalogi præceptum. q. 2.
punc: 2. cum M. Bannez, idem docent
de Morte & Resurrectione Christi Dñi.
Alios articulos tenemur credere ne-
cessitate præcepti. Quomodo distingua-
tur necessitas medii & præcepti patebit
ex dicendis de Baptismo.


4. Tenemur necessitate præcepti de
B.V.M. credere. Verbi Divini Incarna-
tionem in ejus utero. Esse Virginem.
Matrem Dei.

5. Tenemur necessitate præcepti scire
tria Sacra menta. sc. Baptismum. Eu-
charistiam. Pœnitentiam. Reliqua tunc
quando recipimus. Præcepta Decalogi.
Præcepta communia Ecclesiæ, maximè
cōfessionis & communionis annuæ, im-
mortalitatem animæ. Peccatum origi-
nale. Necessitatem gratiæ. Deum esse
orandum, consequenter scienda oratio
Dominica. Deum esse timendum, cùm
possit mittere in gehennam.

6. Quamvis Fidelibus syadendum,
ut

ut Symbolum, Decalogum, Orationem Dominicam & Salutationem Angelicam explicitè sciant & memoriam teneant, sicut & signaculum Crucis, non tamen est mortale illa nescire, dummodo illorum substantia sciatur. Ita docet de primis quatuor Suarez, & de ultimo Sanchez, relati in Summa Dianæ V. Fides. Et sic quoad orationem Dominicam sufficiet scire ejus summam, sc: à Deo omnia esse petenda Quoad Symbolum Apostolorum, Sacra menta, Decalogum & Ecclesiæ præcepta sufficiet quod rogati de singulis sciant respondere.

7. Nec sufficit ad æternam salutem prædicta credere, sed sunt adhuc nonnullæ obligationes. 1. Exigente occasione mori pro fide. 2. Agere Deo gratias pro ad fidem vocatione. 3. Imitari vitam Christi, quæ habenda pro speculo quotidiano,



DISTIN-

DISTINCTIO III.

De Spē.

1. Spes est habitus supernaturalis, quo certò speramus beatitudinem ex auxilio Dei. Vel secundum Magistrum Sententiarum in 3. d. 26. Est expectatio certa beatitudinē proveniens ex gratia Dei & meriti nostrū. Quod autem aliqui habentes spem deficiant à consecutione beatitudinis est ex defectu liberi arbitrii ponentis obstaculum sc. peccatum, non autem ex defectu Divinæ potentie & misericordie. S. Th: 2. 2. q. 18. a. 4. Ex quo intellige, fundamentum certitudinis spei esse omnipotentiam & misericordiam Dei.

2. Spes dicitur ex meritis provenire, quantum ad ipsam rem expectatam, prout aliquis sperat beatitudinem se adepturum ex gratia & meritis, non autem dicitur provenire ex meritis quantum ad exactatem: sic enim ex sola gratia infunditur.

3. Ex dictis patet spem consistere in hoc, quod homo innitens auxilio Divi-

no confidat benè agendo ad æternam beatitudinem pertingere.

4. Licet sperare in creatura ut secundario juvante, & sic B. V. Maria dicitur nostra spes. Licet etiam confidere in propriis meritis ut proficiuntur ex gratia Dei.

5. Hos effectus causat in nobis spes beatitudinis æternæ. Facit nos obserbare mandata Dei. Scias. Licet benè operari intuitu retributionis æternæ, secundum illud Psalmi 118, Inclinavi cor meum ad faciendas iustificationes tuas in æternum propter retributionem. Hinc meritò Alexander VIII. sequentem in ordine decimam damnavit propositionem, anno 1690, die 7. Decembris. Intentio quā quū detestatur malum & prosequitur bonum, merē ut calestem obtineat gloriam, non est recta nec Deo placens. Meritò inquam damnavit. 2. Spes beatitudinis æternæ consolatur nos in temptationibus & aliis afflictionibus. 3. Tollit anxietatem in morte.

DISTIN-

DISTINCTIO IV.

DE CHARITATE.

Hæc virtus est maximè necessaria Christiano, cùm ut patet ex Apost: I. ad Corint: 13. nihil sine charitate simus.

1. **C**haritas est virtus (vel potius habitus) supernaturalis quo Deum diligimus ex toto corde, ex tota anima, & ex totis viribus, & proximum sicut nos ipsos, Dixi: vel potius habitus, assignando aliud genus, in gratiam eorum qui sciunt quid sit habitus. idem erat advertendum in definiitione fidei & spei. Ex dicta definitione habes duo esse charitatis precepta; unum de Deo, alterum de proximo.

2. Quando dicitur ex toto corde &c. non putas amorem Dei debere esse summum intensivè, sed appretiativè, ita ut pluris Deum ames, quam omnes creaturas simul sumptas.

3. Signum hujus amoris ordinarium,

G

sumi-

sumitur ex observantia mandatorum,
& exercitio virtutum. Extraordinari-
um, ex præparatione animi, effundendi,
pro fide, sanguinem.

4. Charitatem esse formam aliarum
virtutum, est per charitatem ordinari a-
lias virtutes in ultimum finem. S. Th:
2. 2. q. 23. a. 8. Et sic licet fides & aliæ
virtutes in peccatoribus sint secundum
suam naturam & entitatem virtutes, nō
tamen habent statum perfectum vire-
tis, & sunt veluti mortuæ, ut potè infor-
mes. Hac ratione charitas est excel-
lentissima omnium virtutum.

5. Nominae proximi intelligitur, quæ
nobiscum communicat, vel communi-
care potest in beatitudine æterna. S.
Th: 22 q. 25. a. 10. Et sic Angeli, inimi-
ci, peccatores veniunt nomine proximi.
Quod etiam reducitur corpus nostrum,
cum sit aliquomodo particeps beatitudi-
nis, inquantum ex beatitudine anima
redundat quædam beatitudo in corpus
sc. Sanitatis & incorruptionis vigor.
S. Th: loco cit: a. 5.

6. Et

DE CHARITATE.

51

6. Et sic pater quæ sit ratio, cur ali quis, ut proximus à nobis diligatur. sc: communicatio in beatitudine æterna. Ulterius patet Dæmones & alios damnatos nomine proximi non venire. Possimus tamen naturam Dæmonum diligere, non quidem volendo bonum vitæ æternæ, sed ut conserventur in suis naturalibus ad gloriam Dei. S. Th: l. c. a. 11. Eodem modo discurre de creaturis irrationalibus. S. Th: l. c. a. 3.

7. His declaratur charitas erga proximum. 1. Non solum verbo, sed & revivare. 2. Infirmitatem supportare. 3. Gaudere in prosperis. 4. Compati in adversis. 5. Et quidem præcipue, à peccato reducere. Ex quibus hæc etiam inimicis ostendēda, quæ alijs communiter ostenduntur. Sola enim signa amicizie specialia, possunt inimicis, excipe articulum mortis, denegari. S. Th: loco cit: a. 9. Quod intellige per se loquendo. Nam si omissio signatum amicitiae specialium esset scandalosa, aut per aliquid horum posses sine tuo incommodo,

inimicum tibi & Deo reconciliare, id
omittere esset grave peccatum, vel eri-
am, si inæqualis persona soleret alium
salutando prævenire, v.g. subditus Præ-
latum, ut advertit P. Hermannus in Me-
dulla Theologizæ Moralis l. 2. tr. 3. c. 2.
dub: 2. ex P. Layman.

8. Quatuor sunt ex charitate diligen-
da sc. Deus, Proximus. Corpus nostrum.
Nos ipsi, S. Th: l. c. a 12. Hic autem est
ordo charitaris, ut post Deum plùs ho-
mo diligat animam suam, quàm alio-
rum: deinde plùs animas aliorum, quàm
proprium corpus, proprium verò corpus
magis quàm corpora aliorum. S. Th: l. c.
q. 26. a. 2: 3. 4. 5. Q. An aliquando ob-
ligemur elicere act' Fidei, Spei & Cha-
ritatis? R. quòd sic, saltē semel in an-
no. Sermo autem est de obligatione sub
p. mortali, cùm loquamur de re magni
momenti, v. i. Sene: Mor: de 2. 3. 4.

DISTINCTIO V.

De Virtutibus Cardinalibus.

1. **I**nter virtutes morales, hoc est, ad
com:

componendos mores ordinatas, quatuor sunt principales, sc. prudentia, justitia, fortitudo & temperantia. Ideo vocantur cardinales, quia super eas volvitur rotam conditionis humanæ ratio, eisq; veluti cardinibus, universa vita humanæ moles subnixa est.

2. Prudentia est recta ratio agibilium, seu est virtus moralis, quæ prescribit quid hic & nunc liceat, expediat aut debeat fieri secundum rectam rationem.

3. nomine agibilem, primariò intelligenda sunt moralia, id est, ab bonis mores pertinentia, & ad finem moraliter bonum, id est, honestum conduceantia. Secundariò intelligenda sunt, quæ pertinent ad eommodum vita humanæ, & ad bene vivendi quomodo cunq; rationem.

4. Justitia est perpetua & constans virtus ius suū unicuique tribuens, seu, est virtus moralis, quæ ius suum unicuique tribuit. Per jus hic & nunc intellige id quod debetur alteri secundum qualitatem, vel arithmeticam, ut in justitia commutativa, vel ge-

54 *DE VIRT: CARDIN:*

ometricam, ut in justitia distributiva,
quæ potius dicenda proportio, quam
æ qualitas.

5. Partes integrales justitiae, hoc est,
necessariæ ad officium integrum justitiae,
sunt, facere bonum & declinare à ma-
lo. Alias dicuntur officia justitiae Chri-
stianæ.

6. Bonum & malum hic & nūc non
sumuntur in generali, sic enim pertinet
ad omnem virtutem: sed bonum sumi-
tur ut habet rationem debiti ad proxi-
mum, malum verò ut habet rationem
nocivi.

7. Patres subjectivæ seu species justi-
tiae sunt tres, Legalis, distributiva, com-
mutativa.

8. Justitia legalis est quâ damus bono
communi quod suum est. v. g. inimicus facit
incursum contra civitatem, cives ex ju-
stitia legali & propter bonum commune
obligantur ad sumenda arma.

9. Distributiva est quâ damus unicuiq;
suum debitum secundum merita. v. g. duo
vel tres concurrunt pro dignitate obti-

nem-

DE VIRT: CARDIN: 55

nenda, ex justitia distributiva oritur obligatio conferendi digniori.

10. Commutativa est, quâ damus unicuiq; secundum equalitatem rei ad rem, ut patet in emptione & venditione.

11. Fortitudo est considerata periculorum susceptio & laborum perpessio, vel aptius ex D. Th: Fortitudo est virtus existens in irasibili, coercitiva timori & audacia moderatira instantibus periculis. Duplex est actus fortitudinis, sc. aggredi & sustinere.

12. Temperantia est, virtus, que moderatur appetitum circa delectabilia secundum tactum & gustum, prout rectam rationem decet, ob specialem honestatem, quæ est in tali moderatione. P Gonet: in Manuali Thomistarum de Virt: Cardinalibus c. 5. §. 24. Et sic temperantia propriè sumptuarum moderatur delectationes quæ sunt in cibo, potu & rebus venereis, idem ex S. Th.

DISTINCTIO VI.

DE DONIS SPIRITVS SANCTI
*Beatitudinibus Evangelicis, &
 Fructibus Spiritus S.*

Quoad I.

1. **D**onum Spiritus S. generaliter sumptum est id quod gratia à spiritu sancto à causa efficiente procedit. Et sic omnes gratiae & virtutes infusa possunt dici dona Spiritus Sancti.

2. Donum Spiritus Sancti specialiter sumptum est, specialis dispositio à spiritu sancto impressa, quā disponitur ut facile ab eo ad opera extraordinaria moveatur. Sed hujus explicatio ad Theologos Scholasticos, vide dicta in 3. Sententiarum Thomisticarum Distinct: 73.

3. Septem sunt dona Spiritus Sancti, ut patet ex Scriptura Isaiae 11. sc. Donum Sapientiae, Intellectus, Consilij, Fortitudinis, Scientiae, Pietatis, Timoris Domini. Horum explicationem V. laico citato.

Quo-

Quoad II.

4. Beatitudines Evangelicæ sunt quidam altus donorum Spiritus S. quibus ex instinctu & motione speciali Spiritus S. ad vitam eternam seu beatitudinem consummatam accedimus. Et sic sunt quædam inchoationes beatitudinis futuræ.

5. Beatitudines Evangelicæ sunt octo
1. Beati pauperes spiritu quoniam ipsorum est regnum cœlorum. 2. Beati mites, quoniam ipsi possidebunt terram;
3. Beati qui lugent, quoniam ipsi consolabuntur. 4. Beati qui esuriunt & sitiunt justitiam, quoniam ipsi saturabuntur;
5. Beati misericordes quoniam ipsi misericordiam cōtequentur 6. Beati mundo corde, quoniam ipsi Deum videbunt.
7. Beati pacifici, quoniam Filij Dei vocabuntur. 8. Beati qui persecutionem patiuntur propter justitiam, quoniam ipsorum est regnum cœlorum.

6. Scias, beatitudinem secundam & septimam non coincidere. Nam secunda loquitur de homine ad seipsum, ex-

58 DE BEATITUDINIEVS.

cludendo inordinatas passiones irascibiliis: septima verò loquitur de homine cum respectu ad proximum, cum eo tranquillè vivendo.

7. Item scias, per luētum in tertia beatitudine intelligi exclusionem inordinatarum passionum delectationis & gaudij. In quarta per justitiam intelligitur vita æterna.

Quæsitum.

8. Quomodo si tantum sunt septem dona, ponuntur octo beatitudines? que ut docet S. Thom: 1. 2. q. 69. a. 1. sunt actus donorum &c. ex S. Th: l. c. a. 3. octavam beatitudinem pertinere ad septem præcedentes, quasi confirmationem & manifestationem earum: continet enim quādam firmitatem animi, ne propter humanas persecutiones homo recedat ab his, quorum in alijs septem beatitudinibus mentione habetur.

Quoad III.

9. Fructus (ut in præsenti sumitur) est quidam actus quo meus humana bene disponitur

DE FRVCT: SPIRITVS S. 59

nitur, procedens ex motione Spiritus S. Ita loquitur P. Gonet de donis Spiritus S. a 2. 10. Licet omnis beatitudo Evangelica sit fructus, ut ex immediate dicto patet, non tamen est converso: cum beatitudo Evangelica, ut pote quam specialiter ad vitam æternam accedimus, sit aliquid perfectum & excellens, S. Th: 1. 2. q 70. a. 2.

11. Fructus Spiritus S sunt duodecim ut patet ex S. Paulo ad Galatas 5. **Charias**, id est, dilectio Dei super omnia. **Gaudium**, id est, delectatio in Deo, quam experiuntur alacriter Deo servientes. **Pax**, id est, tranquillitas conservativa præfati gaudij, non obstantibus turbinibus hujus vitæ. **Patientia**, id est, durorum sustentia. **Benignitas**, id est, benefactorum collatio, seu executio. **Bonitas**, id est voluntas beneficiandi: sumitur hic voluntas pro actu. **Longanimitas**, id est, magnitudo animi in futuris bonis expectandis. **Mansuetudo**, id est, motuum iræ exclusio. **Fides seu fidelitas**, id est, promissorum observantia. **Modestia**, id est, in dictis & fa-

60 DE CONSILIIS EVANG:
Etis decentia. **Castitas**, id est, concupi-
scentiarum illicitarum remotio. **Conti-
nentia**, id est, concupiscentiarum licita-
rum, quales sunt in escis &c. moderatio.

DISTINCTIO VII.

DE CONSILIIS EVANGELICIS.

1. **C**onsilia Evangelica communiter
numerantur tria. Voluntaria pau-
pertas. Perpetua castitas. Humilis &
perpetua obedientia. Addit Lorichius in
Thesauro utriusque Theologiz, Martyri-
um. Si haec voto firmantur, amittunt
rationem consilij & induant naturam
præcepti.

2. Dicuntur consilia: quia sunt libe-
rae observationes, ita, ut sine earum ob-
servatione, & justus quis esse possit, &
vitam æternam consequi, et si valde dif-
ficeret, propter impedimenta varia in
hoc mundo.

3. Dicuntur Evangelica: nam et si fu-
erint in lege veteri, non tamen cum tam-
ta perfectione & solemnitate ut in no-
valege. vide Philippum à SS. Trin: in

DE CONSILIIS EPANG: 61

1. 2. de Statu Religioso disp 6. dub: 1.
ubi probat in lege antiqua Statum Reli-
giostum verè extitisse.

4. Paupertas Religiosa est Voluntaria
rerum temporalium sub certa regula vel con-
stitutionibus voto firmata abdicatione. Castitas
Religiosa est perfecta omnis delectatione ve-
nerei sub certa regula vel constitutionibus vo-
to firmata remissio. Obedientia est, prom-
pta præceptorum Superiorum sub certa regula
vel constitutionibus voto firmata executio.

5. Ad paupertatem refertur vilis ha-
bitus & vicius. Item abdicatio omnium
sæcularium negotiorum & officiorum.
Ad perpetuam castitatem servandam
referuntur, parcitas ac tenuitas vicius,
vita solitaria & clausura, jejunia & stra-
ti vilitas. Ad humilem obedientiam re-
feruntur omnia quæ ad colendum De-
um pertinent, ut orationes, meditatio-
nes, sacrificia, laudes, gratiarum actio-
nes &c. Ita Lorichius sub litera G. At-
tendant ad hæc Monachi & alij Religiosi
& caveant ne signum prædestinationis
vertant in signum æternæ damnationis:

Status

62 De Bonis Operibus. De JEIVNIO
status enim Religiosus est signum præ-
destinationis, ut docet S. Laurentius Ju-
stinianus de perfectione Monachorum
cap: 7.

DISTINCTIO VIII.

Assignatur generalis divisio bo-
norum operum.

2. TRIA sunt bonorum operum genera.
Jejunium, Oratio, Eleemosyna.

Quoad I.

2. Jejunium latè acceptum, est corpo-
rū per abstinentiam cibi & potū vel in par-
te vel in tota, castigatio. Specialiter seu
pro Ecclesiastico sumptum est castigatio
corporū certū diebus iuxta prescriptum Ecclae-
siae, consistens in abstinentia à carnibus, & una
per diem cibi refectione.

3. Jejunium Ecclesiasticum tria re-
quirit. 1. Ut semel in die comedamus,
alias solvitur jejunium. 2. Requirit ab-
stinentiam à carnibus. Nomine carnis
hic & nunc, veniunt etiam originem à
carnibus trahentia, ut sunt ova, casei,
lac.

lac. Hæc non ubiq; prohibentur die jejunij. 3. Requirit debitam horam edēdi quæ est hora undecima. Vide dicta in 1. Sent: Moral: dist: 19. ex quo patet jejunium plūs dicere quām abstinentia.

4. Dies in quibus ex præcepto jejunandum, sunt dies Quadragesimæ, exceptis diebus Dominicis. Apud nos incipit Quadragesima à feria quarea Cinerum. 2. Quatuor anni tempora cap*statuimus* dist: 76. in quibus præcipitur jejunium erium dierum. 3. Præcipitur jejunare in quibusdam Vigilijs, quæ ideo Vigiliæ dicuntur, quia Christi fideles ijs diebus non solùm jejunabant sed & vigilabant, quod hoc tempore dignis de causis sublatum est. Vigiliæ in quibus jure communi jejunatur, sunt Vigilia Nativitatis Domini. Assumptionis B. V. M. c. ex parte de observatione ieiunij. In vigilijs tredecim Apostolorum, in quo numero comprehendo S. Matthiam & S. Paulum. c. consilium de observatione ieiunij, exclusa tamen non solùm vigilia SS. Philippi & Jacobi, in qua non jejunatur ob Paschalis

lis latitiae signum, sed & Vigilia S. Joannis Evangelistae ob Natalis Dominis Solemnitatem. In Vigilia Pentecostes jejunatur salem ob receptam consuetudinem, quæ attendatur. c. statuimus dicitur: 76. idem dic de Vigilia S. Joan. Baptista & S. Laurentij ob longum usum moribus receptum. In alijs Vigilijs non est obligatio jejunandi nisi peculiaris aliqua consuetudo suadat. Idem dic de Feria sexta & diebus Rogationum in quibus habet p. mortali non jejunatur, nisi consuetudo præcipiat. ita refert Bonac. de præceptis Ecclesiæ q. 1. pun: 5. propositione secunda Reliqua de diebus jejunij, attendendo consuetudinem regni Polonie, dicentur Deo favente in fine Decalogi.

Quoad II.

5. Oratio est ascensus & elevatio mentis ad Deum.

Explicatur Omnis Dominica,

6. Dicendo Pater noster, charitatem

Dæi

DE ORATIONE 65

DEI ad nos, quâ bonum nostrum vult
ut optimus Pater, consideramus: dicen-
do in celo, maiestatem. Licet enim sit
ubiq; specialiter tamen in celis, ut di-
ctum est tractando de objecto Symbo-
li Fidei.

7. Oratio Dominica septem habet
petitiones

1. Sanctificetur Nomen tuum. Per hanc
petimus gloriam DEI propagari.

2. Adveniat regnum tuum. Per hanc pe-
timus gloriam DEI ad nos pervenire.

3. Fiat voluntas tua. Per hanc petimus
ut simus obedientes DEO. *Sicut in celo &*
in terra. Hoc est, sicut Angeli & alij be-
ati in celo, ita nos in terra.

4. Panem nostrum quotidianum da nobis
hodie. Per hanc petimus, & panem Sa-
cramentalem sc. Eucharisticum, cuius
quotidianus usus proficit nobis, in quo
intelliguntur alia Sacra menta & dona.
Et panem corporalem, per quem intel-
ligitur omnis sufficientia vietūs & alio-
rum corpori necessariorum.

5. Et dimitte nobis debita nostra, sicut &
nos

nos dimittimus debitoribus nostris. Per hanc petimus liberari à peccatis.

6. *Et ne nos inducas in temptationem.* Per hanc petimus, non tam carere tentationibus, quām ne consentiamus illis.

7. *Sed libera nos à malo.* Per hanc petimus liberari à pænaltatibus præsentibus, quæ impediunt sufficientiam vitæ.

Hæc explicatio sumitur ex S. Th: 22.
q. 83. a. 9.

De Salutatione Angelica.

8. Salutatio B. V. dividitur in tres partes. Primam partem incœpit Angelus, cùm dixit. *Ave gratia plena Dominus tecum. benedicta tu in mulieribus.* Secundam subjunxit Elisabeth, cùm ait. *Et benedictus fructus ventris tui.* Tertiam apposuit Ecclesia, ut in reverentia Nomen MARIAE haberetur. Nam MARIA non est in textu. Ita in terminis loquitur B. Albertus M. l 4. Compendij veritatis Theologicæ c. 2. ubi plura reperies de prædicta salutatione Angelica. Scias. B.

Eli-

DE ELEEMOSTNA.

67

Eli**z**abeth, non solum dicta verba pronuntiasse, sed & præmisisse. Benedicta tu inter mulieres, ut narrat sacer text^o Luc: 1.

Quoad III.

9. Eleemosyna est alienæ miseriæ sublevatio. Quia autem homo sublevatur & secundum corpus & secundum animam, ideo duo sunt opera eleemosynæ seu misericordiæ, sc. corporalia & spiritualia.

10. Opera misericordiæ corporalia sunt septem. Esurientes pascere. Potum dare fientibus. Operire nudos. Captivos redimere. Ægrotos invisere. Hospitio peregrinos suscipere. Mortuos sepelire.

11. Opera misericordiæ spiritualia sunt etiam septem. Peccates corrigere. Ignorantes docere. Dubitantibus recte consulere. Pro salute proximi Des u*m* orare. Consolari mæstos. Ferre patienter injurias. Offensam remittere, vide dicta in 1. Sententiarum Moralium d. 23. & 25.

O P U-



OPUSCULUM TERTIUM.

De Opposito Virtutum &c.

PROLOGUS.

1. **A**d notitiam peccati conducit notitia conscientia. Conscientia est actus intellectus practici, qui dicit de bonitate vel malitia eorum, quae agimus, ut sunt a nobis hic & nunc.

2. Dividitur ex parte objecti in rectam & erroneam seu varam & falsam. Ex parte actus, in certam, quae est absq; formidine. Probabilem quae uni parti adhaeret cum formidine oppositæ. Dubiam quae nulli parti adhaerens suspen dit judicium. Scrupulosam, quae uni parti adhaeret cum timore oppositæ, ex le vi fundamento.

3. Si conscientia scrupulosa includit judicium, non multum differt ab erro nea. Scrupulus tamen differt, quia hic est

DE PECCATIS.

69

est inanis apprehensio, & hinc ortus timor &
anxietas alicubi esse peccatum ubi non est.

4. Ad notitiam peccati etiam conducebit notitia ignorantiae. Hæc alia est juris alia facti. Exemplum primæ dum ignoratio latam v. g. excommunicationem in percussorem Clerici. Secundæ, dum persecutio Clericum & nescio esse Cleticum.

5. Item ignorantia alia est invincibilis alia vincibilis. Illa est, dum ignoramus quæ aut scire non tenemur aut non possumus. Hæc est dum ignoramus, quæ scire tenemur & possumus, eorumque ante aliquem saltem scrupulum habuimus.

6. Quando adhibuimus diligentiam sed non sufficientem est ignorantia culpabilis sed non crassa. Quando nullam, est ignorantia crassa.

DISTINCTIONE I.

Explicatur definitio & divisio peccati in communi.

I. Peccati

1. **P**eccatum est dictum vel factum vel concupitum contra legem aeternam. S. P. Aug: Quoniam affirmatio & negatio reducuntur ad idem genus, ideo intelligendum est: peccatum quoque esse, non dictum quod secundum legem Dei dici debebat, & non factum quod fieri oportebat, in corde quoque omissum, quod desiderari amariq; debebat. Vtrobiqueq; enim est deviatio a statuto legis divinæ, quæ ab aeterno existit in Deo, estq; exemplar & regula agendorum per eos, qui subduntur gubernationi eius.

2. Dividitur in personale & originale. Personale est, quod propriâ peccantû voluntate committitur. Originale, quod etiam naturæ dicitur, quod communis voluntate primi Parentis, que totius humani generis censetur, est commissum.

3. Dividitur 2. in actuale & habituale. Actuale est actus malus & difformis regulæ morum. Habituale consistit in quadam macula, quæ in anima relinquitur ex peccati actuall, & in ea remanet donec per paenitentiam deleatur.

4. In mortale & veniale illud infere mortem animæ, eam privando gratiâ & charitate & avertendo ab ultimo fine. Hoc verò nec gratiâ nec charitate privat sed eius tantum fervorem minuit, nec avertit ab ultimo fine sed eius consecutionem retardat.

5. In cōmissionis & omissionis. Peccatum commissionis consistit in productione alicuius actus mali & difformis reguli morū. Omissionis est carentia seu privatio alicuius actus debiti & lege præscripti. primum pugnat cum præcepto negativo, ponendo actum qui jubetur non poni. Secundum pugnat cum præcepto affirmativo, negligendo actum, qui præcipitur.

6. In carnale & spirituale. Carnale est quod perficitur delectatione carnali. v. g. gula & luxuria, quæ in delectatione ciborum & venereorum consummātur. Spirituale verò perficitur delectatione spirituali, ut superbia, invidia & similia, quæ in sola apprehensione alicujus rei concupitæ, vel ad placitum habita consummantur. Carnale plus habet de cōversione quam de aversione. Spirituale plus de aversione

one quam de conversione. Ex quo inferas peccatum esse aversionem à Deo & conversionem ad creaturam.

7. In peccatum quod est contra Deum, proximum & seipsum. Quando homo detrahit Deo amorem & reverentiam debitam dicitur peccare in Deum, ut Sacrilegus, hæreticus, blasphemus. Quando homo suas passiones ratione non regulat peccat in seipsum, ut avarus, gulosus, luxuriosus. Quando homo non servat proximo ius debitum, vel offendit humanam societatem cui naturaliter alligatur, tunc contra proximum, ut fures, homicidæ, adulteri &c.

8. In peccatum cordis, oris & operis. Quæ divisio dupliciter intelligi potest, 1. ut per peccatum cordis illud intelligatur, quod interius consumatur, v. g. hæresis. Per peccatum oris, quod locutione perficitur, v. g. mendacium. Per peccatum operis, quod opere completur, v. g. adulterium & homicidium.

9. 2do hæc divisio intelligi potest, ut sit non tam in diversa peccata, quam in diversos gradus peccati. Iracundus enim

v. g.

DE PECCATIS 73

v. g. ex hoc quod appetat vindictam. primò perturbatur in corde. 2. in verba contumeliosa prorumpit. 3. procedit ad facta injuriosa idem patet in luxuria, & quolibet alio peccato, in quo est primò conceptio cordis, sc. cogitatio, deinde manifestatio & locutio, tandem completio externa.

10. Octavò dividitur peccatum, in peccatum ex infirmitate & passione, ex ignorantia & malitia. Peccatum ex infirmitate & passione est quod oritur ex aliqua gravissima ratione & motione appetitus sensu trahens voluntatem ad consensum. Peccatum ex ignorantia est quod procedit ex ignorantia culpabili & vincibili. Ex malitia, quod plena libertate & voluntate committitur nulla passione incitante & nulla ignorantia excusante. Primum peccatum dicitur contra personam Patris, cui appropriatur potentia. Secundum, contra personam Filij, cui appropriatur scientia. Tertium contra personam Spiritus. cui appropriatur bonitas.

11. Tandem dividitur in peccatum

D pro-

proprium & alienum. illud est quod ab ipso peccante committitur. Hoc vero licet ab alio committatur nobis tamen imputatur. Et hoc multiplicitate. Vel ratione præcepti, vel consilij, vel suasionis, vel adulacionis, vel protectionis, vel propter defectum correctionis. Hæc desumpta sunt ex N. Opusculo Sent: Moralium.

DE PECCATIS IN PARTICULARI.

DISTINCTIO II.

De Superbia.

1. **D**escendendo ad particularia: peccatum dividitur in septem capitula, sic dicta, quia ab his alia oriuntur. Sunt autem: Superbia, Avaritia, Luxuria, Invidia, Gula, Ira, Acedia.

2. Superbia est appetitus inordinatus, hoc est perversus appetitus, excellētiae. Perversus autem erit, si fuerit contra rationis regulam v g quia est aut de re falsa, aut mala, aut non commensurata appetenti, aut ob malum finem. Ex Nicolaio Mosci-

Moscicensi 2. p Tyrocinij Artis Pœnit:
de Superbia.

3. Quatuor modis contingit superbia.
1. Quando quis judicat quod bonum
quod habet, ex se habeat seu à se. 2.
Quando judicat quod bonum quod ha-
bet, ex Dño habeat, attamen ex suis me-
ritis. 3. Quando jactat se habere quod
non habet. 4. Quando quis singulis de-
spectis, vult videri se singulariter habe-
re, quod habet S. Greg: apud S. Th: 22.
q. 162. a. 4.

4. Samuel de Lublino 2. p. caloum-
Conscientiae duodecim filias assignat su-
perbiæ: Sunt autem, inobedientia, con-
temptus, præsumptio, ambitio, vana glo-
ria, hypocrisis, jactantia, discordia, cu-
riositas, pertinacia, contentio & infide-
litas. Moscicensis loco cit: addit novi-
tatum inventionem: sed hanc reducere
posset Samuel de Lub: ad curiositatem.

5. Inobedientia est vitium, quo qui
renuit facere quod iubetur.

6. Contemptus est, Quo lex, vel etiam
ipse legislator despicitur, Quid sit contem-

D 2 ptus

ptus formalis v. dicta in 4. Sent: Mor: d. 3. §. Quæritur.

7. Prælumptio est, per quam ex falso aut nimia virium confidentia aggredimur excedentia nostram facultatem.

8. Ambitio est inordinatus appetitus honoris, aut dignitatis ratione honorū. Dixi advertendo ex Sylv: V. superbia, ratione honoris: nam appetitus tantum dignitatis pertinet ad præsumptionem secundum S. Th: apud Getium v. Ambitio. Ex quo patet quomodo intelligēdus Moscicensis definiens ambitionem etiam per dignitatem.

9. Vana gloria est inordinatus appetitus claræ opinionis & laudis apud alios. Scias pro nonnullorum consolatione, hæc tantum est p: veniale, licet sit defalsis (dummodo non mortiferis) & transitorijs immoderatè, & licet sit de bonis operibus, jejunio, oratione &c. que quis facit consultò propter vanam gloriam. Mosc. l. c. & Fernandez p. 4. de superbia n. 10.

10. Hypocrisia est simulatio virtutis aut san-

sancitatis quam homo non habet. Addit Mo-
scicensis loco cit: etiam si hoc faciat ho-
no sine, ne alios scandalizet, quia est
mendacium. Dico tamen si velis caven-
do scandalum te virtuosum repräsentare
sicet non fueris, fac propositum emen-
dandæ vitæ & tunc non mentieris.

11. Jactantia, quā quin se verbi extollit
super illud quod est, vel quod homines opinan-
tur de eo.

12. Discordia est voluntatum contrari-
etas circa aliquod unum, dum unum alicui
placet, alteri vero displicet.

13. Curiositas est inordinatum desideri-
sum sciendi, sive per intellectum, sive per sen-
sum, ea que ad se non pertinent, vel si perti-
nent, maior tamen cura exhibetur in illu-
o gnoscedis quam par sit. invētio novitatum
est ex cogitatio in usitatorum admirationem pa-
tientium, ut sit in sustinendis novis opi-
nionibus, in usu insolite formæ vestien-
di convivandi &c.

14. Pettinacia est persistentia in suo iu-
dicio & affirmatio plusquam oportet

15. Contentio est sermo contrarius al-

teri, veritatem impugnans, non animo dispu-
tandi sed contradicendo.

16. Infidelitas est, exclusio fidei. Pri-
vativa tunc est, dum qui nec credit, nec
discredit, sed animum suspendit. Contraria
dum quis discredits, aut credit esse falsa, quo
proponuntur.

17. Scias pro meliori prædictorum
notitia. Superbia dupliciter sumitur.
Communiter ut se extendit ad excellen-
tiā personæ, honoris, laudis, dignita-
tis, virium. Et specialissimè, ut se tan-
tum extendit ad excellentiam personæ
sistendo in ipsa. sc, dum quis vult excel-
lentior esse quam sit, in quacunq; ma-
teria, ex quacunq; occasione, absq; eò
quod desideret dignitatem, & absq; eò
quod aggreditur aliquod præclarum
opus, vel affectet laudari.

18. Ambitio ergo præsumptio & si-
miles, ita oriuntur & sunt filiae super-
biae, intellige specialissimè sumptæ, quod
sint etiam species superbie communi-
ter sumptæ. Et hæc de illis in recto
potest prædicari; verum enim est Ambi-
tio

tio est Superbia, seu inordinatus appetitus excellentiarum &c.

DISTINCTIO III.

De Avaritia.

1. Avaritia est appetitus inordinatus habendi. sc. divitias, aliasvè res temporales exteriores.

2. Avaritiae filiae sunt multæ ait Monicicensis 2. p. Tyrocinij Artis Pœnitentiariæ § de Avaritia, ex quibus septem ab aliquibus numerari solent. Proditio, Fraus, Fallacia seu dolus, Perjurium, quò revocatur mendacium, inquietudo, violentia & obduratio.

3. Proditio est manifestatio alicuius occulti illatiiva nocimenti.

4. Fraus est deceptio alterius in aliquo facto, illatiiva nocimenti.

5. Fallacia est deceptio alicuius in verbis, illatiiva nocimenti.

6. Perjurium est mendacium iuramento firmatum illatirum nocimenti.

7. Inquietudo est, inordinata temporalium solicitude.

8. Violentia est, rapina seu extorsio
borum.

9. Obduratio seu immisericordia est,
doritia in pauperes denegando eleemosynam.

DISTINCTIO IV.

De Luxuria.

1. **L**uxuria est inordinatus appetitus ve-
nereorum.

2. Sex sunt species Luxuriaz. Simplex
fornicatio. Stuprum. Adulterium. In-
cestus. Raptus. Peccatum contra natu-
ram. S. Th: 22. q. 154. a. i.

Sacrilegium (quod est illicitus con-
cubitus cum foemina voto castitatis ad-
stricta, vel in loco sacro, aut ab habente
votum castitatis) non numeratur à S.
Th: inter species luxuriaz, quia ex se di-
rectè pertinet ad irreligiositatem & re-
ductivè ad luxuriam.

3. Simplex fornicatio est illicitus con-
cubitus soluti cum soluta non virgine in vase
naturali. Dicitur solutus cum soluta,
id est, non existentes in Matrimonio, si-
ve ra.

DE LUXVRIA.

81

ve rato sive consummato Ad hanc spe-
ciem reducitur concubinatus.

4. *Stuprum est defloratio virginis per fra-
ctionem claustri virginalis.* Differt specie à
fornicatione, secundum S. Th l. c. a. 6.

5. *Adulterium est illicitus concubitus, vel
coniugati cum coniugata, vel coniugati cum li-
bera vel litericūm coniugata.* In primo ape-
rienda est in confessione circumstantia
utriusq; conjugati, quia iniustitia du-
plex & æquivalet duplīcī peccato.

6. *Incestus est illicitus concubitus cum
consanguinea vel affine usq; ad 4tum gradum
inclusive.* Huc pertinet peccatum cum
habente cognationem legalem, cum à
se baptizata Secundum aliquos cum si-
lia confessionis.

7. *Raptus est dum quis abducit fæminam
à domo parentum vel eorum sub quorum cura
est, aut à domo propria, si sit sui iuri, ipsa in-
vitata ad fornicandam cum illa, aut Matrimonii
contrahendum.* V. Trid: sess: 24. c. 6.

8. *Peccatum contra naturam est omni
actus libidinosus extra vas, aut contra modum
à natura institutum.*

D 5

9.

9. Peccati contra naturam quatuor sunt species. Mollities seu pollutio. Bestialitas. Sodomia. inordinatus concubitus.

10. Mollities seu pollutio est voluntaria semini effusio extra vas. Potest habere speciem alterius libidinis, si quis in actu turpi delegetur de alio actu sive morose, sive cum animo perpetrandi si posset, aut acsi defacto perpetraret.

11. Bestialitas est coitus cum bestia. Ad bestialitatem reducitur coitus cum Dæmonе succubo vel incubo: quia corpus assumptum à Dæmonе non est verum corpus humanum.

12. Sodomia est illicitus concubitus vel masculi cum masculo, vel fœminæ cum fœmina. Pollutio ex tactu personæ ejusdem sexus reducitur ad Sodomiam.

13. Concubitus masculi cum fœmina in vase præpostero secundum Armillam conformiter ad mentem D. Thomæ non est propriè Sodomia, sed potius concubitus inordinatus & monstruosus, consequenter specie distinctus à concubitu

bitu masculi cum masculo.

14. Tandem inordinatus concubitus tunc est, quando non est debita corporum positio, vel quando non seminatur in vase, vel quando non adhibetur instrumentum debitum. Primus concubitus si sit in vase debito & sine periculo effusionis seminis non est mortalis inter conjuges. Hæc sunt desumpta ex N. Opusculo Sent: Mor: l. 1. d. 26.

15. Ad hæc reducuntur. Turpiloquium. Auditus turpium sermonum. Letio obsecnorum. Aspectus. Tactus causa voluptatis carnalis. Oscula eodem fine facta. Choreæ. Motus sensualitatis De his consule Mosc p. 2 Tyrocinij Artis Pœnit. § de Luxuria & Sent: Mor: l. 1 d. 29.

16. Filias luxuriae enumerat Samuel de Lublino & Gab: à S Vinc: V. Luxuria sc: cæcitatem mentis, inconstantiam, inconsiderationem, præcipitationem, amore sui odium DEI, desiderium præsentis vitæ & horrorem fututi sæculi.

17. Cæcitas mentis impedit hominem

ut non cogitet de cœlestibus, nec sacrae concio-
nes, nec pia monita intelligat

18. Inconsideratio facit, ut homo sepè
egat, quæ suum statum dedecet, cùm non leví
aliorum scandalo.

19. Præcipitatio impedit consilium de me-
diis necessariis ad actum bonum.

20. Inconstantia facit, ut homo non ser-
vet propositum maxime de vita emendatione.

21. Amor sui, quo homo plus seipsum di-
ligit quam Deum.

22. Odium DEI, quo voluntas expreſſe
avertitur à Deo, dis̄plicendo de eius bono vel
volendo ei aliquid malum.

23. Horror futuri sæculi facit ut homo
cogitet de morte & eam nimis inneat.

24. Desiderium præsentis vite, quo
homo cupit hic semper vivere.

25. Infert Gabriel à S. Vinc. Luxu-
riam maximè cavendam à viris contem-
plativis, literatis, studiosis, Rectoribus,
Gubernatoribus, Principibus, Judici-
bus, &c.

DISTIN-

DISTINCTIO V.

De Invidia.

1. Invidiam definit N. Mosc: l. c. § de Invidia. Est tristitia de alieno bono, eò quod impediat aut diminuat seu obscurat invi-identium excellentiam. Bona autem hominis sunt scientia, honor, fama, reputatio, divitiae, favor, veneratio, dignitates, &c.

2. Secundum citatum Doctorem tristitia de bono alterius habet septem re-spectus.

3. Primò, quia est bonum illius, cui malum optamus, & hoc pertinet ad odium.

4. 2. Quāmvis in se bonum sit, præ-bet tamen occasionem mali, v. g. insolentiæ. Et sic tristari de bono alterius pertinet ad charitatem.

5. 3. Quia bonum unius est nocivum alijs. Et sic tristari de dominatu oppres-soris pertinet ad compassionem respici-endo præcisè oppressos.

6. 4. Quia bonum unius est formidolosum alteri. v. g. Sperat Petrus ex officio, dignitate Joannis, aliquid injustè proventurum & de præfatis excellentijs tristatur, quod pertinet ad timorem.

7. 5. Quia tali bono v. g. prosperitate indignus. Et sic tristari pertinet ad indignationem. Quòd si tristitia sit de injustitia in distributione bonorum, sic tristari pertinet ad iustitiam.

8. 6. Tristatur quis de bono alterius, non quia est in altero, sed quia ipse caret eo. Qualiter tristari pertinet ad emulationem.

9. 7. Tristatur quis de bono alterius quia est malum dolentis: hoc est, quia redundat in aliquod ejus gloriæ incommodum. Et sic tristari propriè pertinet ad invidiam.

10. Hi modi tristandi de bono proximi ideo assignati ut intelligatur natura invidiæ propriè acceptæ.

11. Quomodo doctrina Mose: & Samuelis de Lublino assignantium septem modos tristitiæ circa bonum proximi fit

sit concilianda cum doctrina S. Thomæ assignantis, quatuor modos, altioris est fori.

12. S. P. Gregorius relatus à S. Th: 2.
2. q. 36. art. 4. has refert Elias invidia.
Et sunt odium, susurratio, detractio,
lætitia in adversis proximi, afflictio in
prosperis ejus. Quid sit odium pater-
ex dictis & patebit ex dicendis. Quid
susuratio, & detractio patebit ex dicen-
dis circa octavum præceptum.

DISTINCTIO VI.

De Ira.

1. Ira duplicitur sumitur. Communiter seu vulgariter & propriè. Communiter sumitur pro quadam perturbatione animi cum actuali impatientia. Propriè & specialiter pro appetitu vindictæ.

2. Ira ad vindictam pertinens du-
plex est. Licitæ & illicitæ. Licitæ vo-
catur ira per zelum, illicitæ vocatur ira
per vitium.

3. Zelus est appetitus vehementis puniendo
malum

modum, servando tamen rationis ordinem & legi dispositionem. v. g. ut justitia servetur, &c.

4. Ira vitiosa est *inordinatus appetitus vindictæ*. v. g. eo solo quod injuria simus affecti, & sic ut animus irati satietur aliena miseriâ.

5. Ira differt ab iracundia, illa enim dicit actum, hæc potentiam. Ait Gab: à S. Vinc: v. ira. Addit, iratus vehementer comparatur arrepto à Dæmone.

6. Germina, seu filias iræ in tres classes distinguit Mosc: l. c. § de ira ex S. Th. Nam in corde nascitur indignatio, rumor mentis & odium, in ore clamor, maledictio, contumelia, blasphemia, rixæ verbales, in facto, pugnæ seu rixæ reales, seditiones, factiones.

7. Indignatio est, quæ homo indignum reputat (illum à quo malum accepit) sua affabilitate, familiaritate & colloquio, avertens ab eo faciem aut oculos, nolens de eo audire ullum verbum bonum, ac detestans, quod ei aliquando amicus fuerit, beneficerit, &c.

8. Tumor mentis, quo in corde iniuria
versatur, ruminatur atq; exaggeratur, cùm
repetitione causæ, & interiori aspera re-
sponsione, excogitatione mediorum ad
exereendam vindictam: ac proinde
quasi tumescit mens tali amaritudine
repleta.

9. Odium est quo displiceret proximi be-
num, vel optat malum. Differt ab ira.
Nam iratus non intendit nocere, nisi
ei qui sibi vel suis nocuit, ut vindicta
sit quasi quædam recompensatio. Per
odium autem intenditur malum absq;
tali respectu, sed absolutè eo tantum
fine, ut alicui male sit, propterea, quòd
vel nequam sit, vel nobis contrarius,
vel quia ejus persona est odiosa, no-
bisq; displiceret.

10. Clamor est, confusa, tumultuosa,
sub clata voce, locutio.

11. Quid maledictio contumelia &
similia, patebit ex dicendis circa octa-
vum præceptum. Quid blasphemia ex
dicendis circa primum præceptum.

Hæ descriptiones filiarum iræ de-
sum.

sumptæ sunt ex P. M. Nicolao Moses l.
c. §. de ira.

12. Seditio est rebellū nonnullorum contra superiorē commotio.

13. Factio est modorum de inferendo danno sive temporali sive spirituali ad inventio. Hæ undecim filiæ iræ possunt reduci ad sex à S. Th: 22. q. 158. a. 7. assignatas. Et sic non contradicitur S. Thomæ.

DISTINCTIO VII.

De Gula.

1. **G**ula est inordinatus cibi potuſq; appetitus. Appetitus inordinatus solius cibi, vocatur comedatio. Solius potus, ebrietas.

2. Quinq; sunt gulæ species. Præproperæ. Laute. Nimis. Ardenter. Studiose. S. Th: 2. 2. q. 148. a. 4. ex S. Greg.

3. Prima species gulæ est Præproperæ, quando quis ex impatientia prævenit tempus comedendi. 2. Quando querit cibos lautos & pretiosos. 3. Quando multum comedit vel bibit. 4. Quando avi-

avidè cibum sumit. 5. Quando nimis
accuratè cibos præparat, vel sic paratos
desiderat. Ita in terminis Gab: à S. Vinc:
v. Gula.

4. Filiæ gulæ sunt quinque. 1. Inepta
lætitia. 2. Scurrilitas. 3. Immunditia.
4. Multiloquium. 5. Hebetudo mentis.
S. Th: I. c. a. 6. ex S. Greg.

5. Inepta lætitia dicitur quâ homo gan-
det in his, quæ ex se nullam, vel saltem non
tantam faciunt delectationem. Hæc turpi-
tudo apparet in ludo, joco & similibus.

6. Scurrilitas consistit in verbū ac gesti-
bus inverecundis. Ut sunt impuræ cantile-
nz. versus. cavilli. gestus. tactus petu-
lantes, turpes &c.

7. Immunditia sumitur pro superflua &
turpi humorum ē corpore emissione. ut sunt
vomitus. Pollutiones in somnis turpi-
bus causatæ ex nimio cibo vel potu &c.

8. Multiloquium est multitudo locutio-
nū cum superfluitate præter utilitatem vel ne-
cessitatem.

9. Hebetudo mentis est grossities intel-
lectus quâ homo non potest pertingere ad cogni-
tio

tionem rei, nisi per multa ei sit exposita. Hoc evenit cum ratione vaporum quibus op- pletur cerebrum. Tum ratione delecta- tionis superfluxæ, ex qua sic, ut mens qua- si inhæreat patinis & vitris.

DISTINCTIO VIII.

De Acedia.

1. **A**Cedia est tristitia de bono divino, non quatenus est arduum & difficile, sed quatenus ad nos pertinet, nobis est utile & nostrum beneficium, ducēs ad finem, vel consistens in fine excellentissimo.

2. Hinc collige vulgum non propriè intelligere hoc peccatum pro segnitie aut pigritia ad DEI obsequium, aut pro tristitia. v. g. de jejunio incidente tali tempore vel alio bono opere, inquātūm est laboriosum, animo & corpori mole- stum. vel impeditivum delectationum mundanarum: talis enim tristitia ex re- pugnantia sensualitatis oritur, & ordina- riè etiam consensu rationis accedente, veniale peccatum est, ait P. M. Nicol: Mosc.

3. Septem filiae acedia assignantur: Pigritia seu torpor. Tedium seu fastidium. Evagatio mentis. Pusillanimitas. Aversio à bono divino, alias malitia à D. Greg: dicta. Exasperatio contra benè monentes, alias rancor. Desperatio.

4. Pigritia seu torpor est quando homo negligit & omittit facere, quæ ex præcepto vel quasi ex præcepto tenetur facere. v.g. non communicando in Paschate, &c.

5. Tedium est, propter quod aliquis inchoans bonum opus nauseat super illo, tanquam insuavi, & deserere proponit.

6. Adverte. Prima pars hujus descriptionis non innuit filiam invidiæ, sed secunda pars: nam nausea super bono opere est ipsamet acedia, cùm sit tristitia de bono divino. Hinc Bonac: & Fernandez acediam desiniunt per tedium & nauseam.

7. Evagatio mentis est, quando quū refugiens sancta, divertit ad impertinentia, quæ in cogitationibus versat, & deserens attentionem debitam distractionem voluntariè admittit.

8. Posillanimitas est qua homo non audit divina consilia, que perfectione sunt aggrederi.

9. Aversio à bono divino, alias ex D Gregorio dicta malitia, est tristitia aggravans hominem propter bonum seu beneficium à Deo nobis exhibitum, v. g. si quis intentum esset aversus à Deo, quod audiens vel cogitans statutum sibi à Deo, quod fit futurus civis Sanctorum, tristaretur & fastidiret quasi nolens hoc esse. Vel si dispiucerent ei bona spiritualia, velletq; ea non fecisse. Vel si contemneret Dei beneficia, desiderando se non fuisse natum, non esse ad beatitudinem ordinatum. Detestaretur, quod sint ei provisa ad beatitudinem media. v. g. Sacra menta, &c.

10. Huc spectant illi qui propter nimium affectum ad res temporales amissi gustu spiritualium, desiderant in mundo perpetuitatem non curantes gloriam aeternam, immò interdum corde & ore beatitudini renuntiant, præponentes temporalia aeternis.

DE ACEDIA. 95

ii. Exasperatio contra benè momen-
tes, alias Rancor. importat quandam animi
commotionem contra ad bona induentes. v.g.
Parentes. Confessarios. Concionatores.
&c.

Quid sit desperatio patebit ex dicen-
dis de peccatis contra Spiritum S.

DISTINCTIO IX.

*De Gravitate Peccatorum Capi-
tulum.*

i. **S**uperbia est peccatum mortale ex
genere suo si sit consummata & per-
fecta, idest, si quis ita excellere appetat,
ut Deo, superioribus, eorumque legibus
subiici nolit. imperfecta quā quis, subij-
ciendo quidem quibus tenetur, in suo
tantum affectu se magnificat, est p. ve-
niale, ut refert P. Hermannus ex Cajeta-
no v. Superb. Quia sine Dei & aliorum
despectu plus justō sc̄ efferre, non est gra-
vis deordinatio. Eset gravis cum nota-
bili aliorum contemptu, complacendo
in aliorum notabili abjectione.

2. **Ava-**

98 DE GRAV: PEC: CAPIT:

2. Avaritia ut est rei alienæ immoderatus appetitus v. g. alienum retinendo, & ut opponitur justitiae, ex genere suo est p. mortale: ut verò est immoderatus appetitus propriarum divitiarum in ijs delectando, tenaciter retinendo, & ut opponitur libertati, est solum ex genere suo p. veniale. Qualiter avaritia communiter & ordinatè sumitur. Hanc doctrinam sumpsit Gab: à S. Vinc: ex S. Th: 2. 2. q. 118. a. 4.

3. Luxuria ut sumitur pro inordinato actu extra matrimonium est ex genere suo p. mortale. Quia prodigitur semen humanum in quo est homo in potentia: quod sine dubio est grave & notabiliter repugnans rationi. Sumitur ex S. Th: q. 15. de malo a. 2.

4. Invidia ex genere suo est p. mortale. Quia contrariatur charitati. Sicut enim charitas gaudet de bono proximi ita invidia tristatur. D. Th: 2. 2. q. 36. a. 3. & q. 10. de malo a. 2.

5. Ira sumpta pro inordinato appetitu vindictæ ex genere suo est p. mortale.

tale. (Quod intellige quando est ex plena deliberatione, & malum quod inferatur est notabile) Quia contrariatur charitati & justitiae. Sumpta pro perturbatione animi. v. g. si quis nimis ardenter commoveatur inreriis, vel si nimis exteriis signa interioris commotionis manifestet, non est ex suo genere mortalis. S. Th: 22. q. 158. a. 3. & q. 12. de Malo a. 3.

6. Gula ex genere suo solum est p. veniale. Gabriel à S. Vinc: V. Gula ex S. Th: Quia ex genere suo in hoc consistit quod quis inordinate cibum vel potum appetat. v. g. quia plus, citius, avidius, laetius sumit, quam deceat, vel in delectatione cibi sistit non referendo, saltem implicite ad finem honestum, quod tantum est veniale, nec ex terminis importat notabilē excessum. Sumitur ex Sam: de Lub.

7. Contra gulosos per ebrietatem sic habet Apostolorum 4z dus Canon: Episcopus aut Presbyter aut Diaconus, aleare atq; ebrietati deserviens, aut definat, aut certe communione prietur, idem statuit Eutichia-

98 DE GRAV: PEC: CAP:

nus Papa & Concilium Moguntiacum
Qant: 46. Hæc & alia refert Povodori-
vius in instructione Confessorum su-
pra 3. Præceptum.

8. Acedia secundūm genus suum est
p. mortale. Nam proprius effectus cha-
ritatis gaudium de DEO, acedia autem
est tristitia de bono divino. Et sic con-
trariatur charitati. Consequenter est ex
se p. mortale, nisi excusat imperfectio
actus. S. Th: 2. 2. q: 35. a: 3.

9. Sive autem tristis de re cadente
sub præcepto, sive sub consilio peccas
mortaliter. Et sic qui omisit Sacrum v. g.
ex acedia propriè sumpta, non sufficit
in confessione fateri omissionem Sacris,
sed necessarium est p. acedia explicare.
Gab: à S. Vinc: V. Acedia,

Quæsitum.

Quæ virtutes peccatis capitali-
bus contraria?

1. R. Hæ à referentibus doctrinam
Christianam solent assignari. Humilitas
Largitas, Castitas, Benignitas seu Bene-
volen-

DE VIRT: PEC: CAP: CONTR: 99
volentia, Patientia, Temperantia & De-
votio.

2. A quodam in tabula Christiana lo-
co benignitatis, ponitur amor proximi.
Loco temperantiae, abstinentia. Loco
devotionis, diligentia.

3. Cæterum possunt etiam sic enumi-
rari. Humilitas. Largitas. Justitia. Ca-
stitas. Charitas, Mansuetudo. Tempe-
rantia. Humilitas contra superbiam.
Largitas & justitia contra avaritiam su-
pra explicatam. Castitas contra luxuri-
am. Charitas contra invidiam & acedi-
am ut patet ex dictis. Mansuetudo & ju-
stitia, contra iram supra explicatam.
Temperantia contra gulam. Descripti-
ones harum virtutum reperies in 3.
Sent: Thomisticarum: ubi ago de vir-
tutibus in particulari; Nec placet omnia
repetere.

DISTINCTIO X.

De Peccatis contra SPIRITVM S.

1. **P**eccata in Spiritum Sanctum sunt
E 2 sex.

100 DE PEC: CONT: SPIRIT: S.

sex. Desperatio. Præsumptio. Impugna-
tio agnitiæ veritatis. Invidia fraternæ
gratiæ. Impœnitentia & obstinatio.

2. Desperatio, quando quis abycit spem
de sui emendatione. Peccatorum remissione,
gratia & gloriæ consecutione. Potest autem
aliquando conjungi hæresi, aliquando
absq; hæresi esse. Nam si quis exprimat
saltim corde tale judicium, quod Deus
non possit sibi parcere, aut non parcer,
si debito modo se disposuerit, aut quod
impossibile sit ei in hoc statu consequi
gratiam & postea gloriam, est contra fi-
dem. Sine hæresi verò: si quis secum ita
deliberaret. Ego nunquam me dispo-
nam, & ideo nunquam mihi Deus par-
cer ac proinde damnabor.

3. Præsumptio est inordinatus conatus
spei, quā expectat quis per virtutem & mis-
ericordiam Dei, id, quod secundum legem Dei
ordinariā non est possibile: v. g. remissionē
peccatorum absq; pœnitentia. Gloriam
æternam sine meritis, aut solis viribus
naturæ absq; Dei gratia. Et potest con-
jungi hæresi, si quis ita crederet. Et
absq;

DE PEC: CONT: SPIRIT: S. 101

absq; hæresi, si ita quidem non judica-
ret, sed ita se gereret ac tenderet in æter-
nam beatitudinem, ac si posset suâ vo-
luntate absq; operibus, aut illis solis sine
gratia Dei obtineri.

4. Impugnatio agnitiæ veritatis, tunc
est, quando quiu post propositam fidei vel be-
norum morum doctrinam, impugnat eam ve-
lens persuadere esse falsam.

5. Invidentia fraternæ gratiæ est dum
quiu tristatur ex hoc quod grata Dei crescat
in mundo. Hinc si quis videns fratrem
suum in Dñi servitio proficeret peccato-
res pœnitentiam agere, doloreret super
hoc, peccaret contra Spiritum S' quasi
contemnens interioris gratiæ auxilium.

6. Impœnitentia hic non significat
permanentiam in peccato usque ad mor-
tem, sed importat propositum non pœnitendi:
S. Th: in 4. d: 43. a: 2 ad 3. &c in exposi-
tione literæ. Quod si esset propositum
non pœnitendi usque ad mortem, sihe
dubio esset imœnitentia, ut hic sumi-
tur pro speciali peccato & in Spiritum
Sanctum.

7. Oblitinatione est firmum propositum inbarendi peccato propter aliquam delectationem licet brevem.

8. Hæc peccata dicuntur irremissibilia. Non quod nullatenus remitti possint, sed quia difficile & raro remittuntur, eo quod habeant in se repugnantiam ad remissionem, & Dei dona, quæ contemni videntur.

Quæsitum.

*Quot sunt remedia contra peccata
in Spiritum Sanctum?*

¶. Esse sex, secundum Fabium incarnatum. Primò. Spes de misericordia Dei. Timor de divina justitia. Cognitio veritatis fidei & bonorum mortis. Auxilium divinæ gratiæ. Dolor de peccato commisso, & propositum abstinenti à peccato.

DISTINCTIO XI.

Referuntur aliae divisiones peccatorum.

Aliæ DIVISIONES PECCATI: 103

Inter alias divisiones etiam assignari solet peccatum contra Patrem, Filium & Spiritum S. sed de hac divisione jam egimus dist. 1, n. 10.

2. Peccata in cælum clamantia sunt quatuor. Homicidium voluntarium, hoc est directè factum. Sodomia. Oppressio pauperum, ac merces operariorum defraudata.

3. nomine pauperis intelligitur non tantum miserabilis persona. v. g. advena, pupillus, subditus, servus, sed etiam quicunque est inferioris conditionis respectu excellentioris.

4. nomine oppressionis intelligitur quicunque afflictio.

5. Dicuntur in cælum clamare: nam ob sui gravitatem velocem petunt ultionem.

6. Peccata aliena sunt novem. Seu novem sunt modi quibus aliena peccata nobis imputantur, & continentur his versibus Jusso. Coasilium. Consensus. Palpo. Recursus. Participans. Matus. Non obstans. Non manifestans. Ho-

104 RESOL: aliquæ de PECC:rum brevis explicatio habetur in 1. Sente:
Mort: de homicidio.

7. Opera carnis hæc enumerantur à
S. Paulo ad Gal: 5: Fornicatio, immundi-
tia, impudicitia, luxuria, idolorum servitus,
veneficia, mimicitiæ, contentiones, emulatio-
nes, iræ, rixa, dissensiones, sectæ, invidiae, ho-
mocidia, ebrietates, commissiones & hū si-
milia quæ prædico vobis, sicut prædixi, quo-
niam qui talia agunt regnum Dei non conse-
quentur.

8. Q: 1. Quot modis peccatum com-
mititur? R: 4. Cogitatione. Locutione.
Opere, & Omissione.

9. Q: 2. Quot sunt fundamenta, ori-
gines & causæ peccatorum? R: 3. Ignor-
rantia. Fragilitas quō pertinet passio,
Malitia.

10. Q: 3. Quæ concurrent ad p. mor-
tale? R: hæc. 1. Gravitas ex parte
objecti. 2. Perfecta advertentia ex par-
te intellectus. 3. Plenus consensus ex
parte voluntatis. Gravitas ex parte o-
bjecti colligitur ex notabili contrarieta-
te cum charitate DEI & proximi. Alia
autem

RESOL: aliqua de PEC: 105
autem est gravitas objecti peccaminosi
ex se & sua natura v. g. odium D. I.
Alia ex gravi prohibitione ut fait in po-
mo primis parentibus prohibito. Quot
modis mortale transit in veniale vel è
contra. Quæ excusant à mortali vel ab
omni, v. dicta in 4. Sent: Moral: d. I.
Vnde sumatur distinctio numerica pec-
catorum. v. in 2. Sent: Mor: d. 61. circa
finem. Vnde distinctio specifica pecca-
torum. v. in 3. Sent: Thomis-
ticarum d. 75.

OPUSCULUM

QUARTUM.

De Præceptis Decalogi.

Præcepta alia sunt legis naturæ.
Alia scriptæ. Alia gratiæ. Alia
legis canonice.

Præcepta legis naturæ duo sunt. Quod
tibi non vis fieri, alteri ne feceris.

E s:

Quod

208 *DE PRÆC: DECALOGI.*

Quod tibi vis fieri, alteri facias. Legis scriptæ sunt decem, de quibus in hoc opusculo.

Legis gratiæ duo (intellige quoad majorem explicationem, semper enim erant) Diliges Dominum Deum tuum ex toto corde tuo &c. & proximum tuum sicut te ipsum. Legis canonicae aliqui numerant quinque. Absolutè tamen loquendo, & naturæ, & scriptæ, & gratiæ, & legis canonicae sunt plura. Sed hæc, vel communiora, vel magis principalia, vel magis scitu necessaria.

i. **D**ecalogus dicitur à denario numero præceptorum, & sic Decalogus idem est quod volumen sacrum continens in se decem moralia præcepta, sequentibus contenta.

Vñum crede Deum. Nec jures vana per ipsum. Sabatha sanctifices. Habeas in honore parentes. Non sis occisor. Mœchus. Fur. Testis iniquus. Alterius sponsam. Nec rem cupias alienam.

Horum fundamentum & radix est dilectio Dei & proximi.

2. Ex-

2. Ex præceptis Decalogi alia sunt primæ, alia secundæ tabulæ. In duobus enim tabulis lapideis scripta constat ex Deuteronomij c. 4. In prima tabula tria tantum scripta erant prima præcepta, quæ nos ad DEUM ordinant. In secunda vero scripta fuerunt reliqua septem, quæ ad iustitiam erga proximum servandam diliguntur. S. Th: apud Makovium in Decalogum præludio secundo.

3. Ex his alia sunt affirmativa alia negativa. Affirmativa obligant semper sed non pro semper, sed tantum quando accidit casus. v. g. honorare parentes obligamus semper, sed non pro semper & omni tempore quoad executionem, sed solum data occasione. Negativa obligat semper & pro semper, v. g. non furari.

4. Decalogum, saltem quoad substantiam scire tenemur, ut patet ex Opusculo 2. d. 2. Præ oculis etiam habendus, ut eò facilius ad eum observandum manuducamur. Habemus ute[m] Decalogum præ oculis examinandum conscientiam de observantia ejusdem.

E.

s. Fru-

AD. DE PRÆC: DECALOGI.

5. Fructus Decalogi hi numerari possunt. 1. Cōercere homines à malo. 2. Invitare ad bonum. 3. Benedictio spiritualis & temporalis. Illa consistit in conscientiæ puritate, tranquillitate & abundantia virtutum. Hæc in bonorum temporalium copia & alijs exterioribus bonis. Si hæc desunt, Deus in melius nostrum subtrahit. 4. Vita æterna, si quis ad vitam ingredi serva mandata.

DISTINCTIO I.

Circa primum præceptum.

Non habebis Deos alienos cor m' me.

1. **H**oc præcepto non solum prohibetur cultus falsorum Dñorum, sed & præcipitur tendere in Dñm, tum per actus fidei, spei & charitatis, tum per actus religionis.

2. Ad præfatos actus inducimur quinque rationibus. 1. Summar ex Dñi dignitate. 2. Ex Dñi largitate: omne enim bonum à Deo. 3. Smitur ex promissi ermitate: abrenuntivimus enim diabolo,

lo, & fidem promisimus soli DEO. 4. sumitur ex dominij diabolici gravitate. 5. Ex præmij sive muneris largitate. D.Th: Opusc: 4. in præsenti.

3. Quid fides, spes, charitas, patet ex dictis de virtutibus. Religio est *virtus*, quâ Deus debitum cultum tribuimus tanquam primo omnium principio. Quæ circa dictas virtutes scienda occurunt, dixi tum in 1. Sent: Mor: d. 2. & seq. tum in 3. Sét: Thomisticarum d. 53. & seq.

4. Dum dicitur *non facies tibi sculptile, idolorum cultus & non imaginum Dei & SS prohibetur. ut sc: imagines formaliter sumuntur, hoc est, ut dicunt respetum ad rem repræsentatam, materialiter enim sumptæ & ut res quædam non possunt coli.*

5. Serviunt autem imagines. i. ad instructionem rudium. *Quod legentibus scripiura, hoc idiotū præstat pictura.* S Greg: l. 9. Epist: 9. 2. ad excitationem piorum: excitamus autem ut imitemur & honoremus Sanctos. Imagines ipse met Christus D. approbat: Regi enim Abagaro suam

110 PRIMUM PRÆCEPTVM

suam imaginem misit (Epistola Abagari ad Christum D. & Christi D. ad Abagaram, habentur apud P. M. Ruszel de S. Cruce dist. 37. ubi etiam reperies Epistolam Lentuli Romani Proconsulis, quā dispositionē Corporis Christi D. describit) Item linteo S. Veronicæ, & sindoni sepulchri suam imaginem impressit, non in solam memoriam sed ut per has colatur.

6. Non prohibetur etiam hoc præcepto cultus reliquiarum seu corporum SS. reliquiarum enim sunt pignora sacra SS. quos colere tenemur. Angeli honorant corpora SS. Hi enim S. Catharinæ corpus in monte Synai cum honore sepelie- runt. Hi corpori S. Clementis facellum ædificarunt in mari. Deus ipse, ut patet ex tot miraculis, vult corpora SS. à nobis honorari. Membra S. Stanislai Martyris, & Episcopi Cracoviensis nocturni de cœlo splendoris iudicio collecta, & suis lucis disposita, ita inter se copulata, ut nulla vulnerum vestigia extarēt. Corpus S. Floriani M. Patroni Regni Poloniz,

DECALOGI. III

Ioniae inusitatæ magnitudinis aquila custodivit &c.

7. Est autem cultus seu adoratio in communi, actus quo unus alteri se submittit, seu honorat in recognitionem excellentiae.

8. Cultus seu adoratio est triplex. Latriæ, duliaæ, hyperduliaæ. Latriæ est supremus cultus qui soli Deo propter summum imperium, quo universa creavit, gubernat & regit, debetur. Dulia est cultus debitus Sanctis, alijsque interdum adhiberi solet, ut docet S. Th: 2. 2. q. 103. a. 2. Hyperdulia est cultus debitus Sanctis habentibus specialem coniunctionem ad Deum. Sic colitur humanitas Christi D. præcisè considerata, ut sancta per sanctitatem creatam, cui tamen ut sanctificatae sanctitate in creatâ debetur cultus latriæ. Cultus hyperduliaæ etiam colitur B. V. MARIA.

9. Adoratio quæcunque illa, alia est absoluta alia respectiva. Absoluta est, quando aliqui honoratur propter se & ratione sua perfectionis. Respectiva, quando propter aliud. Patet hoc in cultu & adoratione imaginum, quæ non sicut in imaginibus, sed

112 PRIMVM PRÆCEPTVM

sed refunditur in prototypum seu exemplar, puta in eum cujus est imago. Adoratione sacrâ veneramur etiam nomina sacra, ut nomen: JESUS MARIA. Scilicet propter id quod repræsentant. Patet hoc ex D. Paulo ad Philipp. 1. In Nominis JESU omne genu flectatur.

10. Ex signis externis non sumitur differētia inter adorationes. Nam omnis submissio externa, est indifferens, potestque tam Deo quam creaturis exhiberi, v.g. genuflexio Totius corporis prostratio, etiam hominibus exhibentur. Quare à sola intentione pendet, quod per talia signa externa, hæc vel illa species honoris deferatur. Si enim externa illa submissione intendas te submittere tanquam Deo, & testari divinitatem, erit cultus latræ. Si ut Sancto, duliae. Si ut viro potenti, erit observantia politica. Makowski super Decal: tract: 1. disp: I. q. 2.

11. Qui nec canonizati, nec beatificati, cum signis tamen sanctitatis deceperunt, possunt coli cultu privato, se-
sla-

eluso populi scandalio. Possunt in privatis colloquijs vocari sancti, & in nostrum auxilium, ut pro nobis intercedant, invocari. Hæc probantur à Mako-
vio l. c. q. 5. a. 1.

12. Occasione hujus scias. 1. Inter canonizatos & beatificatos hæc differentia, quod circa canonizatum sit ultimum judicium & sententia de sanctitate & gloria. Circa beatificatos non. Post beatificationem enim ante canonizationem majus exame fieri solet circa vitam & sanctitatem. Et sic quod beatificatus sit in gloria, non tam habetur per formam declarativam, quam concessivam, quam conceditur ut invocetur.

13. Scias 2. ex Mak: l. c. q. 6. hanc inter cultum publicum & privatum esse differentiam. Cultus publicus fit nomine Ecclesiae, & ab ea determinatus, ut officium divinum, Missa & alia, quæ pro Sanctis canonizatis ac beatificatis sunt determinata. Privatus exhibetur, non tamen institutus ab Ecclesia, nec fit nomine Ecclesiae, sed ex devotione colentis,
licet

114 PRIMO PRÆCEPTO

licet simul fiat, & publicè. Imò etsi Sacerdotes superpelliceo induiti recipient dona voti gratiâ oblata: hoc enim non tam ad cultum publicum pertinet, quam ad decentiam. Aliæ difficultates circa cultum privatum videantur in 1. Sent: Mor: dist: 6.

De Peccatis primo Præcepto oppositis.

14. Peccata opposita virtutibus Theologicis, sc. hæresis desperatio & odium Dei, opponuntur primo præcepto Decalogi.

15. Item peccata opposita virtuti Religionis. Sunt autem supersticio, tentatio Dei, sacrilegium, perjurium, simonia & blasphemia. Si hæc præter convictioni addit errorem contra fidem, etiam opponitur fidei, & dicitur blasphemia hæreticalis, alias tantum dicitur blasphemia simplex.

16. Supersticio est cultus viciosus quo aut colitur creatura cultu divino aut Deus modo indebito. Makov: I c. q. 1. a. 1.

17. Tentatio Dei est dictum vel factum

PECCATA OPPONITA. 115

ad capiendum de Deo experimentum, ut sciat
tur qualis sit, potentia, bonitate, scientia,
voluntate & similibus. Samuel de Lu-
blino v. Tentatio.

18. **Sacrilegium** est rei sacre violatio.
Explicatur haec definitio in 1. Sent: Mor:
d. 10. De perjurio & simonia in sequen-
tibus.

19. **Blasphemia** ex S. Th: 22: q. 13.
a. 1. est derogatio excellentis bonitatis, &
principis divine.

20. Fit autem quatuor modis. 1.
Quando aliquid Deo attribuitur quod ei
non convenit. 2. Quando removetur
quod convenit. 3. Quando proprium
Deo creature tribuitur. 4. Quando re-
movetur à Sanctis id quod convenit,
vel attribuitur convitiando, quod non
convenit. Sam: de Lub: v. Blasphemia.
Ex quo pater blasphemiam etiam sic
posse definiri. *Est maledicentia contra*
Deum & Sanctos.

21. Species superstitionis haec à S. Th:
2. 2. q. 20 a. 2. numerantur. Indebitus
veri Dei cultus. Idolatria. Divinatio
vana observantia. 22.

276 PRIMO PRÆC: DEC:

22. Quid sit indebitus veri Dñi cultus, patet. Hoc addo: superstitione ve-
nialiter agit, qui contra rubricas agit,
Armilla v. Superst:

23. Idolotria est cultus quo divinus
honor creatura tribuitur, tanquam Deo.

24. Divinatio est predicio inordinata
fututorum.

25. Vana observantia est: dum media in-
utilia adhibentur ad praestandum vel omittent-
dum aliquid. v.g. dum lusores mutant lo-
cum; ut malam fortunam evitent.

26. Magia est quinta species supersti-
tionis, sed revocatur, partim ad divina-
tionem, si futura ope dæmonis predicu-
tur: Partim ad vanam observationem
si mira &c. insolita ope dæmonis sunt.
Et sic magia superstitione definiri potest.
Est ratio quedam ope dæmoni aut futura pre-
dicens aut insolita operandi.

Species divinationis cum expressa dæ-
monis invocatione.

27. 1. Præstigium quando dæmon appa-
ret ad prænuntiandum futura &c. homini oculos
præstringit ne videat deceptionem.

PECCATA OPPOSITA. LH

28. 2. *Divinatio per somnia, dum magi ex somnijs iudicant de occultū & futurū.*
Si deest pactum, nec eis utimur tanquam regulā actionum nostrarum, est tantum veniale credere somnijs.

29. 3. *Necromantia est divinatio per apparitionem & locutionem mortuorum.*

30. 4. *Divinatio per Pytones dicitur dum demon per homines viyas, ut arreptities loquitur de occultū & futurū.*

31. 5. *Geomantia est divinatio per aliquas notas aut signa in corpore terrestri. v.g. ligno, ferro, &c.*

32. 6. *Hydromantia est divinatio per notas in aquā.*

33. 7. *Aeromantia est divinatio per notas in aëre.*

34. 8. *Pyromantia est divinatio per notas in igne.*

35. 9. *Harspiciū est divinatio per notas in testinī animalium immolatorum:*

Species divinationis sine expressa demonis invocatione.

36. 1. *Astrologia judicaria, quā ex situ motuq[ue] astrorū futura prædicuntur de hominum vita & actionibus.*

118 PRIMO PRÆC: DEC:

37. 2. Augurium, cùm ex motu vel sonitu avium, aliorumq; animalium, vel etiam ex sternutatione hominum, membrorum saltu, futurum prædictur.

38. 3. Omen, cùm ex verbis alicuius absq; eo proposito dictis, futurum prædictur;

39. 4. Chiromantia, quâ ex lineaemēti manuum aliquid prædictur. Ad hanc revocatur Spatulomantia, quâ aliquid prædictur ex signis apparentibus in spatula alicuius animalis.

40. 5. Sortilegium est cùm aliquid sit ab homine, ut considerato eius eventu occultum innotescat. Sit vel per schedulas extrætas vel jactum taxillorum. &c. De his S. Th: 22. q. 95. a. 3.

41. Sors alia est divisoria, alia consultoria, alia divinatoria.

42. Divisoria est si queratur iudicio sortium, quid alicui sit exhibendum.

43. Consultoria, si queratur per sortes quid agere oporteat.

44. Divinatoria, si queratur per sortes quid sit futurum. S. Th: l. c. a. 8.

45. Hæ omnes species divinationis,
licet

licet sine expressa dæmonis invocatione,
sunt prohibite, excepta sorte divisoria
& consultoria, servatis tamen nonnullis
conditionibus, de quibus in 1. Sent:
Mor: d. 8. conc: 3.

Species vanæ observationis quatuor
numerantur in Armilla Bartholomæi
Fumi V. Supersticio.

46. 1. Ars notoria quâ aliqui produc-
tari, & credit se posse consequi v. g. scientiam
absq; labore, mediantibus aliquibus actibus ad
hoc non ordinatis. v. g. faciendo tot jeju-
nia &c.

47. 2. Vana observatio futurorum
eventuum, quâ ex consideratione alicuius e-
ventus fortuitò occurrentis coniçimus quid fu-
turum sit prosperum vel adversum. v. g. si
quis domo egrediens pedem offendat &
ideo domum revertatur timendo iter
inaustum.

48. 3. Vana observatio ad immuta-
tionem corporum per res naturales non ta-
men à natura ordinatas ad effectum intentum,
v. g. si quis sub signo leonis sculpat in au-
ro figuram leonis, quam superstitioni di-
cunt

120 1. PRÆC: DEC: PEC: OPPOS:
cunt valere contra hydropem, pestem
& febres. Item si quis vanis remedij
tollit fascinationem. v. g. immisione
carbonum in aquas.

49. 4. Vana observatio ad immura-
tionem corporum per res supernaturales
non tamen à Deo ordinatas ad effectum inten-
sum. v.g. Si verba sacra collo appendas,
credens te sic certò consecuturum sani-
tatem. Secus si solum habeatur respe-
ctus ad Deum, à quo humiliter expecta-
tur effectus. Quali modo etiam licet in-
cantare serpentes. Sed ut advertit S. Th:
22. q. 96. a. 4. plerumque tales incanta-
tiones habent vanas observantias, & per
demones sortiuntur effectus. Dixi, à
Deo non ordinatas. Nam gestare Agnum
DEI benedictum, licet. Cùm id à Deo
per Ecclesiam institutum contra male-
ficia.

Divisiones sacrilegij videantur in
Sent: Mor: d. 10.

DISTIN-



DISTINCTIO II.

Circa 2. Præceptum.

*Non assumes Nomen Dæi sui in
usnum.*

1. **H**oc præcepto prohibetur omnis inordinata usurpacio Nominis Dæi. Temerè jurando. Adjurando. Vovendo & non reddendo. Blasphemando.

2. Juramentum est *Veritas Divino testimo-
nio confirmata*. Hinc jurare est Deum in testimonium alieujus veritatis adducere.

3. Tres sunt conditiones necessariæ ut juramentum debito modo fiat. Veritas. Justitia. Necessitas. S. Th: Opusc: 4. in præsenti. Veritas consistit in hoc quod res ita se habeat, vel saltem putatur ita se habere ut juratur. Necessitas quando agitur de propria aut proximi fama &c. Justitia quod res jurata non sic contra legem Dæi.

4. Juramentum est quadruplex. Af-
fectorium. Promissorium. Comminato-
rium

rium Execratorium. Assertorium est assertio Divino testimonio confirmata. Promissorium est promissio Divino testimonio confirmata. Comminatorium est comminatio divino testimonio confirmata. v. g. Juro Deum, percutiam Petrum. Execratorium, est execratio divino testimonio confirmata. v. g. Deus me damnet, si mentior.

5. Adjuratio est inductio alicuius personae vel creature ad aliquid faciendum vel non faciendum ex invocatione rei sacrae. S. Antoninus apud Armillam v. Adjuratio.

6. Duplex est adjuratio. Imperativa & deprecativa. Imperativa, quā utimur ad subditos, precipiendo & timorem incutiendo. v.g. adjuro te per Deum vivum. Deprecativa quā utimur ad Deum, Sanctos vel homines superiores, ut patet ex usu Ecclesiæ orationes sic finiendo. Per Dominum N. &c. Similiter in Litanijs. Per mysterium Sanctæ Incarnationis. Sam: de Lub: v. Adjuratio.

7. Ut adjuratio sine peccato fiat has præcipue conditiones exposcit. 1. Ut de re bona fiat, 2. Ut intentione bona, 3. Ut

3. Ut urgente rationabili necessitate.

8. Votum est promissio facta Deo de hunc que ei magis placent. Licet vota fiant Sanctis, hoc tamen sit propter Deum, qui in Sanctis colitur.

9. Votum has petit conditiones. 1. Ut sit circa materiam bonam. 2. Possibilem. 3. Liberam votum emittenti. 4. Meliorem suo contrario. Hinc votum contrahendi Matrimonium non valeat: quia materia voti non est melior suo contrario quod est celibatus.

10. Votum aliud est simplex aliud solemnne. Simplex est nuda promissio facta Deo de meliori bono. Solemne est quod praeter promissionem Deo factam de meliori bono tradit hominem Deo irrevocabiliter. De differentia horum dixi in 1. Sent: Mor: d. 14.

11. Hi contra hoc præceptum peccât qui pejerant. Pejerare est Deum in testem adducere, vel sine veritate, vel sine necessitate, vel sine justitia. Irreverentia est conditio generalis in omni perjurio imbibita. Adducere Deum in testem

sine veritate, licet in re levi, semper est p. mortale. Tantum sine necessitate, est p. veniale. Sine justitia in re levi, servata veritate p. veniale. v. g. juro, percūtiam leviter Petrum.

12. Secundum Marchantium peccat etiam contra hoc præceptum, qui frequenter (ut sic loquar) dæmonem in ore habent. Eo sorte modo, quo negatio reducitur ad affirmationem. Quamvis enim in ira nominare dæmonem, sine imprecatione, non sit peccatum, assidua etamen ejus nominatio dedecet Christianum, & sic à veriali non excusatue.

13. Qui adjurant superiorem imperativè, dæmonem deprecativè, v. dicta in 1. Sent: Mor: d. 13. Conc: 2. & 3. Qui vota non implent, v. dicta l. c. d. 14. Conc: 11. Qui blasphemant v. l. c. d. 7. Qui per creaturas tanquam testes ex se infallibiles jurant, v. l. c. d. 11.

DISTIN-

DISTINCTIO III.

Circa 3. præceptum;

Memento ut diem Sabathi sanctifices.

1. **H**oc præcepto in nova lege in ali-
quibus immutato: Sanctificatio
Festi, Missam audiendo, non laborando,
orando, se ad diem festum per jejunitum
præparando, semel in anno confitendo
& communicando, Ministris Ecclesie
necessaria præbendo, præcipitur.

De Die Feso.

2. Sabathi nomine intelligitur dies
quo homo vacare recessit ab operibus
servilibus ad vacandum rebus divinis.
Quia tamen (ut docent Theologi) finis
præcepti non cadit sub præcepto, non
peccat homo contra hoc præceptum, si,
supposita Missæ auditione, rebus divinis
non intendat.

3. Nullum festum in Ecclesia ex iure
divino est introductum ut docet Fernan-
dez in præsenti & alijs, cuius oppositum
habet Povodovius fecutus Angelum &
Sil-

126 III. PRÆCEPTVM

Silvestrum. Colligit id Fernandez ex c. licet, de ferijs, & c. 1. de consecratione d. 3. Licet enim ius naturale divinum præcipiat hominibus Deum honorare & revereri, non tamen tempus definit, quo in novo testamento id facere teneamur, sed omnia festa novæ legis introducta sunt ab Ecclesia.

4. Festum ergo Dominicæ ab Apostolis institutum esse colligitur ex Apoc: 1. in hac die Christus resurrexit. Spiritum S. Apostolis misit. Cælum & terram creavit. Aquam in Vinum convertit. Natus & baptizatus fuit. Quinq; panes benedixit, & multiplicavit. Januis clausis ad Apostolos intravit &c. Gabriel à S. Vinc: in Summa Mor: v. Festi dies. Adde ex eodem in N. Sūma Philosophica relato: hāc die Annuntiatio & Concepçio Filij Dñi in purissimo B. M. V. utero fuit.

5. Dies festus non éodem modo incipit & terminatur. Nam quoad jejunium incipit à media nocte precedente vigiliam. Quoad iudicia incipit ab ortu Solis & fi-

& finitur in occasu. Quoad officium
Ecclesiae incipit à Vesperis.

Circa Missam.

6. Scias ex Moseicensi quem retuli in
i. Sent: Mor: d 16. audire non ita in
præsenti lumen, ut idem significet quod
aure corporis percipere alias surdus non
diceretur Missam audire, neq; sanus si
Sacerdos submissè diceret, imò etiam si
clarà voce in magna populi frequentia:
nam tunc valde distantes non audiunt.
Vnde omnes DD. passim docent nem
nē ex præcepto teneri, sic audire & ini
nius intelligere verba Sacerdotis. Sumi
tur itaque hic audito moraliter, quod
se gerat ad instar audiētis, decenter, pie,
religiosè Missæ assistendo, cruce se signā
do, genua flectendo &c. Exoprandō, ut
Sacerdos pro omnibus orans exaudiatur.
Cogitando de Deo cui Sacrificium offer
tur. Vel de Dñi beneficijs que per Sa
crificium offeruntur. Nullum impedi
mentum devotioni repugnans præstādo
v.g. colloquendo, distracte orando &c.

Circa Orationem.

7. Quid sit Oratio dixi supra Opus:
2. d. 8. ubi & orationem Dominicam
explicui. Attentio in Oratione potest
considerari triplex. Actualis, Virtualis,
Habitualis. Attentio actualis est quādo
quis voluntariē actu attendit ad id quod
operatur. Virtualis est quando quis à
principio instituit attendere & casu con-
tra suam voluntatem cogitat de alijs.
Habitualis est quando quis operatur ex
habitu & consuetudine mente non in-
tendens ad illud quod operatur. v. g.
qui instrumentum pulsans ex consuetu-
dine, mente ad alia negotia totus in-
tendit, neque à principio animum appli-
cat ad pulsandum. Habitualis non suffi-
cit ad orationem ut habetur in glossa
N. N. Constitutionum c. 1. de Officio
Ecclesiarum Literā D.

8. Loquendo ergo de attentione a-
ctuali & virtuali (quam S. Th: vocat
habitualē) scias ex Cardinali Cajetano
quatuor modis potest quis orando atten-
dere

dere. 1. quantum ad verba. Per quod significatur, quod verba non debeant dividari, & quasi devorari, sicut aliqui incipiunt versum & reliquum ita deglutiunt, ut vix se ipsos intelligent. Item quod versus non debeat inchoari, nisi prius locutus suum versum finiat. In quibus modis dictis si multoties intra idem officium divinum exceditur peccatur mortaliter, ut cum Navarro docet Fernandez Quia notabiliter minuitur officium divinum, & notabiliter turbatur devotio.

Secundò potest quis attendere ad sensum verborum, ut mente percipiat & applicet affectum ad id quod verba significant. Hæc non exigitur, licet in hominibus doctis Moscicensis tractando contra scrupulos.

Tertiò, quantum ad gratiam petitam. v.g. castitatem humilitatem, fidem, &c.

Quartò ad ipsum Deum &c. Hæc omnes, excepta 2dā communes sunt doctis & indoctis. S.Th: 2. 2. q. 83. a. 131 has ad tres reduxit.

230 III. PRÆCEPTVM

9. Qui non ex præcepto orat & distrahitur voluntariè, ordinariè nonnisi venialiter peccat. Qui ex præcepto orat & voluntariè distrahitur. v.g. dicendo horas Canonicas, mortaliter peccat. Maledictionem ps. 108. fulminatam portat. sc. *Oratio eius fiat in peccatum.* Et ideo quibusdam irreverenter divinum officium recitantibus dæmon apparuit, eosq; sacerdissimam (ut refert S. Greg: M.) urinâ rotos aspergit, dicens. *Ad talem orationem hanc merito infundo aspersionem.*

10. Inter præcipuas orationes numerantur horæ canonice, sic dictæ, quod ex præscripto Canonum certis horis diu noctuq; à Clericis dicantur. Septenario complentur numero. Matutinum. Prima. Tertia. Sexta. Nona. Vesperæ. Completorium. Significant varia passionis Christi D. tempora, his expressa.

Matutina ligat Christum, qui criminâ purgat. Prima replete sputis. Dat causam tertia mortis. Sexta Crucis nedit, Latus ejus Nona bipartit. Vespera deponebit. Tumulo Completa reponit.

Circa

Circa labores.

11. Opera quæ prohibentur die festo
sunt opera servilia, hoc est, quæ servis
tantum convenient, nec illis sunt com-
munia cum hominibus ingenuis. Ser-
vorum nomine non solum mancipia in-
telligas; sed plebejos homines, & operi-
bus Republicæ inservientes. Fernandez
p. 1. c. 7. § 1.

12. Præter hæc prohibentur nonnul-
la opera non servilia. 1. Nundinæ, nisi
consuetudo aliud suadeat. Locationes.
2. Judicium civile, & criminale. Non
tamen vetatur appellare. 3. Juramen-
tum in judicio, nisi alind suadeat gravis
necessitas. 4. Strepitus judicialis. Et
annullatur processus & sententia lata in
festo, etiam de consensu partium. Nisi
gravis urgeat necessitas. Nam aliquan-
do immanitas delicti notorij petit ma-
lefactorem subito etiam sine processu
suspendi. Hæc referunt Fernandez &
dela Cruz in præsenti. Alia in fine hujus
tractatus examinabunter.

DISTIN-

DISTINCTIO IV.

Circa 4. Præceptum.

Honora Patrem tuum & Matrem tuam.

1. **H**oc præcepto præcipitur, honore, amare, obedire parentibus. Nominis parentum. 1. intelliguntur parentes secundum carnem. 2. Superiores in rebus spiritualibus. v.g. Episcopi, Abates. 3. Superiores in rebus corporalibus. v.g. Reges &c. Tandem omnes, qui super nos aliquam potestatem habent. v. g. magistri, tutores &c. Fern: loco cit: c. 8. §. 1.

2. Peccant contra hoc præceptum, non solum filij, sed & Parentes, non instruendo filios & filias in doctrina Fidei & honorum morum. Domini non præbendo servis necessaria. Non curando ut dies festos & similia observent. Maritus uxorem contumelij afficiendo & c. contra.

DISTIN-



DISTINCTIO V.

Circa 5. Præceptum.

Non Occides.

1. **H**oc præcepto prohibetur non solum homicidium corporale sed & spirituale, quod fit scandalizando, non corrigendo.

De Homicidio.

2. Homicidium est iniusta hominis occisio. Sub hac comprehenditur vulneratio, percussio, mutilatio, incarceratio, & cetera contra salutem corporalem proximi. v. g. non pascendo vel eleemosynam denegando. Ad homicidium etiam reducuntur Ira, Invidia, Maledictio, Odium & similia.

3. Homicidium est duplex: voluntarium, quod animo & intentione occidendi hominem, perpetratur cum effetu. Casuale, quod fit præter intentionem occidentis, aut facientis id, unde mors secuta. Est duplex. Aliud purè casuale, quod nec implicitè est volitum;

Et

134 V. PRÆCEPTVM

Et hoc non causat irregularitatem. Quia nullo modo est voluntarium. Aliud est quod saltem indirectè & in sua causa est volitum, ut si sit in ea prævisum, aut expressè aut implicitè, inquaneum poterat prævideri & non est adhibita diligentia: Et sic peccata in ebrietate commissa solent esse voluntaria.

4. Ad justam occisionem hæc necessaria. 1. ut fiat auctoritate publica 2. ut fiat ex causa gravi. 3. ut servetur iuris ordo 4. ut sit recta judicis, vel ministri exequentis intentio.

5. Non solum is peccat qui physice occidit aut vulnerat, sed etiam qui sequentibus verbis continentur.

Jussio, consilium, consensus, palpo, recursus.

Participans, mutus, non obstante, non manifestans.

Id est. Qui præcipit. Qui consilium dat. Qui consentit, & ratum habet, siue ante, sive post occisionem. Qui laudat factum, vel ut fiat. Qui defendit homicidam & præbet ad se recursum. Qui

par-

partem aliquam habet in homicidio,
seu socius criminis aliquomodo, & au-
xilium præbuit. Qui non præmonet oc-
cidendum. Qui non defendit. Qui non
manifestat veritatem ad defendendam
vitam innocentis.

6. Ad bellum justū tria requiruntur;
1. authoritas superiorem non recogno-
scens. Nam recognoscens superiorem
nequit moveare bellum, cùm possit jus
saum prosequi judicio superioris. 2.
causa justa v.g. damna valde gravis il-
lat: centandum tamen medium suavi-
us. 3. recta intentio sc: ut bonum pro-
moveatur & malum amoveatur. S. Th:
2. 2. q. 40. a. 1.

*De homicidio factō per denegati-
onem eleemosynæ: si enim non
pavisti, occidisti: ait S.
Ambrosius.*

7. Scias. Pauperum indigentia est tri-
plex. Extrema, gravis & communis.
Prima est quando defunt necessaria vi-
ta, & sine quibus vita aut deficiet aut ab-
bre-

breviabitur, aut gravi & diuturno morbo corripetur. Gravis necessitas est, dum defont necessaria ad conservādam conditionem proprij statūs. Communis est mendicantium, qui licet multo indigant, quia tamen à multis postulante moraliter loquendo non possunt suo statui necessaria non invenire.

8. Dum ergo proximus est in extrema vel quali extrema necessitate ad vitam conservandam, tenetur sub mortali quivis subvenire ei, si habeat superflua vita & naturae, & probabiliter putat neminem subventurum: etiam si non habeat superflua statūs. Hoc enim exigit lex charitatis.

9. Item dum proximus est in gravi necessitate, tenetur sub mortali subvenire ei qui habet superflua statūs, si non sit aliis qui subveniat. Quia hoc exigit lex charitatis. Præsertim, si nemo subveniret, facile gravis necessitas transiret in extremam. Utramq; conclusionem docet *Armilla & Mosc:* & alij.

10. Sunt autem superflua vita, quæ dcm.

demptis necessarijs ad vitam conservandam adhuc supersunt. Superflua verò statūs sunt illa, quæ demptis necessarijs ad sustentandam vitam & decedentem statum, juxta conditionem personæ, adhuc supersunt.

11. Loquendo de communibus proximorum necessitatibus, quales esse solent in ordinarijs pauperibus, divites habentes superflua statūs, tenentur sub mortali ad aliquam eleemosynam largiendam, inde determinatè tamen cui & quibus voluerint, & tēporibus, quibus placuerit. Nam aliquando hæc etiam necessitas facile transiret in gravem & extremam.

De Homicidio spirituali per scandolum & omissionem correctionis fraternæ.

De Scandalis.

12. Scandalum est dictum vel factum minus rectum occasionem spiritualem ruinæ præbens. Et sic quando aliquis ex alterius peccato excitatur ad odium peccati non.

non est scandalum. Vnde error nonnullorum sic scandalum aceipientium est corrigendus.

13. Scandalum aliud est activum, aliud passivum. Activum est, quando dicto vel facto tuo directe intendis ut alter ruat; inducendo eum ad peccatum. Vel si non intendis ut ruat, ipsum dictum vel factum est inductivum ad peccandum. v.g. si publicè pecces; aut facias aliquid habens speciem peccati. Passivum est, quando dictum vel factum unius, est causa alteri per accidens peccandi. v.g. si operans non intendat aliquem inducere ad peccatum, nesciusit inde occasionem peccandi. Qod si sumat occasionem peccandi ex sua malitia est scandalum pharisaicum. Si ex infirmitate vel ignorantia, est scandalum pusillorum vel infirmorum.

De Correctione Fraterna.

14. Quinq; conditiones ad correctionem necessariae i. ut certam moraliter notitiam quis habeat de peccato proximi.

mi. 2. ut proximus indigeat correctione
sive propter ignorantiam, sive inadver-
tentiam, sive propter propositum iterā-
di, &c non putatur ab aliquo alio corri-
gendum. 3. ut ex correctione speretur
probabiliter emendatio, saltem ad tem-
pus. Nec tamen facile nobis de emenda-
tione proximi male persuadeam⁹. Cūm
ſæpe emendetur de quibus minus speri-
etur. 4. ut fiat eo ordine quo Christus D⁹
ordinavit. Si tamen peccatum sit contra
fidem, aut bonum commune subito de-
clarandum. S. Th: 2. 2. q. 33. a. 7. in
corpore articuli. Quod si error contra
fidem prolatus non esset cum pertinacia,
tunc non posset subito declarari, sed
secerit cortigi. 5. ut fiat cum opportu-
nitate, sive temporis, sive loci, sive per-
sonarum. v. g. si indigens correctione,
valde irascitur, probabiliter nihil effici-
et monitio. Si in aliorum praesentia,
forte magis exacerbatur. Quod si con-
tinuat malitiam, suaviter occurrentum
prout fieri potest. Quandoq; expectanda
persona ad corrigendum magis idonea,

15. Ordo in fraterna correctione servandus traditur à Christo D. Matt: 18. Si peccaverit in te (id est seceretè) frater tuus, vade & corripe eum inter te, & ipsum solum. Si te non audierit adhibe tecum adhuc unum vel duos, ut in ore duorum vel trium sit omne verbum, Quod si non audierit, dic Ecclesiæ. Si autem Ecclesiam non audierit, sic tibi tanquam Ethnicus & Publicanus.

16. Attamen si judicatur secretam correctionem non profuturam potest immediatè procedi ad secundum medium, & idem de secundo medio, quod etiam omitti potest si sciatur non profuturum. Alia pertinentia ad particulares casus, vide in 1. Sent: Mor: d. 211. & sequ.

Circa Sextum Præceptum.

Quo prohibetur omne peccatum repugnans castitati, vide dicta Opusc: 3 d: 3.

DISTINCTIO VI.

Circa 7. Præceptum.

Non furtum facies.

Hoc

Hoc prohibetur iniqua acceptio,
& rei alienæ detentio.

De Furto.

1. **F**urtum est ablatio rei alienæ invito do-
mino rationabiliter. Distinguitur spe-
cie à rapina (qua est ablatio rei alienæ publi-
ca) ut docet S. Th: 2. 2 q. 66. a 4. Et
sic circumstantia rapinæ est necessario in
confessione explicanda.

De Simonia.

2. Simonia est studiosa voluntas emendi
vel vendendi aliquid spirituale vel spirituale
annexum.

3. Hoc peccatum est contra virtutem
religionis. Quia res sacræ indignè tra-
stantur si pretio temporali commutan-
tur. Est etiam contra justitiam, si ven-
ditur id, quod debebatur. v. g. si Paro-
chus vendit confessionem. Item dum
res cariùs propter consecrationem. v.g.
calix venditur.

4. Simonia est triplex. Realis. Con-
ventionalis. Mentalis. Realis dum exhi-
bitur vel promittitur res temporalis pro re
rituali actu vendita & tradita.

142 **VII. PRÆCEPTVM**

Conventionalis est dum convenitur de
pretio & venditione, sed adhuc non est secutus
effectus.

Mentalis est dum traditur res temporalia
cū intentione accipendi spirituale pro ea, sed
sine conventione & pacto explicito vel e contra.

5. Præter has assignari solet confi-
dentialis: sed secundum varias circum-
stantias est reducibilis ad prædictas.

6. Committitur Simonia confidenti-
alis in collationibus & resignationibus
beneficiorum, dum se: confertur benefi-
cium, cum confidentia, vel quod sit re-
signandum alteri, vel collatori, vel ejus
fructus aut aliqua pars.

7. Committitur Simonia offerendo
quamcumque rem per modum pretij pro
re sacra. Vnde dicitur, committi simo-
niam per munus à manu, per munus à
lingua, per munus ab obsequio.

8. Tunc munus à lingua, v. g. pre-
ces, adulaciones &c. habet modum pre-
tij, si ex pacto & obligatione accipiatur,
ut cum communī docet Bonac: vel si in-
tendatur à conferente principaliter emog-

lu₂

lumentum temporale, ut S. Th: explicat M. Sotus. Quod sit si Episcopus acceptet preces intuitu emolumenti temporalis.

9. Non sufficit ad Simoniam perfectam & realem traditio pecuniae pro beneficio, sed debet esse traditio beneficij. Valet tamen traditio beneficij sine actuali traditione pecuniae ad perfectam simoniam. Sotus & alij apud Fernandez.

De Usura.

10. Usura est lucrum ex mutuo proveniens & dantur alicui viginti floreni, cum pacto ut reddantur viginti quinque, illi quinque sunt lucrum usurarium.

11. Non nego ex accommodato posse oriri usuram, sed definitio datur per mutuum, ut quid communius.

12. Distinguitur autem mutuum ab accommodato, quod mutuum transeat in dominium mutuatarij, & sic ei, ut potest domino perit. Accommodatum vero non transit in dominium accommodantis, ut patet in yeste accommodata.

13. Si aliquid supra rem mutuam
præstatur, ad amicitiam conciliandam,
non est usura. Quia præstum debet
esse pretio æstimabile, qualis non est a-
micitia.

De Restitutione.

14. Restitutio est actus justitiae, justi-
cia est perpetua & constans voluntas ius su-
um unicuique tribuens. S. Th: 2. 2 q. 58 a. 1.

15. Dividitur in legalem, distributi-
vam & commutativam. Legalis est, quā
damus bono communi quod suum est, & sibi
debitum. v. g. inimicus facit incursum
contra civitatem, omnes cives obligan-
tur ad defensionem ex justitia legali.

16. Justitia distributiva est, quā damus
unicuique debitum secundum merita. v. g. duo
concurrent pro dignitate obtainenda, ex
justitia distributiva oritur obligatio con-
ferendi digniori.

17. Major autem dignitas, non tan-
dem sumitur à scientia, sed etiam ab a-
lijs, v. g. à probitate morum, &c.

18. Contumaciva est, quā damus uni-
cuique

cuiq; suum non secundum merita sed secundum
a qualitate rei ad rem, ut patet in empti-
one & venditione.

19. Obligatio restituendi ex tribus
captibus oritur. 1. ex re accepta. 2. ex
injusta acceptione seu actione. 3. ex
utroque. Obligatio ex re accepta. v. g.
habeo rem alienam ad tempus, quo clas-
pso teneor eam reddere. Obligatio re-
stituendi ex injusta acceptione tunc est
quando damnisico proximum nihil re-
tinendo. v. g. comburo domum. Ex
utroq; quando rem alienam detineo da-
minicando v. g. in furto.

20. Casus restituendi reducuntur ad
sequentes versus.

Quis. Cui. Quod. Quantum vel ubi
Quo tempore. Quovè.

Ordine, sive modo. Te rogo mente
notes

21. Fructus sunt triplices. Merè natu-
rales v.g. partus pecorum. Mixti, v.g.
fructus vinearum. Merè industriales.
v.g. lucrum ex pecunia farto ablata ludo
acquisitum. Licet pecunia sit restituend

G da,

146 VII. PRÆCEPTVM
da, non tamen tale lucrum.

22 Triplex etiam culpa ex qua ori-
tur obligatio restituendi. Lata. Levis.
Levissima.

23. Lata dicitur quam communiter
homines supinè negligentes committūt.
v. g. relinquitur liber accommodatus
in porta domus vel extra domum, est
culpa lata.

24 Levis est dum homo non facit di-
lignantiam, quam homines mediocriter
diligentes faciunt. v. g. relinquitur liber
in cubiculo, sed ostio aperto.

25 Levissima est dum homo non fa-
cit diligentiam quam faciunt homines
suis rebus benè invigilantes. v. g. re-
linquitur liber in cubiculo clauso, sed
non obserato.

DISTINCTIO VII.

Circa 8. Præceptum.

*Non loqueris contra proximum tu-
um falsum testimonium.*

I. Hoc

1. **H**oc præcepto prohibetur omne peccatum linguae v. g. falsum testimonium, mendacium, detractio, contumelia, convitium, murmuratio, susurratio, derisio, maledictio &c. Prohibetur etiam cooperatio ad hæc. Huc pertinet judicium temerarium, suspicio, &c. Item prohibentur peccata in judicio commissa.

2. Falsum testimonium est assertio falsi in præiudicium tertij iæcludit mendacium, quod est assertio falsi ad decipiendum proximum. Licet dicatur verum si putatur falsum, adhuc est mendacium.

3. Mendacium aliud jocosum, aliud officiosum, aliud perniciosum. Jocosum est ob delectationem. Officiosum ob utilitatem. Pernicosum in nocumentum proximi.

4. Dùm quis in judicio testificatur falsum. 1. peccat peccato mendacijs. 2. peccato sacrilegijs. si adhibet juramentum. 3. peccato injusticiæ.

5. Detractio est denigratio famæ alterius

148 VIII. PRÆCEPTVM

per verba in eius absentia. Differt à contumelia, quia contumeliosus per verba manifesta in faciem, removet honorem, Detractio ergo famam, contumelia removet honorem. Samuel de Lub: v. Detractio. v. dela Cruz exponendo. 8. Decalogi præceptum q. 2. a. 2. dub. 1.

6. Scias quòd fama sit multorum de aliqua re, voce prolate opinio Honor est exhibitio reverentie in testimonium alicuius excellentie. Gab: à S. Vinc: v. Fama & v. Honor.

7. Contumelia est inhonoratio alicuius per verba, aut signa denotantia malum culpe. v. g. si alicui dicatur fur, mendax &c. Differt à convicio quia per convicium representantur mala sive pœnæ culpe. v. g. dico, es cœcus, est convicium. Dico, es fur, est convicium, sed non tantum secundūm S. Th: 2. 2 q. 72 a. 1.

8. Quando dicitur defectus minorationis seu indigentia est improperium. v. g. si dicatur, ego te de fame eripui.

9. Murmuratio est querela cum impatientia, in hū, que homo patienter ferre deberet.

10. Susurratio est, quā quū obloquendo
amicitiam inter aliquos tollit.

11. Deriso, quā quū alterius malum vel
defectum in luduī vel risū ponit ut erubat.
Potest fieri verbo, cachinno, na-
lo &c.

12. Detractio multipliciter sit. 1. im-
ponendo falsum. 2. augendo peccatum.
3. revelando occultum. 4. dicendo,
bonum mala intentione factum. 5. ne-
gando bonum alterius. 6. malitiosè re-
ticendo. 7. minuendo. 8. frigidè lau-
dando. Armilla ex S. Th: exprimuntur
his:

Imponens, augens, manifestans; in-
mala vertens.

Qui negat aut minuit, tacuit, laudatq;
remissee;

13. Fama sic restituenda! Qui verū
crimen, occultum tamen, revelavit, di-
cat secundūm D. Th: 2.2. q.62 a. 2. ad 2.
se malè dixisse, injustè diffamasse. Vel
laudet in illa materia, in qua infamavit,
ut docet Mose: cum Lessio, v.g. dicen-
do, hic homo tali virtute apud homines

150 VIII. PRÆCEPTVM

clarerat. Nec mentitur, nam verè claret, cùm oppositum publicè non constet.

14. Dixi, qui verum crimen &c. Nam qui falsum crimen imponit, tenetur dicere se fuisse mentitum, quod si opus, tenetur jurare. Si non sufficit adducere testes sui mendacij. Dela Cruz expōnendo octavum præceptum, cum Bannez & Sotō.

15. Honor restituendus. amicâ salutatione, ostensione majoris benevolentia, peculiari favore & honore. Qui modus sufficit superioribus erga inferiores. sc. Prælatis, Dominis, Parentibus, Magistris, Viro nobili erga plebejum.

16. 2. Adhibēdo ad mensam, dando locum honorificum. Hoc sàpè sufficit inter homines paris conditionis.

17. Petendo veniam. Qui modus servandus ab inferiortibus erga superiores, & sàpè ab æqualibus si justè exigitur, nec plùs ante sententiam judicis est exhibendum, etiam pro summis injurijs, Hunc modum moribus gentium recepcum, ait Lessius. Scias, magis humilem
veniae

venia petitionem pro majori injuria exhibendam.

18. Maledictio est quā quis imprecatur alicui cum desiderio aliquod malum. v; g; mortem, infamiam, &c.

19. Maledicere creaturas irrationales simpliciter absque alia ratione est verbum otiosum. Maledicere relatas ad Deum vel ad bona hominis, est p. mortale. Maledicere creaturas irrationales prout referuntur ad aliquod malum, prout Job maledixit diei suæ, non est peccatum. Alias bonus Job peccasset, quod non est dicendum.

20. Maledictio non animo nocendi, vel ex subreptione est p. veniale ob imperfectionem actus. Nisi illo parvo tempore, & in illa subita ira esset perfectus consensus, quia tunc esset mortale licet transacta ira nollet tale malum.
Armilla ex Caie in Summa.

21. Habentibus consuetudinem maledicendi injungenda aliqua devotio. v.g. unum Ave Maria, vel formatio Crucis, vel nominatio Nomini JESUS MARIA

152 VIII. PRÆCEPTVM

saltem semel singulis diebus, ut sic gratiam præservativam à tali consuetudine impetrant:

22. Judicium temerarium est, dum quū sine sufficienti fundamento, indicat malum de proximo.

23. Suspicio est dum quū assentitur ani parti cum incertitudine & cum formidine alterius partis. Differt ab opinione, quia opinio in utramque partem ferri potest, suspicio verò fertur in deteriorem partem.

24. Tria ad temerarium judicium concurrunt: Deliberatè, sine sufficientibus indicijs, & sine formidine asserere, v.g. videtur juvenis in domo mulieris, vel loquens cum illa; & propter hoc tantum, judicatur peccasse, vel intendere peccare.

DISTINCTIO VIII.

Circa 9. & 10. Præceptum.

Non concupisces uxorem proximi tui.

Non

*Non desiderabis domum proximi tui,
non servum non ancillam, non bo-
vem, non asinum, non omnia
quaे illius sunt.*

2. Circa hæc duo præcepta non mul-
ta occurunt. Nam ea quaे sexto
& septimo quo ad actum externum, no-
no & decimo; quoad desiderium prohi-
bentur. Et sic ex notitia illorum, facilis
notitia circa hæc potest haberi. Pro ma-
jori tamen notitia de cogitatione moro-
sa, aliquid.

2. Itaq; cogitatio morosa tunc est,
quando quis non intendit actu perpetra-
re peccatum v.g. carnis vel quodcumque
aliud, sed contentatur illâ delectatione,
quaे oritur ex imaginatione objecti illi-
citi. Dicitur morosa, quod in ea mora,
permittendo eam trahatur.

3. Consensus in cogitationem moro-
sam est duplex, expressus & tacitus. Ex-
pressus est, quando voluntas positivè ac-
ceperat delectationem. Implicitus est,
quando voluntas non consentit nec dis-

154 IX. & X. PRÆCEPTVM

sensit expressè, sed permittit durare cogitationem & delectationem. Qui plura desiderat circa Decalogum videat primum Sententiarum Moralium.

APPENDIX

DE PRÆCEPTIS ECCLESIAE.

1. **P**rincipalia & antiquissima præcepta Ecclesiæ sunt quinque, ait Moses: 2. p. Tyrocinij artis pœnitentiariæ c. 3. §. 3. sc: confiteri semel in anno, communicare in Paschate, Missam audire die festo, quò pertinet cessare à laborebus, solvere decimas & jejunare.

2. De confessione annua dicetur tractando de Sacramento Pœnitentiæ. De communione Paschali tractando de Sacramento Eucharistie. De die festo jam actum d. 3. hujus Opusculi. De decimis aliquid dicendum ut convenit scire Ordinandis relinquendo alia Casuistis.

3. Decima ergo est fructuum iure questiōrum pars decima, qua minister Ecclesiæ quot annis solvitur.

DE PREC: ECCL: 155

4. Multis de causis est instituta. 1. ut profiteamur Deum rerum omnium habere dominium supremum. 2. ut Ministri Ecclesie commodè alantur. 3. ut peregrini, advene & egentes subsidiūm habeant. 4. ut Parochi multa onera, inter quæ reparatio fabricæ sustineant.

5. De jejunio egi Opusculo 2. d. 8.
§. 1. Aliquæ tamen consuetudines circa jejunium Poloniæ sciendæ.

1. Licet dies Veneris, alias feria sexta, extra Quadragesimam & Vigilias SS. non sit de jure communi jejenum, in Polonia tamen est de consuetudine obligante loquendo etiam de jejuno rigorosè accepto, consistente in una comeditio ne & vespertina collatiuncula. Accedit hanc die non conceditur usus lacticiniorum tempore Paschali.

2. Quandocunq; in Regno Poloniæ conceditur usus lacticiniorum, conceditur & cœna, attendendo consuetudinem. Hinc quia in Vigilia Pentecostes, diebus quatuor temporum ante festum

SS. Trinitatis, in eodem regno conceditur usus laetitiorum, conoeditur & cœna.

3. Jejunia consuetudinaria in Vigilijs
B. V. MARIE (jejunium autem in Vigilia Assumptionis est de jure communi) non sunt sub p. mortali observanda.



OPUSCULUM QUINTUM. De Sacramentis.

DISTINCTIO I.

DE SACRAMENTIS IN GENERE.

LY Sacramentum variè sumitur.
1. Pro juramento. 2. Pro amicorum & principium secreto. 3. Pro mysterio. est autem mysterium res divina occulta naturalem cognitionem excdens. 4. Sumitur propriè pro signo rei Sacrae.

Quiddi-

Quidditas Sacramenti.

2. Sacramentum est signum rei sacrae
sanctificantis nos. S: Th: 3. p. q. 60. a. 2.

3. Per signum, intellige signum ad placitum se: divinum, hoc est ex institutio-
ne Christi D. Sacrum, Secretum, Practi-
cum. quia gratiae conferenda, perma-
nens, sensibile:

4. Per rem sacram intellige gratiam
sanctificantem, qua: tatione Crux, ima-
gines, ceremoniae sacræ, figuræ veteris
Testamenti, non sunt Sacraenta. quia
non sunt instituta ad significandam gra-
tiam ut conferendam, seu quod idem,
quia non sunt instituta ad justificatio-
nem hominis.

5. Sacramentum est signum trium re-
m. Passionis Christi D. rememorati-
vum, gratiae demonstrativum, vitæ æter-
næ prognosticon, id est, prænūciativum.
S: Th: 1. c. a. 3. sed principaliter signifi-
cat gratiam. S: Th: a. 3.

6 Tria in Sacramento reperiuntur.
Sacramentum tantum, res tantum, res & Sa-
cra.

158 DE SACR: IN GENERE.

cramentum simul, v.g. in Baptismo Sacra-
mentum tantum est exterior ablutio. Res
tantum, est gratia in Baptismo collata.
Res & Sacramentum simul est character, S.
Th: 3 p. q. 63. a 3. ad 2. Est autem sacra-
mentum tantum, quod significat tantum. Res
tantum quod significatur tantum. Res &
Sacramentum simul, quod significat & si-
gnificatur.

7. Ad essentiam Sacramenti tria con-
currunt. Materia, id est, res aliqua sensi-
bilis. Forma, id est, verba, & intentio
Ministri: In Sacramento Matrimonij
sufficit aliquid loco verborum, v.g. nu-
tus, vel aliud signum expressum con-
fessum.

8. Engenius IV. in literis unionis, hoc
ponit discrimen inter Sacraenta novarum
& veteris Legis, quod Sacraenta veteris
Legis, tantum significaverint gratiam
Sacraenta vero novarum Legis etiam cau-
sent.

9. Quod sic intellige. Sacraenta
novarum Legis habent vim productivam
gratiarum, Sacraenta vero antiquarum Legis
non

non habuerunt vim tales: movebant
tamen & moraliter excitabant Deum ad
dandam, ritè suscipientibus gratiam,
quatenus erant signa Christi venturi.
Suntur hæc doctrina ex Manuali Tho-
mistarum P. Goneti de Sac: c. 1.

*Institutio & necessitas Sacra-
mentorum.*

10. Christus D. ut Deus authoritati-
vè & ut causa principalis, instituit Sa-
cramenta, ut homo verò per potestatem
excellentiae, & ut causa ministerialis.

11. Omnia Sacraamenta instituit Christus D. Trident: sess: 7. can: 1. Præci-
puè propter justificationem & salutem
æternam. Hic enim principalis finis &
necessitas institutionis Sacraementorum.

12. Præter principalem necessitatem,
quaè est justificatio & salus nostra, tri-
plex assignatur à S. Tb: 3. p. q. 61. a. 1.
necessitas instituendi Sacraamenta, sc: ut
homo erudiatur, humilietur & exercite-
tur. Sic enim loquitur. Per Sacra-
mentum institutionem homo conuenienter suæ na-
ture

100. DE SACR: IN GENERE.

sura eruditur per sensibilia. Humiliatur se corporalibus subiectum cognoscens, dum sibi per corporalia subvenitur. Preservatur etiam à noxiis actionibus per salubria exercitia Sacramentorum.

13. In statu Legis naturæ fuerant Sacra-
menta. Hæc autem Sacra-menta fue-
runt, externa protestatio fidei in Mes-
siam futurum, & Sacrificia, illa ordina-
batur ad delendum p. originale, & fiebat
per parentes vel per alium pro parvulis.
Sacrificia autem ordinabantur ad tollen-
dum p. actuale. Bonac: de Sacramentis,
q. 1. punct 3: propositione 2:

14. Sed sciendum hæc Sacrificia alia,
ratione fuisse Sacrificia, alia ratione Sa-
cra-menta. Cùm alia definitio Sacra-
menti, alia Sacrificij. S. Th: 3. p. q. 65:
a: 1. ad 7: numerat etiam decimas inter
Sacra-menta Legis naturæ. Sed determi-
natum numerum Sacra-mentorum Legis
naturæ assignare non possumus, ut patet
ex his quæ docet Philippus à S: Trin: in
3. p. de Sacram: disp: 3. dub: 2.

15. In Lege Moysæ seu scripta fue-
sunt

DE SACR. IN GENERE. 161

runt Sacra menta; Nam erat morbus per Sacra menta curandus; Erant autem: Circumcisio; Convivium Agni Paschalis; Purificationes ab externis immunditijs; Expiationes à peccatis; Consecratio Sacerdotum; Iesu Panum Propositionis; Oblatio victimarum; Ablutio manuum & pedum; Rasio pilorum, &c. S. Th: 1: 2: q: 102. a: 5. Nec tamen determinatum numerum assignare intendit;

16. Scias ex Philippo à S. Trin: l. c: dūbi: 3: Ex ceremonijs Legis scriptæ illæ tantum quæ significabant sanctificatiōnem humanam, erant Sacra menta, aliæ verò tantum Sacra mentalia, ut proportionē servatā dicimus in Lege gratiæ, in qua sunt tantum septem Sacra menta, licet sint plures ceremoniæ sacrae, quæ dicuntur Sacra mentalia, ut sumptio aquæ benedictæ &c:

17. Sacra menta legis Evangelicæ alia sunt necessaria simpliciter, alia secundum quid & ad melius esse. Baptismus, Pœnitentia & Ordo sunt necessaria simpliciter, alia quatuor ad melius esse, hoc est;

ut,

162 DE SACK: IN GENERE.

ut solet dici sunt Sacra menta voluntatis & non necessitatis.

18. Baptismus ergo est cui libet necessarius simpliciter. Poenitentia supposito p. mortali post Baptismum. Ordo, Ecclesiaz S. Th: 3. p. q. 65. a. 4. Matrimonium autem ut Sacramentum ideo non est simpliciter necessarium. Ecclesiaz, nam dato Matrimonio ut contractu civili tantum, adhuc Ecclesia conservaretur.

19. Post Christi Passionem & resurrectionem obligare cœperunt Sacra menta, tuncque legalia cessarunt. Si circumcidamini nihil vobis Christus proderit. ad Gal: 5.

Materia & Forma Sacra mentorum novæ Legis.

20. Duplex est Sacra mentorum materia remota & proxima. Remota est inter quam & formam aliquid mediat sc. materia proxima. Materia proxima est, inter quam & formam nihil mediat.

21. Materia remota in Baptismo est aqua.

aqua. In Confirmatione, Chrisma. In Eucharistia, Panis & Vinum, absentia, ait N. P. Salazar. In Pœnitentia, peccata. In Extrema unctione, Oleum benedictum. In Ordine res, quæ traditor Ordines suscipienti. In Matrimonio, personæ contrahentes.

22. Materia proxima in Baptismo est ablutio. In Confirmatione & Extrema Vnctione, unctio. In Eucharistia, Panis & Vinum, ut præsentia, ut insinuat N. P. Salazar. In Pœnitentia actus pœnitentis. In Ordine, traditio materiæ remotæ. In Matrimonio, corporum traditio.

23. Mutatio formæ alia substantialis alia accidentalis. Substantialis est dum mutatur sensus, v. g. dum loco baptizo, dico, nomino. Accidentalis, dum servatur idem sensus. v. g. loco baptizo, dico, abluo.

*De Ministro & Subjecto, ubi &
de Intentione.*

24. Minister Sacramentorum novæ Legis

864 DE SACR. IN GENERE.

Legis est Sacerdos, excipe Baptismum
in necessitate, & Matrimonium absolu-
te, quod ipsi contrahentes ministrant.

25. Subjectum Sacramentorum est so-
lus homo viator, non tamen omnes sunt
capaces omnium. Nam quidam sunt in-
capaces Matrimonij propter defectum
ætatis &c. alij Ordinum ut foeminae, alij
Extremæ unctionis, ut sunt usu ratio-
nis carentes &c.

26. Intentio triplex. Habitualis, ^{ad}
Actualis; virtualis. Habitualis est procli-
ritas ad faciendum aliquid ex frequenti usu
acquisita. Hæc est etiam in dormientibus.
Actualis est presentis animi applicatio circa o-
pus quod agitur, quæ hic & huic consistit
in eo, ut quis attendat ad verba, & sen-
sum verborum. Virtualis, quam S. Th:
3. p. q. 64. a. 8. ad 3. vocat habitualem,
qua quia ex virtute intentionis actualis non re-
traditæ perficit opus.

27. Minister intentio necessaria re-
quiritur ad valorem Sacmenti, saltim
virtualis; S. Th: loco cit: Sufficit autem
ut minister habeat intentionem genera-
lem

DE SACR: IN GENERE. 185

Nem faciendi, quod instituit Christus, vel
quod facit Ecclesia Catholica.

28. Requiritur etiam intentio in suscipiente Sacraenta, sed diversimodè.
Nam in adulto requiritur propria intentio.
In parvulis ratione carentibus, sufficit intentio Ecclesie.

'De primario Sacer: effectu, sc: gratia.

29. Sacraenta habent suam virtutem ex Passione Christi, quâ conferunt gratiam, non solum ex opere operantis, sed etiam ex opere operato, instrumentaliter tamen: cum solus Deus principiter causet gratiam.

30. Tunc gratia causatur ex opere operato, quando causatur ex virtute Sacraementi. Tunc verò ex opere operantis, quando ex dispositione sescipientis.

31. Hæc gratia quam causant Sacraenta, est duplex: communis & propria. Communis omnibus Sacraementis est gratia habitualis, seu justificans. Propria, alias Sacramentalis, sunt auxilia Divina, quæ conducunt ad consequendum uniuscujusque Sacraementi effectum.

106 *DE SACR: IN GENERE.*

32. *Gratia omnibus Sacramētis communis, alia est Prima, alia Secunda. Prima dicitur, quæ infunditur subjecto non habenti gratiam sanctificantem, consequenter existenti in peccato mortali, vel originali. Nam peccatum veniale compatitur gratiam. Secunda verò gratia est, quæ advenit subjecto in gratia existenti; & sic est ipsummet augmentum gratiæ sanctificantis.*

33. *In Baptismo ergo conferuntur auxilia Divina, quibus homo juvatur ad rectè suscipienda alia Sacra menta, & Christianè vivendum.*

34. *In Confirmatione dantur auxilia, quibus homo juvatur ad fidem coram Tyranno profitendam.*

35. *In Sacramento Eucharistia dantur auxilia ad actus charitatis & devotionis, quibus anima spiritualiter nutritur.*

36. *In pœnitentia dātur auxilia ad satisfaciendum Deo pro peccatis præteritis, & ad vitanda futura.*

37. *In Sacramento Extremæ unctio-*
nis

nis dantur auxilia, quibus reliquæ pœcatorum tolluntur, ut sunt proclivitas ad malum, languor & debilitas ad bonum: & quibus vineuntur tentationes.

38. In Sacramento Ordinis dantur auxilia pro bono usu officij suscepti.

39. In Sacramento Matrimonij dantur auxilia ad domandam libidinem, fidelitatem conjugalem servandam, curam prolis habendam, &c.

40. In rigore tamen Scholastico, Gratia Sacramentalis dicitur ipsam et gratia sanctificans, quatenus per tale Sacramentum datur; ordinaturque ad talis finem & quatenus ei debetur, conjungiturque ex Divina institutione tale auxilium. v. dicta in 2. Sent: Moral: d. 6 § adverte. An vero Sacraenta causent, etiam physicè gratiam, altioris est fori.

*De secundario Sacr: effectu,
sc: Charactere.*

41. Charakter ex Græco, Latinè idem sonat ac figura, nota, seu signum, quo quis

268 DE SACR: IN GENERE

quis ab alio distinguitur, & ad aliquid deputatur. Character Sacramentalis definitur à S. Th: 3 p. q 63. 2. 4.

Signaculum quoddam spirituale anima indebet impressum, ad suscipiendum vel aliud tradendum ea que sunt Divini cultus.

42 Est triplex Baptismi, per quem homo baptizatus ab infideli secesserit & ad suscipienda alia Sacra menta essetur capax. Confirmationis, quo confirmatus à non confirmato distinguitur & ad elicendos actus fidei roboratur. Ordinis, per quem ordinatus à laicis segregatur, & ad exercenda munera cuique Ordini propria adapteatur.

43 Prædicti tres characteres differunt inter se specie, cum ad diversos actus ordinantur. Ordinum vero characteres etiam specie, sed incompletâ inter se differant, sicut & ipsi Ordines specie incompletâ inter se diffent, ex quibus coalescit unum specie completâ Sacramentum Ordinis. Labat de Sac: Ord: disp: 1. 5. 3. consequenter omnes Ordines imprimunt Characterem & non tantum impressum percipiunt. 44

44. Character subjectatur immediatè in intellectu. S Th: 3. p. q. 63. art: 4o. Nam cùm character per se primò ad actus Divini cultus, quibus fit protestatio fidei, ordinetur, debet habere pro subiecto immediato illam potentiam in qua immediatè subjectatur fides. Sed fides immediatè subjectatur in intellectu. Ergo & Character.

45. De Characteris effectu nihil occurrit: quia habetur ex definitione superius data.

Numerus Sacramentorum.

46. Septem sunt novæ legis Sacra-
menta, his versibus contenta.

Ordinat & jungit, baptizat, chrismat,
& ungit.

Peccatum plangit, & in altari sacra-
tangit.

47. Multæ solent assignari causæ,
quod sint separam, nec plura, nec pau-
ciora Sacramenta. Ima. ex similitudine
vitæ spiritualis ad corporalem. Nam
sicut in vita corporali homo, primò na-

170 DE SACR: IN GENERE.

scitur, secundo augetur, & roboratur,
tertio cibo nutritur, quartò, ab infirmitate
curatur, quintò, contra infirmitatis
reliquias per exercitium & similia juva-
tur, sexto, propagatur, septimò in di-
gnitate instituitur.

Sic in vita spirituali homo per Ba-
ptismum spiritualiter renascitur, per Cō-
firmationem in fide roboratur, per Eu-
charistiam nutritur, per Pœnitentiam à
peccati morbo curatur, per Extremam
unctionem contra peccatorum reliquias,
mortisque prælium juvatur, per Matri-
monium Christianè propagatur, per Or-
dinem in dignitate Ecclesiastica consti-
tuitur. S. Th: 3. p. q. 65. a. 1. Aliam
causam recitat idem S. D. loco cit: alias
alij Doctores.

48. Ex his Baptismus & Pœnitentia,
sunt Sacra menta mortuorum, quia sup-
ponunt hominem per peccatum origi-
nale & mortale mortuum, & conferunt
prima gratiam. Reliqua sunt vivo-
rum, quia supponunt per gratiam vivum
& conferunt secundam gratiam, seu au-
gmentum Gratia.

DE SACR: IN GENERE. 173

49. Item ex his Baptismus, Confirmatio & Ordo imprimunt Characterem & non possunt iterari. Reliqua quatuor non imprimant & iterantur.

Ritus Sacramentorum.

50. Ritus Sacramentorum est duplex: essentialis, in materia, forma, & intentione consistens, estq; de necessitate Sacramenti; & accidentalis consistens in ceremonijs Sacramentalibus, videlicet in actionibus Religiosis, quibus decenter Sacra menta ministrantur, estque de necessitate precepti, nisi pravitas materia excusat; talis Ritus est immersio, vel infusio, vel aspersio in baptismo.

DISTINCTIO II.

DE SACRAMENTALIBVS.

1. **S**acramentalia sunt *actiones*, vel etiam *res sacre ad colendum Deum auctoritate publica institute*, que vel adhibentur in usu Sacramentorum, ut exorcismus, vel ordinarij ad Sacra menta, ordinantur autem

H 2

vel

172 DE SACRAMENTALIBVS.

vel præcedendo, ut benedictio fontis baptismalis, &c. vel imitando Sacra-
menta, imitantur autem, producendo
aliquam sanctitatem, ut aqua benedi-
cta causat remissionem p. venialis, vel
causando quasi sanctitatem, ut herba
benedictæ causant expulsionem malefi-
ciorum.

a. Sacramentalia communiter nume-
rantur sex, his versibus contenta:

Orans, tintus, edens, confessio, dans,
benedicens.

Per ly orans, intelligitur oratio. Domini-
ca, quæ inter omnes preces primatus
tenet, unde in celebratione Missæ ad-
hibetur.

Per ly tintus, intelligitur aspersio aquæ
benedictæ.

Per ly edens intelligitur manducatio pa-
nis benedicti, qui distribuebatur die
bus Dominicis

Per ly confessio. intelligitur confessio pec-
tatorum extra Sacramentum Pœnitenti-
tia facta & est signum illius, ad quam
reducitur censio pectoris.

Per

DE SACRAMENTO:

173

Per *lydans*, intelligitur elemosyna, vel
alia opera misericordiae corporalia,
vel spiritualia: hæc enim reducuntur
ad pœnitentiam.

Per *lybenedicens*, designatur benedictio
data ab Episcopo, vel alio jurisdictione
habente.

3. Huc revocantur multæ actiones sa-
craæ, ut Exorcismi, insufflationes, hene-
dictio fontis baptismalis, & vestium Sa-
cerdotalium, prima tonsura, consecratio
Chrismatis, olei infirmorum, templo-
rum, calicum, &c. admixtio aquæ vino
consecrando.

4. Sacramentalia causant beneficia
corporalia, v.g. sanitatem &c. item re-
missionem peccati venialis & pœnae ipsi
debitæ sicut & expulsionem dæmonum,
& fugam eorum. Quomodo autem? vi-
de dicta in 2. Sent. Mor: dist: 10. ubi &
alia reperies.

H 3

DISTIN-



De Sacramentis in Specie.

DISTINCTIO III. DE BAPTISMO.

Definitio, Divisio, necessitas Baptismi.

Baptismus ex Graeco, Latine ablu-
tionem significat. Triplex assigna-
tur: Fluminis, Flaminis & Sanguinis.

Baptismum Fluminis definit S. Th. 3.
p. q. 66. a. 1. ex Magistro Sententiarum;
in 4. dist. 3. Est ablutione corporū exterior
facta sub prescripta verborum forma.

Subintellige à Christo Domino, instituta
ad generationem spiritualem.

Flaminis, consistit in actu contrito-
nis vel charitatis cum desiderio saltim
implicito suscipiendo baptismum flumi-
nis.

Sanguinis, est Martyrium. Martyri-
um autem est passio seu lethalis crucia-
tus pro Christi fide, aut pro vera virtute
susceptus.

Solus Baptismus fluminis est Sacra-
mentum, alij vero dicuntur Baptismi, in
quan-

quantū vices Baptismi fluminis sufficit.

2. Baptismus institutus fuit ante Christi Domini Passionem quando Matth: 13. Christus Dominus fuit in Jordane a Ioanne Baptista baptizatus. Ita S. Ph: 3. p. q 66 art: 2. Est necessarius, necessitate medijs ad salutem æternam. *Nisi quis renatus fuerit ex aqua & spiritu.* Joann: 3.

3. Dupliciter autem potest aliquid esse necessarium simpliciter ad conseq̄ēn-
dam vitam æternam: nempe, necessitate præcepti & medijs. Illud est necessarium
necessitate præcepti tantum, ad vitam æ-
ternam, quod si culpabiliter & per negli-
gentiam omittitur, impedit consecratio-
nem vitæ æternæ. Si vero inculpabiliter
hoc est, vel per ignorantiam, vel per im-
potentiam, non impedit consecrationem
vitæ æternæ. Cæterum illud est necessa-
rium necessitate medijs, ad vitam æter-
nam, quod licet inculpabiliter omitta-
tur, impedit consecrationem vitæ æter-
nae, ut patet in parvulo non baptizato.

4. Obligatio suscipiendi Baptismum
non incoepit ante Christi mortem, cum

170 *DE BAPTISMO.*

lex vetus usque tunc duraverit, & oblit
gaverit. Obligavit ergo præceptum fu
scipiendi Baptismum post Christi mor
tem. Et sic quæ dixi int̄ 2. Sent: Mor: dist:
11. Conc: 3. in sententia aliorum dixi.

Materia & Forma Baptismi.

5. Materia remota Baptismi est aqua
naturalis, elementalis, pura & simplex.
Nisi quis renatus fuerit ex aqua &c. Joan: 3.
Ideò autem Baptismus potius in aqua,
quam in alio institutus, quia aqua, est
materia cōmuniōr, & ad usum facilior,
& aliās Baptismus est summæ necessitat
eis.

Imò non licet ministro seclusa neces
sitate, quamlibet aquam naturalēm pu
ram & veram adhibere, sed benedictam,
aliās peccatum mortale.

6. Materia proxima Baptismi est ex
terior ablutio: cum Baptismus in usū
materiæ consistat. secundū illud Matt:
29. *Baptizantes eos, id est abluentes.*

7. Baptismus tribus modis potest con
fici, scilicet: immersione, infusione, &
asper-

DE BAPTISMO.

177

asperzione: sed servandus est sub peccato mortali in Baptismo solenni propriæ Ecclesiæ ritus, nisi rationabilis causa excusat.

8. Forma Baptismi est ista: *Ego te baptizo in Nomine Patris, & Filii, & Spiritus Sancti, Amen.* Matt: ult: *Euntes docete omnes gentes baptizantes. In Nomine Patris, &c.*

9. Persona baptizati debet exprimi, dicendo, *baptizo te:* Persona verò baptizantis non necessario debet exprimi, quia *ly ego*, includitur in *ly baptizo*. Item Græci validè baptizant, nec tamen personam baptizantis exprimunt, baptizant enim sic: *Baptizetur servus Christi N.* *In Nomine Patris, &c.*

10. Divinæ Essentiæ unitas & Personarū Trinitas necessariò sunt exprimenda. Et sic in forma Baptismi dicitur, *In Nomine*, quod Essentiæ unitatem importat. Dicitur, *Patris, & Filii, & Spiritus Sancti*, quod Personarum Trinitatem denotat. Hinc dicens. *Ego te baptizo, in Nominibus Patris &c.* non baptizat. Sci-

Hs

88,

178 DE BAPTISMO.

as, ly Nomen, imporrat fidem, virtutem, authoritatem. Innocentius cap: 1. de Baptismo.

Minister & Subjectum Baptismi.

11. Duplex est Minister, scilicet solennitatis, & necessitatis. Minister solennitatis in Baptismo est Sacerdos. Qui sit proprius Parochus: potest committit Diacono, ut solenniter baptizet. Bonac: disp: 7. de censuris q: 3. puncto 7. ex Cajet: & Soto.

12. Minister necessitatis est omnis homo viator: quia cum Baptismus sit maxime necessitatis minister ejus debet esse communis. Et sic in casu necessitatis etiam Iudeus validè baptizat, si cetera concurrant. Paret ex Florentino, in decreto Eugenij.

13. Si duo concurrunt ad Baptismum quorum unus aquam fundit, alter verò formam proficit, non valet baptismus: nam forma non verificatur.

14. Loquendo de subjecto Baptismi: omnis homo viator, est subjectum Baptismi, Baptizate omnes gentes. Matth: 28.

Ec.

Et sic genitus ex bruto, & fœmina homine, non est subiectum Baptismi, quia non censetur verus homo.

De Effectibus Baptismi.

15. Multi sunt effectus Baptismi, ex quibus sex numerari solent. 1mus & præcipius, est remissio peccati originalis, & omniam actualium Baptismum precedentium. 2dus, est totius poenæ peccato debitæ plena remissio, absq; ulteriori satisfactione. 3tius, est infusio gratiæ sanctificantis & virtutum ac donorum eam concomitantium. 4tus, sunt auxilia finit Baptismi proportionata, scilicet, ad Christianè vivendum. 5tus, est unio moralis cum Christo ut capite ad participanda Christi merita. 6tus, effectus, est Character.

Præter hos effectus, qui sunt ex institutione Christi, est alias ex determinate Ecclesiæ scilicet, ablatio irregularitatis, de qua in 2. Sent: Moral: d. 19. Concl: 3. & 6. & cognitio spiritualis.

De ritu Baptismi.

16. Inter alios, tres præcipue sunt ritus baptismi: Catechismus, Exorcismus & Patrinus. Catechismus ex Graeco significat credendorum instructionem: hinc Catechumeni dicuntur, qui ante susceptionem Baptismi, de fide instruuntur. Exorcismus ex Graeco significat adjurationem per res sacras, quâ dæmones ab hominibus pelluntur, ne noceant.

Patrinus est qui baptizandum offert & tenet, & pro eo fidem proficitur. Per quod ostendit se infantem in suam curam recipere, & sic obligatur de fide & alijs ad salutem æternam necessarijs baptizatum instruere.

DISTINCTIO IV.

DE CONFIRMATIONE.

Definitio, Institutio & Necessitas Sacramenti Confirmationis.

1. Confirmationis est unctio Chrismati ab Episcopo facta in fronte homini baptizato.

DE CONFIRMATIONE 181

zati, sub prescripta verborum forma, ad perfectam vita spiritualis atatem, & Christi Nomen audacter confitendum, ordinata. Sumitur ex S Th: 3. p. q 72.

2. Confirmatio est à Christo Domino instituta. & ut ait Fabianus Papa, ex traditione Apostolorum, constat esse in ultima Cœna institutam. Et patet ex usu Ecclesiaz consecrantis tunc ejus materiam. Ita infert. dela Cruz, de Confirmatione.

3. Et sic hoc Sacramentum non fuit institutum, quando Christos Dominus super pueros manus imponebat, cum pueri illi nondum erant baptizati. Nec quando Iohann: 20. in Apostolos insufflavit: quia tantum tradidit Spiritum S. ad remittenda peccata. Nec, dum ibidem dixit, sicut misit me vivens Pater, ita & ego mitto vos. nam tunc præbuit Apostolis potestatem hoc Sacramentum conferendi. Nec tandem ipso die Pentecostes: cum potius conculerit hujus sacramenti effectum.

4. Sacramentum Confirmationis non est

182 DE CONFIRMATIONE

est simpliciter necessarium ad salutem,
sed ad bene esse, ut potè perfectionem
salutis operans. Hinc spontè, & non ex
contemptu illud omittens, venialiter
tantum peccat. S. Th: loco cit: art: 8.
ad 4.

Materia & Forma Confirmationis.

5. Materia remota Confirmationis est
Chrisma, seu unguentum ex oleo oliva-
rum, & balsamo confectum, ab Episco-
po consecrato benedictum.

6. Materia proxima hujus Sacramen-
ti est unctione in fronte per modum crucis
facta. Duxi, in fronte: ut neque propter
erubescenciam, neque propter timorem
nomen Christi cōfiteri prætermittamus.
Duxi etiam, per modum Crucis, aliás forma
Confirmationis non verificaretur.

7. Significat autem oleum, consci-
entia nitorem, balsamum, bona fama o-
dorem.

8. Forma Confirmationis est hæc: Si-
gno te signo Crucis, & confirmo te Christinante
salutu. In nomine Patris, & Filii, & Spiriti
suis Sancti, Amen,

DE CONFIRMATIONE. 183

9. Adverte: Sacramentorum materias & formas Antistitum cura ad hæc tempora conservatas, & in Concil: Florentino sub Eugenio IV. orientali & occidentali Ecclesiæ ibi congregata amplius explicatas.

10. SS. Trinitatis expressio est de essentia hujus Sacramenti, cum hoc ordinetur ad profundam fidem. Sunt etiam essentialia illa verba, *Signo & Confirmo;* quia actio Sacramentalis est necessariò exprimenda. Et quidem utrumque verbum debet exprimi: cum unum alteri non equipolleat: aliud enim est signare, aliud confirmare.

11. Probabilius etiam est necessarium esse illam particulam, *Signo Crucis:* quia signare habet generalem significationem, & sic per prædictam particulam est determinandum.

12. Item necessarium est addere, *Chrismate salutis:* quia hæc non veniunt per verbum, *Confirmo.*

184 DE CONFIRMATIONE.

*Minister, Subjectum, & Effectus
Confirmationis.*

13. Solus Episcop^o est Minister Ordinarius Sacramenti Confirmationis. Summus tamen Pontifex ex plenitudine potestatis committere potest simplici Sacerdoti Confirmationis collationem. S. Th: 3 p. q. 72. art: 11. ad 1.

14. Ideo autem Episcopus maxillam seu genam confirmationi percutit, ut eum admoneat ad persecutiones pro fide sustinendas, & ut recordetur se esse confirmatum.

15. Confirmationis subjectum est homo baptizatus, sine mortali, & usum rationis habens, quod ultimum, non est de necessitate, sed de congruentia. Recipiens autem Ordines ante Confirmationem, non peccat mortaliter, nec sit irregularis, ut docet Soto in Summa Dia-
næ relatus, V. Ordinii subjectum: Nam non est tam stricta intentio Tridentini, sed solùm consulit Episcopis, ut non pro-
moveant carentes Confirmatione.

DE CONFIRMATIONE. 185

16. Confirmatio confert Gratiae sanctificantis augmentum, ac quædam Divina auxilia ad contendunt Christi fidem audacter. Secundò, contrahitur spiritualis cognatio, ut in Baptismo, non solum impediens, sed etiam dirimens matrimonium. Trid: sess: 24 c. 2. Tertiò, confertur character per quem baptizato traditur potestas agendi spectantia ad pugnam spiritualem contra fidei hostes: sicut per Baptismum confertur potestas agendi pertinentia ad propriam salutem:

DISTINCTIO V. DE SACRAMENTO EUCHARISTIAE.

*Definitio, Institutio, & Necessitas
Sacramenti Eucharistiae.*

1. **E**ucharistia, est sacramentum Corporis & Sanguinis Christi Domini, sub speciebus Panis & Vini, à Christo Domino institutum ad spiritualem hominū regenerationem.
2. Licet duo sint elementa, Panus scilicet & Vini.

186 DE EUCHARISTIA.

Vinum, ex quibus integrām Eucharistie Sacra-
mentum conficitur, non tamē plura sed unum
tantum Eucharistie Sacramentum, Ecclesiæ au-
thoritate duci consitemur. Ex Catechismo
Romano p. 2. c. 4. Hanc autem unita-
tem S. Th: 3. p. q 73. art: 3. ex unitate
finis desumit, qui est, una refectio spi-
ritualis.

3. Totus Christus est sub utraq; spe-
cie, immo totus est in qualibet parte: cum
succedat in locum substantiæ panis &
vini, quæ erat in qualibet particula. Hoc
tamē sciendum est, sub speciebus Pa-
nis esse Christi Corpus, ex vi verborum
consecrationis, Sanguis vero, anima,
Divinitas, per concomitantiam. Sub spe-
ciebus vini, ex vi verborum sanguis, cor-
pus vero & alia per concomitantiam.

4. Christus D. hoc Sacramentum in-
stituit in ultima cœna, primâ die Azi-
morum nocte quæ tradebatur. Quo tem-
pore panis fermentatus in omnibus fini-
bus Isræl non reperiebatur. Instituit in-
quam, dum dixit Apostolis: Accipite &
manducate, hoc est Corpus meum.

Illis

DE EUCHARISTIA. 187

Illis autem verbis Ioann 6. Panū quem
ēgo dabo, caro mea est pro mundi vita, fuiē
promissum hoc Sacramentum. Illis, Nisi
manducaveritis Carnem Filii hominū, &c.
præceptum est latum, & non institutum.

5. Propter hos fines Sacramentum
Eucharistie institutum. Primo, ut in
medio populi Christiani Christus sit rea-
liter, licet latenter, præsens. Secundo,
ut fideles habeant refectionem spiritua-
lem. Tertio, ut detur Sacrificium in Ec-
clesia. Quartο, ut detur signum infiniti
Amoris, quo Christus dilexit nos. Quin-
to, ut sit memoriale passionis. Tandem,
ut detur pignus æternæ hæreditatis.

6. Sacramentum Eucharistie, in re &
defacto suscepimus, non est necessarium
necessitatis medijs ad salutem æternam
aliás sine eo mortuus non salvaretur,
quod est falsum. Est tamen necessarium
necessitate præcepti. Nisi manducaveritis
carnem Filii hominū, & bibiū eius sanguī-
num, non habebitis vitam in nobis. Ioan: 6.

Mate-

Materia & Forma Consecrationis:

7. Materia Consecrationis Corporis Christi, est panis triticeus, ex communi sensu Ecclesiæ. Panis tamen ex siligine potest validè confici: cum ex grana tritici in malis terris seminato nascatur. S. Th: 3. p. q 73. a. 3.

8. Græcus in Græcorum Ecclesia in azymo coelecrans, & Latinus in Latinorum Ecclesia in fermentato consecrans, licet validè consecret, peccat tamen mortaliter, utpotè propriæ Ecclesiæ ritum in gravi materia pervertens. Et hoc licet fias ob magnam necessitatem v. g. ad communicandum infirmum, ut docet communis, apud de la Cruz q. 1. de Euchar.

9. Ex his duobus ritibus rationabilior est Latinorum, ut probat S. Th: q. 74. art: 4. Quia hoc Sacramentum institutum fuit primâ die azymorum. Matth: 26, quâ die nihil fermentatum in domibus Iudeorum esse debebat, ut habetur. Engd: 11.

DE EUCHARISTIA. 189

10. Materia Consecrationis Sanguinis Christi, est omne vinum, modo sic verè vinum. Est autem miscēdum aquâ, & hoc ob sanguinis & aquæ è latere Christi fluentium repræsentationem. Item ad significandam populi cum Christo unionem. Aqua enim populos, Apoc: 20. Vinum autem Christum: Ego sum vitæ vera. Joan: 15. significat. Tandem quia Christus Dominus dilutum calicem consecravit, ut probat S. The 3. p. q. 74. art: 6.

11. Forma Consecrationis Corporis Christi, est, Hoc est Corpus meum. Forma Consecrationis Sanguinis Christi. Hic est Calix Sanguinis mei, novi & aeterni testamenti, mysterium Fidei, qui pro vobis & pro multis effundetur in remissionem peccatorum. Omittendo, ly enim, secundum multos non est p. mortale.

**De Ministro Consecrationis & Eu-
charistie.**

12. Solus Sacerdos est Minister Consecrationis, ut patet ex 1. ad Cor: 11,
ibi

199 *De EUCHARISTIA.*

ibi. *Hoc facite in meam commemorationem.*
Nam hoc ad solos sacerdotes refertur.
Licet autem sit hereticus, validè, sed
sacrilegè consecrat.

13. Si Sacerdos habeat in manib^z du-
as hostias, putans esse unam, nihil deter-
minando, utraque manet consecrata, se-
cundum communem DD. in Summa Di-
anæ, verbo, Eucharistia. Isem, loquen-
do de minoribus hostijs, si Sacerdos cre-
dit esse quadraginta, & sunt 50. omnes
sunt consecratæ. Samuel de Lublino,
verbo, Eucharistia. De la Cruz q. 1. de
Euch. Si absolute intendat, nec de nu-
mero tantoperè cureret.

14. Diaconus potest ministrare seu
distribuere Corpus Christi D. in necessi-
tate, jubente Episcopo, vel Presbytero,
S. Th: 3. p. q. 82. a. 3.

De Subjecto Eucharistie.

15. Subjectum Eucharistie est omnis
homo baptizatus, rationis compos., &
benè dispositus. Plures autem sunt di-
spositiones, his versibus contentæ:

DE EUCHARISTIA. 191

Lotus, discretus, sanus, jejonus, & aptus, Contritus, fassus, mundus, recteque paratus.

Lotus, id est, baptizatus, discretus, id est rationis usum habens. Sanus, id est, stomacho bene valens, ne evomat. Jejonus, jejunio naturali. Aptus, id est, censoris non irretitus. Contritus, id est, de peccatis dolens. Fassus, id est, voca iter confessus. Mundus, id est, non pollutus. Paratus, intellige, devotione, per actus v. g. fidei, spei, charitatis &c.

16. Conscius ergo peccati mortalis, obligatur ad præmittendam confessio-nem. Trid: sessi: 12. c. 7. Imò oppositum docentes excommunicat. Can: 11. Et sic antiqui Theologi docentes sufficere con-tritionem etiam data copia Confessarij, post Concilium Trident: non sunt audi-endi.

17. Sacerdos regularis non potest cum sola contritione celebrare, quando non habet copiam Confessarij suarum religi-onis, habet tamen copiam alterius, sed non vult illi confiteri, ad vitandam suarum
celi.

192 *DE EUCHARISTIA.*

religionis infamiam, quam ille cōcipiet.
Gab: à S. Vinc: & alij. Quia ex confes-
sione nulla aut parva sequitur infamia
religioni.

18. Non potest etiam quis in mortali
existens, cum sola contritione commu-
nicare, si non habeat proprium Confessa-
rium, cui possit devotius & utilius con-
fiteri. Idem qui supra & alij. Nam rever-
entia huic Sacramento, debita & Divi-
ni præcepti obligatio prævalet propria
devotioni & utilitati.

Obligatio sumendi Eucharistiam.

19. Trident: sess: 13. c ult: triplicem
modum communicandi assignat. Spir-
itualiter tantum. Sacramentaliter tan-
tum. Spiritualiter & Sacramentaliter si-
mul. Manducare spiritualiter tantum,
est per fidem & charitatem Christo D.
uniri, cum desiderio in re sumendi hoc
Sacramentum. Manducare sacra-
mentaliter tantum, est Eucharistiam sine fru-
ctu sumere, qualiter sumūt in mortali e-
xistentes. Manducare utroque modo, est

non

DE EUCHARISTIA.

193

non solum Eucharistiam, sed & fructum percipere.

20. Sanctus Thomas 3. p. q. 80. art:
3. assignans duos modos, scilicet Sa-
cramentalem tantum & spiritualem,
non contrariatur Tridentino. Nam per
spiritualem intelligit illum, qui est
cum fructu, sive sit realis, sive in vo-
to tantum.

21. In mortis articulo tenemur sub
p. mortali ex præcepto Divino sumere
Eucharistiam. Præter mortis verò peri-
culum aliquoties in vita. Quia Euchari-
stia est instituta per modum cibi, qui in
vita non semel est necessarius, S. Th: lo-
co cit: 2. 11.

22. Præcepto Ecclesiaz tenemur se-
mel in anno communicare. Quod præ-
ceptum in propria Parochia, vel etiam
in Cathedrali Ecclesia, vel alibi de Paro-
chi licentia impletur.

23. Communicare ergo tenemur
dum ad annos discretionis pervenimus.
Trid: sess: 13. Cant: 9. Annus discre-
tionis in præsenti non tunc censetur quan-

I

do.

194 DE EUCHARISTIA.

do doli capaces sumus, & confiteri tenemur, sed tunc dum Sacramentum Eucharistie reverenter ac devotè suscipere possumus. Quod licet accidere soleat dum pervenimus ad annum decimum vel undecimum, atamen non tantum consideranda ætas, sed etiam industria, ingenium, consuetudo, & judicium prudentum. Mosc. 2. p. Tyrocinij artis pœnitentiariæ.

24. Magister Soto dicit, ante decimum annum potest puer communicari, si sit vivax. Vitanda tamen aliorum offendio, si valde parvulus quamvis sagacibus publicè conferatur.

25. Exploratores talium puerorum duo debent considerare: scientiam & affectum, an cognoscant, quid in hoc Sacramento continetur. Deinde an in affectu ante sumptionem vehemens desiderium habeant, in usu vero aliquam suavitatem spiritualem vel gaudium sentiant. Mosc: loco cit.

Effe-

Effectus.

26. Multi numerantur hujus Sacrae menti effectus. Proprius & principalis est, quod conferat Gratiam per modum nutritionis & augmenti in vita spirituali: quia per modum cibi & potus spiritualis hoc Sacramentum institutum.

Dicitur autem conferri gratia per modum nutritionis & augmenti, in quantum dantur quædam auxilia Divina, me dijs quibus prorumpimus in actus devotionis & charitatis, quibus anima spiritualiter nutritur & augetur. De alijs effectibus v. dicta in 2. Mor. d. 44.

D I S T I N C T I O VI.*DE SACRIFICIO MISSÆ.*

1. **S**acrificium consistit in hoc, quod Deo aliquid solenniter, & cum debitis ceremonijs offeratur, faciendo aliquid circa rem oblatam ad honorem & cultum Dei. Sic potest definiri. Sacrificium est oblatio externa, rei alicuius perma-

196 DE SACRIFICIO.

nentis, Deo facta cum rei immutatione in prestationem dominij, in vitam & mortem sue creature. Explicatio si placet, videatur apud nostrum P. Labat. in 3. p. tract: 2. disp. 5. dub: 1.

2. Missa quæ est Sacrificium in specie & legis Gratiae sic definitur, Est Sacrificium Corporis & Sanguinis D.N. I.C. sub speciebus panis & vini consecratu. Congruè autem vocatur Missa, eò quod oblatio & preces ad Deum mittantur, sicq: illorum verborum; *Ite Missa est*, sensus est, abire licet, quia oblatio & hostia salutaris, jam transmissa est cum precibus ad Deum pro vobis. Hugo de S. Viët: l. 2. de Sacr.

3. Scias ex Philippo à SS. Trin: disp: 8. de Euch: dub: 11. in Eucharistia alia ratio Sacrificij, alia Sacramenti. Nam ut Sacrificium, respicit Deum directè tanquam terminum ad Quem: ipsi enim offerunt ad gloriam & honorem propter bonum nostrum, ut Sacramentum, respicit filios Ecclesiae, quibus datur ut alimentum spirituale animæ,

Vt

DE SACRIFICIO.

197

Vt Sacrificium, est quid transiens, compleetur enim in consecratione. ut Sacramentum, est quid permanens. Nam licet per Consecrationem conficiatur, hac tamen peracta permanet. In his ergo & alijs est discrimen.

4. Sacrificium Missæ à Christo D. institutum, ut patet ex Trid: sess: 22. c 2. ibi: Si quis dixerit illis verbis; Hoc facite in meam commemorationem, Christum non instituisse Apostolos Sacerdotes, aut non ordinasse, ut ipsi alijqz Sacerdotes offerrent Corpus & Sanguinem suum: anathema sit.

5. Licet autem à solis Sacerdotibus Sacrificium offeratur, ministerio tamen corundem ab alijs fidelibus offertur. Et sic ait Sacerdos in Canone: pro quibus tibi offerimus, vel qui tibi offerunt hoc Sacrificium. Et sic fideles ministerio Sacerdotum implent præceptum naturale, quo tene-
mur Deo offerre Sacrificia.

6. Sciendum ergo soli Deo sacrificari, ut patet ex definitione sacrifici. Nam licet in honorem Sanctorum Deo sacri-
ficemus, ut patet ex præparatione ad Mil-

sam; non tamē illis sacrificamus: pō-
test enim actus soli Deo debitus pro ho-
nore Sanctorum fieri, ut patet in pōén-
tia.

7. Essentia Sacrificij Missæ salvatur
in Consecratione unius speciei, non ve-
rō integritas. Sicut & Essentia Euchari-
stiz, et si non integritas, salvatur in una
specie. Attendendo actionem sacrificia-
tivam non idem est numero sacrificium
Crucis, ultimæ Cenæ & Missæ, secus
attendendo rem oblatam & principalem
offerentem, qui est Christus. Dixi, in
consecratione, nam Essentia Sacrificij Mis-
sæ non consistit in oblatione, quæ sit
post Consecrationem, vel in sumptione,
sed solum in Consecratione, cum respe-
ctu tamen ad sumptionem ut necessari-
am ad integratatem Sacrificij. Horum
brevem probationem v. in 2. Sent: Mos:
dicit: 46.

8. Occasione hujus sc̄ias à S. Th: 3.
p. q. 83. a. 4. sex numerari partes Missæ,
1. Præparatio. 2. Fidei instructio, quæ
incipit ab Epistola. 3. Oblatio. 4. Con-
seca-

secratio, quæ incipit à Præfatione: ad quam reducitur Oblatio post Consecrationem. Vnde & memores Domine, &c. Offerimus Majestati tue. 5. Perceptio Eucharistie, quæ incipit ab Oratione Domini-
nica. 6. Gratiarum actio, quæ incipit
à Postcommunione usq; ad finem:

9. Finis Sacrificij Missæ est quadru-
plex. 1. ut Deo summa laus & honor
detur. 2. ut gratiæ agantur pro benefi-
cijs acceptis. 3. ut detur satisfactio pro
peccatis commissis. 4. ut beneficia de
novo obtineantur.

Attendendo primum finem. Sacri-
ficium dicitur latreuticum. Attendendo
secundum, dicitur Eucharisticum 3ti-
um, propitiatorium, 4tum, impetrato-
rium.

10. Sacrificium Missæ non confert im-
mediate ex opere operato & infallibiliter
primam Gratiam: nec sic remittit pec-
cata mortalia, ut faciat ex attrito contri-
tum. Et oppositum judicatur erroneum:
Non etiam confert immediate ex opere
operato & infallibiliter augmentum Grā-

tiz. Vterq; enim modus causandi gratiam, tantum est Sacramentorum. Causat tamen Sacrificium Missæ gratiam, & augmentum gratiæ mediately ex opere operato, impetrando auxilium Divinum, & sic non causat ista semper. Eodem modo causat alia bona spiritualia & temporalia, hoc est impetrando.

11. Per Sacrificium Missæ remittitur culpa venialis ex opere operato, non solum mediately impetrando auxilium, per quod homo justus eliciat actum, qui si formalis, vel virtualis detestatio peccati venialis, sed etiam immediate & infallibiliter. Ita sapientissimus meus Professor, & Cathedratieus Viennensis, M. Reynerius in manuscriptis. Potest autem fieri hæc remissio per hoc, quod homo ponat aliquem actum, qui licet per se non sufficiat ad remissionem venialis, sufficit tamen ex superaddita vi Sacrificij, sicut v.g. attritio non sufficit ad remissionem mortalis, sufficit tamen adjuncta virtute Sacramenti Pœnitentiaz.

12. Sacrificium Missæ remittit poenas tem-

temporales, quæ remissâ culpâ, restant
solvendæ, vel in hac vita, vel in purga-
torio, idq; ex opere operato immēdiatè
& infallibiliter. Idem qui supra & com-
muniter. Adverte ex S. Th: q. 79. a. 5.
Virtute hujus Sacrificij non semper tol-
litur tota pœna, sed major vel minor, ju-
xta dispositionem offerentium, & eorum,
pro quibus offertur, quā devotione mo-
dificatur valor infinitus Sacrificij ad ef-
fectum finitum.

13. Valor accidentalis Missæ ortus ex
dignitate Ecclesiaz offerentis, orationi-
bus, invocatione Sanctorum devotione
Ministri, est finitus. Ortus ex re oblata
& principali offerente, scilicet Christo
est infinitus, habet tamen effectum fini-
tum, & sàpè nullum, unde multum pro-
dest replicatio Missæ pro inclinanda Di-
vina misericordia.

14. Tres solent numerari utilitates
seu fructus Sacrificij legis Gratiaz, qui
ex applicatione oriuntur. Primus: ex
Universali intentione Ecclesiaz Sacrifi-
cij Missæ applicatur toti populo Christi-

ano, & præcipue Papæ & Principibus Christianis, quo reducitur fructus, quem percipiunt Ministri & adstantes, qui sunt aliquomodo offerentes cum Sacerdote. Secundus, seu medius, ex intentione peculiari Sacerdotis applicatur cui ipse voluerit. Hic fructus secundum Gab: à S. Vinc: verbo, Missa, correspondet Christo D. principali offerenti & ex facultate ab eodem concessa est applicabilis alijs. Et defacto Sacerdos tenetur hunc fructum applicare illi, qui v.g. eleemosynam dedit. Gab: l. c.

Tertius, cedit ipsi Sacerdoti. Secundum nonnullos potest Sacerdos fructum sibi provenientem alteri applicare, non tamen potest pro eo eleemosynam accipere, ut determinavit Alexander VII. damnando propositionem svam. Ob eandem rationem Laicus suam Missæ partem potest alteri applicare, v.g. animabus purgatorijs.

i f. Vester Sacerdotales pro celebrando sunt: Amictus, Alba, Cingulum, Manipulus, Stola & Casula. Stola servit

poteſt pro manipulo & ē converſo. Vi-
lalobus & alij. Imò ſtola ſervire poſteſt
pro cingulo. Vefteſ ſacerdotaleſ debent
eſſe benedictæ ſub p. mortali.

Qui tamen extra neceſſitatem non ad-
hibet cingulum benedictum, non eſt da-
mnandus peccati mortalitatis ob parvita-
tem materiæ. Si cingulum fractum, po-
teſt necti, ſi altera pars non ſufficiat. Sa:
& Marchantius.

16. Melius eſt non celebrare (niſi ali-
as Festum ſit ſolemnissimum) quam cele-
brare ſine ministro. Licet tamen cele-
brare ſine ministro v. g. die Feſto, pro-
dando viatico, vel dum adest ſimilis ne-
ceſſitas, ſed nunquam licet mulieri, eti-
am deficiente viro, miniftrum agere, &
ſtante neceſſitate faciūs eſt carere mini-
ſtro, ut probat Bonac.

17. Si Miffa, diei ſit de feria, poſteſt
tunc dici alia votiva, aut de defunctis.
Pater ex uſe timoratorum. Imò ſi Feſ-
tum non ſit duplex, poſteſt ex cauſa re-
tionabili dici Miffa Votiva, aut de defun-
ctis. Quod procedit de Sacerdote in pa-
gina.

ticulari. Nam Conventualis Missa, debet esse Missa diei. Sic præcipitur cap: Cùm creatura, de celebratione Missarum.

18. Circa Communionem hæc advergenda. 1mō. Sumptu Hostiæ, non statim spuatur. Si oportet, tunc in loco honesto. 2dō. non statim comedatur, si fiat, non peccatur. Nam e. si manè de Consecrat. Dist: z. est abrogatum. 3tiō. Hostia leniter sumatur, anterioribus dentibus teratur, non totaliter conteratur, Per os non volvatur, sed lingua mollescat, ne aliqua pars dentibus adhæreat. Si plura petis, v. 2. Sent: Mor: de Sacrif.

DISTINCTIO VII.

DE SACRAMENTO POENITENTIAE,

*Definitio, Institutio, Necessitas hujus
Sacramenti.*

1. **P**OENITENTIA ut in præsentî. Est Sacramentum in actibus penitentium & absolu-

DE POENITENTIA. 205

solventis consistens, à Christo D. institutum per modum iudicij emendativi ad peccatorum remissionem. Vel etiam secundum Moscic: Sacramentum remissionis peccatorum post Baptismum commissorum.

Poenitentia verò ut virtus, est quā dolemus de peccato, prout est offensa Dei. Ex quo patet Poenitentiam dupliciter sumi.

2. Sacramentum Poenitentiae à Christo D. institutum, quando post Resurrectionem dixit: Accipite Spiritum S. quorum remiserit peccata, remittuntur eis, & quorum retinuerit, retenta sunt. Trid: less:

14 C. I.

Finis institutionis hujus Sacramenti, ut peccator, qui per peccatum à Deo recesserat, per gratiam in pristinam amicitiam redeat.

3. Supposito peccato mortali, Sacramentum Poenitentiae, est necessarium necessitate medijs ad salutem aeternam, saltem in voto, dum abest copia Confessarij;

Adverte. Quando per Sacramentum Poenitentiae in voto suscepimus justificamur, requiritur dolor perfectus, seu Contritio;

¶

200 DE POENITENTIA.

4. Non requiritur autem hoc votum, seu desiderium esse explicitum, sed sufficit implicitum, inclusum in generali proposito servandi omnia præcepta Dei. Fernandez p. 3. c. 6. §. 1. ex S. Th.

*Materia hujus Sacramenti in
communi.*

5. Materia remota hujus Sacramenti, sunt peccata commissa post Baptismum. Hæc: alia est necessaria, alia, voluntaria, seu sufficiens. Mortalia non confessa, sunt materia necessaria. Venialia: Materia voluntaria.

6. Peccatum actuale ante Baptismum commissum non est materia hujus Sacramenti. Nam tale peccatum est commissum extra Ecclesiam, & sic non debet iudicari ab Ecclesia.

7. Materia Proxima, seu partes materiales hujus Sacramenti sunt tres actus poenitentis, sc: cordis concretio, oris confessio, & operis satisfactio. Primi duo, sunt Essentiales, nec sine illis possunt confici hoc Sacramentum. Tertius, est pars integralis;

De

De Contritione, & Attritione.

8. *Contritio est dolor de peccatu assumptus propter Deam summè dilectum, cum proposito confitendi & satisfaciendi.*

9. *Attritio est, dolor de peccatis assumptis propter pœnas inferni, vel propter deformitatem peccati, cum proposito confitendi & satisfaciendi. Per illas particulias, propter pœnas inferni, &c. non designatur, quod finis attritionis, sunt pœnae inferni, &c. alias attritio esset actus virtiosus, posset enim ultimum finem in creatura. Sed designatur, pœnas inferni &c. esse motivum & excitativum attritionis: finis enim debet esse Deus. Et in hoc attritio convenit cum contritione, differt autem in motivo quod Attritio sit propter pœnas inferni &c. Contritio vero propter Deum summè dilectum.*

Sunt & alia motiva supernaturalia, ob quæ detestari possumus peccatum, sc. amissio gratiæ & gloriæ: sed hæc reducibilia ad præfata.

10. *Contritio vocatur dolor perfectus
Attri-*

208 *DE POENITENTIA.*

Attritio, imperfectus. Quia per illam sine Sacramento in re suscepto, justificatur homo. per hanc verò extra Sacramētum non justificatur homo. ideo Theologi dicunt, attritum recipiendo Sacramentum Pœnitentia, fieri contritum.

11. Tenemur coateri non solum in periculo & articulo mortis, sed etiam aliquando in vita, sc. quando diu in mortali persistimus, v. g. per annum. Nam Deus graviter punit eos, qui differunt Pœnitentiam. Vnde Iai 15. dicitur: *Omnes in cæde corruerū, propterea quod vosavi, & non respondistis.*

12. Item tenemur conteri in casu magni mali in Repub: Quia sicut tenemur pro tali malo avertendo D̄um orare, ita obligamur comparare media, ut exaudiatur: medium autem est esse in gratia.

13. Item tenemur conteri, quando exercendus actus exigens hominem in gratia, v. g. quando administranda Sacra-menta, vel quando suscipienda Sacra-menta vivorum. Sacramentum tamen

Eucha-

Eucharistia licet possit distribui præmissa contritione, non tamen suscipi, nisi præmissa Confessione. Trid. sess. 13. c. 7.

Puto tamen in præfatis casibus sufficere Contritionem virtualem inclusam in actu Amoris Dei super omnia.

Necessitas Confessionis.

14. Confessio est legitima coram Sacerdote peccatorum declaratio, S. Raym: apud Armillam, v. Confessio.

15. Præceptum Confessionis obligat, 1mò, in articulo, & periculo mortis. adò, quando sumenda Eucharistia, & sumus in mortali. 3tiò, semel in anno. Quod præceptum consuetudine alligatur temporis, Ic: circa Pascha, ait Mosc: 2. p. Tyroc: artis Pœnit: de Confessione annuali.

16. Præceptum Confessionis annuæ obligat, dum ad annos discretionis pertingimus, & habemus conscientiam peccati mortalis. Fernandez p. 2. c. 8 § 3: allegans communem.

Nonnulli docent pueros post septen-
nium

10. DE POENITENTIA.

nium hoc præcepto obligari, quando usus rationis in eis elucet, non autem aliter, et si rationis usum habeant: nam hoc est per accidens, ad quod Ecclesia non respicit.

Hoc certius, pueros in articulo mortis ante septennium constitutos, peccati mortalis conscos obligari ad Confessionem. Si dubium de usu rationis, consequenter de peccato, absolvantur sub conditione. Imò id fieri posse quando pueri confitentur extra articulum mortis, docet Diana.

17. Transgressoribus præcepti de facienda Confessione annua, nulla est certa imposta poena, sed solum imponenda. Nam in cap: utriusque &c. solum dicitur, ut arceantur ab ingressu Ecclesiaz & careant Ecclesiasticā sepulturā, quæ poena, non est imposta, sed per Judicem Ecclesiasticum imponēda. In Syndicalibus tamen Constitutionibus solet apponi Excommunicatio latæ vel ferendæ sententiaz.

Condic.

Conditiones bona Confessionis.

Sedecim sunt conditiones bonæ Confessionis, his contentæ.

Sit simplex, humilis Confessio, pura, fidelis.

Atq; frequens, nuda, discreta, libens, verecunda.

Integra, secreta, lachrymabilis, accelerata
Fortis & accusans, & sit patere parata.

Simplex, id est, sine admixtione histrio-
riarum & aliorum impertinentium.

Pura; id est, bonâ intentione facta v.g.
ad placandum Deum.

Fidelis, id est, vera. Nam si quis ex indu-
stria utitur talibus verbis, ut peccata non
ad eò currentur à Confessario, peccat.

Frequens. De frequentia Confessionis
egimus agendo de necessitate.

Nuda, id est, verbis obscuris non in-
voluta.

Discreta, id est, prudenter facta, ut ver-
bis honestis explicentur peccata, præci-
pue, carnis:

Libens, id est, voluntaria, non timo-
re poenæ, &c.

Lachry-

212 DE POENITENTIA.

Lachrymabilis, id est, dolorosa.

Fortis, id est, superans timorem mundanum & verecundiam, ne forte aliquid omittatur.

Accelerata, hoc est non dilata, nè subito morte præventi non habeamus spatiū pœnitendi.

Accusans, id est, sibi imputans, non influentia celesti, vel alteri.

Parere parata Pœnitens enim tenetur satisfactionem acceptare. Item in relinquendis peccatorum occasionibus. Confessio obedire. Aliarum conditionum notitia patet ex terminis.

Integritas.

18. Confessio duobus modis est integra: Materialiter & Formaliter. Est integra materialiter, quando aliquis habet v. g. decem peccata, & omnia confitetur. Integra formaliter, quando rationabili facto examine, confitemur omnia nobis occurrentia. Sufficit esse integrum formaliter. Deus enim non plus exigit, quam possimus. Confessio materiali.

rialiter integra, dicitur integra physicè;
Formaliter integra, dicitur integra mor-
taliter.

19. Ad integratatem Confessionis ne-
cessarium est examen conscientiæ. Qua-
re poenitens circa peccata mortalia, te-
netur tantam inquisitionem præmittere,
quoniam adhiberet in negotio arduo,
seu, quanta iudicio prudentis Viri juri-
catur sufficiens ad omnia peccata in me-
moriā revocanda. Hæc inquisitio suffi-
cit mediocris, & non requiritur summa,
Bonac: ex Navarro & alijs. Qui pluri-
bus negotijs distracti, qui parvæ memo-
riæ, qui diu non confessi, magis tenen-
tur, conscientiam examinare.

Circumstantiæ peccatorum.

20. Circumstantia peccati est accidens
quoddam actus humani peccaminosi.
Alia est speciem mutans, hoc est alterius
speciei malitiam habens, v. g. circum-
stantia adulterij addita fornicationi, fa-
cit ut præter peccatum fornicationis, spe-
cie distincta malitia inveniatur in eodem
actu

214 DE POENITENTIA.

actu libidinis. Alia est intra eandem
speciem aggravans peccatum. Alia mi-
nuens, alia nec aggravans, nec minu-
ens sed impertinens.

21. Clarius explicando: circumstan-
tia speciem mutans, tunc est, quando
peccatum secundum unam rationem
contrariatur alij virtuti. v.g. dum fur-
atur, peccat contra iustitiam, si vero in
Ecclesia, contra religionem.

Circumstantia aggravans tunc est, quā-
do peccato accrescit nova ratio, absque
eo, quod peccans contra distinctam vir-
tutē faciat, v.g. dum furatur 20 florenos,
est circumstantia aggravans, eo quod
peccato nova ratio modalis accrescat, se:
majoritas iustitiae. Gagericus in annot:
in Simulam Cajet: v. Confessio. Quod si
furans distinctis actibus prædictam quā-
titatem attingeret, non circumstantia, sed
numerus foret in Confessione explicatus.

Numerus Circumstantiarum.

22. Septem sunt circumstantiae.
Quis, quid, ubi, quibus auxilijs, cur, quo-
modo, quando. Per

DE POENITENTIA. 215

Per *ly quis*, denotatur peccans, complex, & in quem peccatur.

Per *ly quid*, denotatur damnum & scandalum ex peccato securum.

Per *ly ubi*, denotatur circumstantia loci sacri. Scias, Sacrilegium in furto committi auferendo sacram de sacro vel non sacram de sacro, aut sacram de non sacro. v. dicta in 2. Moral: dist: 60.

Per *ly quibus auxilijs*, denotantur instrumenta peccandi.

Per *ly cur*, denotatur circumstantia finis.

Per *ly quomodo*, denotatur circumstantia modi, v. g. si acceperisti alienum vi.

Per *ly quando*, denotatur circumstantia temporis. v. g. festi, sed hæc secundum communem sententiam non est necessariò explicanda.

Numerus peccatorum.

23. Numerus peccatorum mortalium distinctè in confessione explicādus. Trid: less: 14. Can: 7. Non sufficit dicere aliquoties. Armilla & alij. Quod si non pos.

216 DE POENITENTIA.

possit haberi: exprimat pœnitens numerum verò similem addendo plus vel minus, quibus verbis satisfit pro aliquibus peccatis, quæ ultra numerum confessum postea veniunt in mentem. Plus minusve extenduntur pro numeri cui adjunguntur, multitudine, quod arbitrio, prudentis relinquitur. Navarrus docuit in numero centum peccatorum plus vel minus extendi ad decem, & Mose: docet in numero denario extendi ad duo.

24. Distinctio numerica peccatorum colligenda est, vel ex interruptione per notabile tempus: quod autem sit notabile tempus relinquitur judicio prudentis. vel ex interruptione per mutationem animi. vel ex consummatione totali actus. Sunt enim in actibus humanis nonnulli, qui habent certum terminum, in quo consummantur, una v.g. copula maris & foeminae, unum homicidium, hæc autem consummatio actus, ita distinguunt peccatum, ut licet immediatè post aliud sequatur, plura sint peccata. Et sic: qui per noctem cum amasia dormivit

mivit, tenetur numerum copularum explicare.

Satisfactio.

25. *Satisfactio Sacramentalis est passio voluntaria pœnae pro peccato, à Confessario imposita ad placandum Deum cum proposito eum amplius non offendendi.*

Tenetur autem Confessarius imponere culpis proportionatam satisfactionem juxta prudens arbitrium. Trid: Sess: 14. cap. 8. *Dixi, iuxta prudens arbitrium. Nam magis attendenda præsens pœnitentis dispositio, quam culpæ præteritæ gravitas.*

26. *Opera externa, quæ imponi possunt in satisfactionem, sunt jejunium, oratio, & eleemosyna.*

Jejunium comprehendit omnia opera pœnalia carnis, quales sunt mortificationes.

Oratio comprehendit omnia opera spiritualia, v.g. celebrationes Missarum, auditiones, & his similia.

Eleemosyna comprehendit omnia opera misericordiarum.

218 DE POENITENTIA.

implens poenitentiam in mortalibus, satisfacit praecepto Confessarij, nec peccat mortaliter sic implendo. De la Cruz & Fillius, relati in 2. Mor: dist: 63.

Absolutio,

27. Absolutio à Censuris præmittatur absolutioni à peccatis. Si non constat incurrisse Censuram: præmittatur ad cautelam. Si tenerū aliquo vinculo.

28. Scias: suspensionem non afficeret nisi Clericos. Quare si absolutio fertur in non Clericum, dicatur. Si tenerū aliquo vinculo Excommunicationis & Interdicti &c. omittendo particulam, suspensionis.

29. Absolutio à peccatis est hæc. Ego te absolvō à peccatu tui. In Nomine Patrū & Filij, & Spiritū S.

30. In his tantum consistit Essentia liter absolutio à peccatis: Absolvō te ita con muniter D.D. Ly tamen à peccatu tui non omittatur. Idem de invocatione SS. Trinitatis.

31. Sensus verborum: Ego absolvō te à peccatu tui, hic est: ego tibi consero gratiam
quan-

DE POENITENTIA. 219

quantum est ex se, remissivam peccatorum.
Sic enim forma verificatur, licet quis accedat contritus & justificatus.

Quæ servanda sunt in absolutione ab Excommunicatione, non tam pertinet ad Ordinandos, quam ad pro Confessionibus approbандos. v. tamen dicta in 2^o Mor: dist: 64.

De Ministro hujus Sacramenti.

32. Solus Sacerdos est Minister Sacramenti Pœnitentiae: non tamen omnis, sed habens Jurisdictionem in hoc foro.

33. Jurisdiction, ut nunc accipitur, est potestas, quæ habetur in alios, ad ipsos gubernandos ac in regnum cœlorum dirigendos.

Alia est ordinaria, alia delegata. Ordinaria habetur ex vi officij. Talem habet Papa, Episcopus, Parochus, &c. Delegata, datur ab habente ordinariam. Talem habent Regulares.

De Reservatis.

34. Casus reservati alij sunt Papales,
K 2 alij

220 *DE POENITENTIA.*

alij Episcopales, alij reservati Prælatis Regularium, pro suis subditis. Papales, alij reservati in Bulla Cœnæ Domini, alij in alijs Bullis & decretis.

Episcopales reservati sunt triplicis generis quidam de jure, quidam de consuetudine generali, hoc est, qui in omnibus Episcopatibus communiter reservantur, quidam de consuetudine particula- ri, sc. hujus vel illius Episcopatus. Sed hec magis ad Confessarios.

Conditiones Ministri Pœnitentiae.

35. *Conditiones Ministri Pœnitentiae* quinque numerantur.

Potestas.

35. Potestas, alia est Ordinis, alia jurisdictionis. Potestas Ordinis habetur ex Sacerdotio. Jurisdictionis, ex of- ficio Pastoris, vel etiam ex commissione proprij Pastoris

Scientia.

37. Confessarius tantâ debet pollere scientiâ, ut valeat de statu Pœnitentis ju- dicare & discernere mortalia à veniali- bus.

DE POENITENTIA. 221

bus. idò. ut valeat cognoscere circumstantias speciem mutantes. & notabiliter aggravates 3tiò qib⁹, anexa restitutio bonorum corporis, famæ & honoris 4tiò, an peccatum reservatum, an habens annexam Excommunicationem &c. & sic teneatur scire casus reservatos, censuras, saltim communiores, & idem de irregularitatibus sto. quæ dissolutio necessaria in pœnitente. tandem. quæ remedium contra peccata.

Prudentia.

38. Scire debet Confessarius quomodo se gerere debeat erga pœnitentem, modò enim suaviter, modò severè & arguendo, modò instruendo, modò ad alia incitando.

Bonitas.

39. Ad bonitatem Confessarij pertinet ut sit in gratia, alias exercendo officium Confessarij, sacrilegium committeret. Item, ne sit aliquà censurâ innodatus.

Sigillum.

40. Sacerdos frangens sigillum, Con-

K 3

sc

222 *De POENITENTIA.*

fessionis, triplex peccatum committit.
Detractionis, infamando proximum. In-
fidelitatis, non servando secretum. Sacri-
legij, faciendo contra reverentiam hujus
Sacramenti. Gonet in Manuali Thomist:
de Sacr: Pœn:

Docet tamen Mosc: in Exam: approb:
at: 7. q. 10. nullam esse Censuram aut
pœnam defacto præter peccatum mor-
tale. undè primo est pœna depositionis
ferenda. 2. Cogendus est talis Sacerdos,
ut perpetuò ignominiosè peregrinetur,
quæ, ut refert Opatovius de Pœn: disp:
13. q. 11. mutata est in reclusionem per-
petuam, in monasterio. Sextam condi-
tionem, ponit Mose sc: fortitudinem,
quam explicat 3. p. Tyroc: c. 4,

De Clavibus Ecclesiæ.

41. Clavis Ecclesiæ non aliud est quam
potestas ligandi & solvendi, quâ iudex Eccle-
siasticus dignos recipere, & indignos exclu-
dere debet à regno cælorum. S. Th: q. 17.
Suppl: art: 2.

42. Duæ sunt claves in Ecclesia, una
scient:

DE POENITENTIA. 223

Scientia, quæ non consistit in habitu scientiæ, sed in autoritate iudicandi de dignitate aut indignitate pœnitentij. 1da. Potestatus, quæ consistit in autoritate pronuntiandi, vel non pronuntiandi sententiam absolutionis. ex S. Th: I. c. a. 3.

Effectus Pœnitentia;

43. Ex Thomistis P. Labat tres numerat effectus Pœnitentia; 1. gratia remissiva mortalium quò reducitur remissio pœnæ æternæ, remanente tamen reatu pœnæ temporalis; non tamen semper, si sit servida contritio pœnitentis. 2. remissio venialium. 3. recuperatio virtutum, & meritorum mortificatorum.

Bonac: addit irrevocabilitatem peccatorum & obligationem Sigilli. Sed has Labat revocaret ad remissionem peccatorum.

De Indulgentia.

44. Indulgentia est remissio pœnæ temporalis pro peccatis actualibus debitæ, extra sacramentum facta, ex thesauri Ecclesiastici dispensatione.

224 **DE POENITENTIA.**

Dicitur: *extra sacramentum, ad disse-*
rentiam remissionis Sacramentalis, hæc
enim sit per divinam liberalitatem, facta
verò per indulgentiam, sit cum quadam
compensatione, per quam de thesauro
Ecclesiaz solvitur. Sam: de Lub: v. In-
dulgentia.

Nomine thesauri veniunt merita Chri-
sti D. Item intercessiones & satisfactio-
nes Sanctorum. Hæ satisfactiones SS.
debent superare peccata quondam à SS.
facta.

Tantum autem mentionem feci meri-
torum Christi D. Nam actiones Sancto-
rum quatenus meritoriaz non ingrediun-
tur thesaurum Ecclesiaz ut docet P. M.
Labat in fine trae: de Poen: cùm ut tales
etiam ultra condignum præminentur à
DE o.

45. Indulgentia distinguitur à suffra-
gio. Suffragium enim sit pro alio au-
thoritate privatà, applicando suam satis-
factionem, vel applicando ut satisfaciat.
Indulgentia verò sit authoritate publi-
cæ Nam dispensare Thesaurum Eccle-
siaz

sia non conveniens Papæ, & cui co-
cesserit.

46. Indulgencie plenaria distinguitur
a Jubilæo sed accidentaliter, in quantum
Jubilæum ad hanc potestatem à reservatis,
& coniunctandi vota sed non omnia.

47. Plena vero plenior & plenissima
distractio nomine tantum gaudent.
Opac d 4 q 3. Et exaggerationem de-
notant.

De Jubilæo.

48. Jubilæus seu Jubilæum est Indul-
gentia plenaria, cum alio gratus in Brevi
expressu; authoritate Apostolica concessa, hu-
ique cordiories implerunt.

49. Conditiones ad consequendum
Jubilæum regulariter seu ordinariè sex
numerantur. 1. Processio. 2. Oratio. 3.
Fœminaria. 4. Eleemosyna. 5. Confessio.
6. Communio.

Tractatus Sacramenti Pœnit. annexi
immediate soler tractatus de Cenituis
ut facit Ignatius P. Innocentius Le
Masson Gauthierius. N. P. Labat de alijs
ideo sic.

DISTINCTIO VIII. DE CENSURIS.

1. **C**ensura est pena Ecclesiastica hū vel illū Ecclesiae bonū privans. Juxta Canonistas tres sunt Censuræ. Excommunication. Suspensio. Interdictum. His addit M. Soto, & communiter Theologi, ait De La Cruz in præsenti, irregularitatem, non in tota latitudine sed ut habet rationem pœnæ.

De Excommunicatione.

2. Excommunication est censura Ecclesiastica, quā homo Christianus communibus fidelium bonū privatur. Fernandez p. 2. suæ Theologiz c. 9. secutus Cardinalem Toleatum.

3. Excommunication alia major, alia minor. Major definitur à De La Cruz. Est censura Ecclesiastica privans externā communicatione fidelium, tam in civilibus quam in divinis, & communibus orationibus & suffragiis.

Minor: Est censura Ecclesiastica privans ab iuvā Sacramentum receptione.

4. Communia fidelium bona quibus excomm: major privat, sunt erria. Exterior conversatio, quæ in mutuo colloquio & convicatu consistit. Sacramento- rum participatio. Orationes & suffra- gia Ecclesiæ.

Effectus Excomm: Majoris.

5. In his quæ sequenti versu conti- nentur, prohibetur conversatio seu par- ticipatio cum excommunicato.

Os, Orare, Vale, Communio, Mensa negatur.

Per ly *Os* denotatur conversatio quo- vis modo v. g. verbo, signo, scripto. Per ly *Orare* denotatur, simul interesse divinis. Per ly *Vale* denotatur salutatio, honoris exhibitio. Per ly *Communio* de- notatur contractus civilis. Per ly *Men- sa* denotatur una mensa, unus lectus, non tamen unum cubiculum, si habitent ut alieni habitatores. Innoc: apud Fer- nandez de Excomm: § 12. Hæc ergo prohibentur cum excommunicatis non toleratis: aliàs incurritur excommuni- catio minor.

6. Sunt autem excommunicati non tolerati, notorij Clericorum percussores. Ita nominatim denunciati, hoc est, per sententiam judicis declarati incurssisse excommunicationem.

Nullitas Excomm: Minoris.

7. Galus quibus licet conversari cum excomm: non tolerato sequentibus continentur.

Vtile. Lex Humile. Res ignoratae. Necesse.

Per *Vtile* intelligitur omnis rationabilis & sufficiens utilitas temporalis & spiritualis. Licet enim conversari cum excommunicato non tolerato, dando ei viatum, consilium, imò & hæc recipere ab eo, eesi aliqua verba misceantur urbanitatem causa.

Per *ly* *lex* intelligitur lex Matrimonii. Nam conjugibus concessa ad favorem conversatio, licet unus sit excommunicatus non toleratus.

Per *Humile*, intelliguntur subjecti, v. g. filii, servi, familiares, pupilli. Quid per *ly* *res ignoratae* & *necesse* denotetur, extrinsecus patet.

De Suspensione.

8. Suspensio est censura Ecclesiastica privans usu Ecclesiastici officij vel beneficij. Pro officio intellige tam Officium Ordinis quam jurisdictionis. Pro beneficio intellige, tam beneficia curata quam similia, atque etiam Dignitates & Canoniciatus.

9. Tribus modis fit suspensio, seu ut ab ipso loquitur tres sunt species suspensionis. Prima ab officio tantum 2. à beneficio tantum 3. ab utroq;

De Interdicto.

10. Interdictum est censura Ecclesiastica privans aliquorum sacramentorum ministracione & receptione, divini officijs etiara audiendis, sepultura Ecclesiastica & ingressu Ecclesiarum. Sententias Morales. l. 3. d. 18.

11. Triplex est interdictum. Locale. Personale. Locale & Personale simul. Termini sunt clarissimi.

Cessatio a divinis.

12. Cessatio reducitur ad interdictum est simplex prohibitio, qua Ministris Ecclesiarum pro-

230 *De CENSVRIS.*

prohibentur persolvere divina officia, ministrare aliqua Sacramenta, & sepelire laicos in loco sacro. Gab: à S. Vinc: v. Cessatio.

13. Differt ab interdicto, quia cessione non est censura ut docet Opatovius: cùm non ponatur in pœnam, sed in signum gravissimi mæroris ab Ecclesia concepti propter gravissimam injuriam. v.g. si Clerus in se vel in suis bonis supermodum gravatur.

Alias differentias v. in Sent: Mor L. 3. d. 19. Item ibidem & d. 18. v. alia in particulari.

De Irregularitate.

14. Irregularitas est impedimentum iure Canonico introductum ad suscipiendos aut exercendos Ecclesiasticos Ordines.

15. Alia est ex defectu, alia ex delicto. Seu: alia est sine culpa, alia ex culpa. Seu: alia est ob indecentiam, alia quemadmodum est ex culpa. Seu alia est pura inhabilitas, alia etiam pœna.


16. Irregularitas ex defectu est multiplex, Ex defectu corporis, Ex defectu animi,

animæ, qualiter sunt irregulares illiterati. Ex defectu Sacramenti, qualis est irregularitas bigamie, in qua debet representatio Christi juncti Matrimonio cum una sponsa Virgine Ecclesia. Ex defectu lenitatis, qualis est ex homicidio aut mutilatione. Sic dividit De La Cruz.

Ad irregularitatem ex defectu corporis reducitur ex defectu natalium, originis, bonæ famæ &c. v. dicta in Sent: & alibi.

17. Irregularitas ex delicto etiam provenit ex multiplici capite. Ex delicto causante infamiam, Inducente pœnitentiam publicam. Ex iteratione baptismi. indebita Ordinum susceptione. Exercitio Ordinum tempore Censuræ. Exercitio Ordinis qui non habetur. Ex delicto hæresis. Tandein ex homicidio vel mutilatione injusta. Sic dividit Lezana irregularitatem ex delicto.

DISTIN-



DISTINCTIO IX.

DE SACRAMENTO EXTREMAE UNCTIONIS.

1. **C**ongruè hoc Sacramentum dicitur Extrema Vnctio, quia ultimò eà ungitur homo. Primo ungitur in Baptismo. 2. In Confirmatione. 3. In Sacerdotali ordinatione. Tandem in Extreme Vnctione.

Definitio. Institutio. Necesitas.

2. Extrema Vnctio est Vnctio hominis infirmi, a Sacerdote in determinata parsibus corporu facta, Oleo per Episcopum consecrato sub prescripta verborum forma, ad salutem anima, ac etiam corporis, si expedit, divisa nitas ordinata.

3. Hoc Sacramentum Christus D. instituit, & S. Jacobus promulgavit.

Probabile est, esse institutum una cum Sacramento Pénitentiae, cum sit Iesus consummativum. Gonet in Manuscri. Thomist: §. v. De extrema Vnct:

Et sic quando Christus D. Marci & misit
Apostolos, Oleo ungere infirmos, hoc
Sacramentum potius insinuavit, & non
instituit. Nam Apostoli nondum Sacer-
dotes hanc Vnctionem, etiam non bapti-
zatis conferebant.

4. De necessitate hujus Sacramenti,
idem dic, ac de necessitate Confirmationis.

Materia, Forma, Minister.

Materia remota hujus Sacramenti est
oleum olivarum simplex ab Episcopo be-
nictum: Proxima verò est Vnctio.

Forma: Per istam Sanctam Vnctionem &
suam p̄yssimam misericordiam indulget tibi
Deus, quidquid deliquisti per visum; In Nomi-
ne Patrii &c.

Eadem forma in omnibus unctioni-
bus repetitur, mutato partium ungenda-
rum nomine.

Nec per tot unctiones & formas hoc
Sacramentum multiplicatur. Quia haec
partiales unctiones & formæ ordinantur
ad unum finem, sc: ad collendas reliquias
peccatorum, quæ ex sensibus oriuntur.

5. Minister hujus Sacramenti, est proprius Pastor, vel alias Sacerdos de illius licentia.

Subjectum.

6. Homo fidelis lethaliter infirmus, est capax hujus Unctionis. Infirmitur qui ex vobis &c. Jacob: 5. Non tamen expectandum extremum periculum. Ministretur ergo haec Sacra Unctio infirmis de quorum vita timetur, praesertim deficientibus, amentibus, lucida intervalla habentibus, & devotionem ad hoc Sacramentum tempore lucidi intervalli ostendentibus. Infirmis in phrenesim lapsis, si dum erant sanæ mentis, illud peccaverunt, nec Sacramenti irreverentia timetur. Imò secundum Samuelem de Lublino, & Armillam, licet antea non peccasset; modo sint personæ, bona vita secus, si vita sit notoriè mala.

Cæcis à nativitate, surdis &c. mutilatis: in partibus vicinis ministretur, quia licet exterius per haec non peccaverint, peccare tamen potuerunt per posse.

tentias interiores illis correspondentes.
Ex vulnere morituris.

7. Hoc Sacramentum negari debet sanis, conflictum, mare procellosum ingredientibus, ad mortem damnatis, mulieribus in partu existentibus, nisi ex morbo in periculo mortis versentur, amentibus à nativitate, pueris rationis usu carentibus, peccatoribus obstinatis, mortuis: de quibus si dubitetur, decur sub conditione.

Partes Ungendæ.

8. Necessario ungendi sunt quinque sensus, tanquam quinque peccandi radices. Aliquæ particulares Ecclesiæ etiam pedes propter gressum, & renes propter concupiscibilis ardorem ungunt. Sed tenuum unctio in mulieribus pudoris gratia omittitur.

9. Observes: Sacerdotes non in palma, ubi Chrismate sunt uncti, sed in exteriori manus parte, vel infra palmam ungi debere: licet absolute nihil referas in palmis ungi.

230 DE EXTREMA UNCT.

10. An vero inter partes ungendas necessarius sit servandus ordo negandum est. Sed quod utrumque organum sensus ex precepto sit ungendum, retinet Bonac: in præt: punc: s. ex Naldo, ubi viget consuetudo.

11. In casu necessitatis, unum oculum, aurem, manum, narem, & os, veloter sine forma Crucis ungere sufficit, & unam formam dicere. Per istam Unctionem, & suam piissimam misericordiam indulget Tibi Deus, quidquid peccasti per visum, auditum, gustum, odoratum & tactum.

Iteratio.

12. In una infirmitate, in qua infirmus non nisi semel appropinquat mortis, non debet hæc sacra Unctio iterari. Sed si post Unctionem in periculo mortis factam, a quo infirmus liberatur, clapsa aliquo tempore arbitrio prudentis Viri, in aliud periculum incidat, et si plene non convalescerit, potest iterum ungi.

Effectus.

13. Extremae Unctionis tres praesertim
nu-

numerantur effectus. 1. est gratia tollens reliquias peccatorum: quæ sunt debilitas ad resistendum diaboli temptationibus, debilitas ad sustinenda mala, propinquitas ad malum. Hic effectus est primarius. 2. Est remissio peccatorum. 3. Sanitas corporis, quando expedit.

Præter hos sunt & alij, sc: diminutio pœnæ pro peccatis debitis, protestatio decedentis, quod in fide moriatur, spiritualis animæ hilaritas, devotionis excitatio, robur contra dæmonis insidias, tandem diabolicae porestatis arctatio.

Sed hi ultimi quatuor ad primum producuntur.

DISTINCTIO X.

DE SACR: ORDINIS.

1. **C**ongruè hoc Sacramentum dicitur Ordo, quia per illud in certo dignitatis Ecclesiastice gradu debitè collocamur.

Definitio, Institutio, Necessitas.

2. Ordo, est Signaculum quoddam Ecclesie,

sic, per quod spirituali potestas traditur Ordinato. Agr: in 4 dit: 24.

3. Institutus à Christo D. in ultima Cœna dicente: *Hoc facite in meam commemorationem.* Et licet tunc præcipue institutum Sacerdotium, attamen & alij Ordines instituti, utpotè eminenter in Sacerdotio contenti, & ad hoc ordinati.

4. Est autem Ordo principaliter institutus ad communem Ecclesiae utilitatem, & ad aliorum salutem, in quos spiritu-
lis potestas exercenda. Est necessarius simpliciter toti Ecclesiae & non cuilibet in particulari.

Materia, Forma, Minister.

5. Materia remota ordinis est res quæ Ordinando traditur. Proxima, est talis rei traditio. Forma, sunt verba ab Episcopo modo imperativo prolatæ, cum facultatis, quæ confertur, expressione.

6. Solus Episcopus est Ordinarius Sacramenti Ordinis Minister.

Conditiones.

7. 1. Confirmatio. 2. Prima consu-
ta.

ra. 3. Aetas legitima. 4. Intentio. 5. Morum probitas testimonialibus comprobata. 6. Dimissoriæ, si alibi ordinatur, etiam pro prima tonsura. 7. Virtus bonitas, hoc est, esse in gratia, & sic supposito mortali peccato, necessaria confessio vel saltim contritio pro exigentia casuum. Nam si communicandum, necessaria confessio. 8. Scientia:

9. Temporum interstitia. Et sic Minoribus initiatus per annum expeteret Subdiaconatum, & eadem interstitia serventur inter alios Ordines.

10. Tempus. Conferantur ergo Ordines Sabathis quatuor Temporum, nec non Sabatho Surrentes, & Sabatho sancto, tempore Missæ. Minores tamen conferri possunt diebus Dominicis & Festivis, dummodo Episcopus non videatur tenere generalem ordinationem. Sed prima Tonsura quolibet die conferri potest.

11. Locus. Qui in ordinatione solemnis est Ecclesia. In privata, sacellum, vel capella.

240 DE ORDINE.

12. Titulus. Hic triplex est. Beneficij. Patrimonij. Paupertatis seu Professionis in Religione approbata. &c.

13. Carere impedimentis de quibus mox.

Etas.

8. Pro tribus Minorib⁹, septem completi. Pro Acolythatu, duodecim completi. Pro Subdiaconatu vigesimus secundus, pro Diaconatu vigesimus tertius, pro Sacerdotio vigesimus quintus, inchoati. Pro Episcopatu trigesimus completus. In defectu etatis ad sacros Ordines solus Papa dispensat.

Si ultimus dies etatis sit inchoatus potest quis ordinari. Quia in favorabilibus dies inchoatus, habetur pro completo, l, quā etate ff. de testam.

Scientia.

9. Prima Tonsura non detur, nisi scienti rudimenta fidei, & nisi legere & scribere scienti. Item nisi intendat mundo renuntiare. Trid: less: 23. c. 4. quoad omnes partes.

Mino-

Minores non dentur ei, qui saltem
linguam latinam non intelligit. Trid:
l. c. 11. & addit. Nemo ipsis initietur, quem
non scientiae spes maioribus Ordinibus dignum
ostendat.

In Subdiaconos & Diaconos non ordi-
nentur, qui literis & ijs, quæ ad Ordini-
nem exercendum pertinent, non sunt in-
structi. Trid: 13. & addit. Sciant maximè
decere, si saltem diebus Dominicis & solemini-
bus, cum altari ministraverint, sacram Com-
munionem perceperint. Per literas, intelli-
ge divinas, quas v. g. Cathechismus Ro-
manus, & similes libri continent.

Sacerdotium denegetur non habenti
Scientiam, quâ populus necessaria ad sa-
lutem doceatur, eiq; Sacraenta admi-
nistrentur. Trid: l. c. cap: 14.

Mortaliter peccat qui indigno con-
fert Ordines, quia infideliter dona Dei
dispensat. Ecclesiæ detrimentum facit,
honorique Divino. S. Th: in suppl: q: 36:
a. 4. Hæc conditio ab alijs vocatur Exa-
men.

Impedimenta.

10. Prohibentur promoveri ad Ordines. 1mò. ignoti. 2dò. bigami. 3tiò. neophyti. 4tò. corpore vitiati 5tò. de thoro illegitimo nati. 6tò. servi. 7mò. ad ratiocinia obligati ante factam rationem, v.g. tutores. 8vò homicidiz, quāvis justè occidant, v.g. carnifex, se vel alium mutilans. 9nò. hermaphroditi, etiamsi sexus virilis prævaleat, præcipue, si res notoria. 10. omnes alij irregulares,

Numerus Ordinum.

11. Septem sunt Ordines. Ostiarius. Exorcistatus. Lectoratus. Acolythus. Subdiaconatus. Diaconatus. Presbyteratus.

Hi unum efficiunt Sacramentum Ordinis. Vnum inquam perfectione finis, cùm omnes ad unum finem ordinentur. sc: ad conficiendam Eucharistiam.

Omnis ratione Sacramenti gaudent cùm omnes secundùm S. Th: in 4. d. 24. q. 1. a. 2. q. 2. in O. characterē imprimant.

12. Iste Ordines differunt inter se; alij enim

enim sunt Majores & Sacri, alij Minores,
& non Sacri. Majores, quia majora il-
lis incumbunt ministeria, & dicuntur Sa-
cri, quia habentes tales Ordines possunt
tangere res sacras. Obligantur ad casti-
tatem & ad officium Divinum, unde sunt
Deo specialiter mancipati.

Minores vero dicuntur, quia minora
illis incumbunt ministeria, nec habent
annexa, votum castitatis & Officium
Divinum.

13. Majores sunt: Subdiaconatus,
Diaconatus, Presbyteratus, Minores,
Ostiarius, Lectoratus, Exorcistatus,
Acolythus.

Prima tonsura.

14. Prima tonsura non est, nisi lar-
go modo, Ordo, sed solum dispositio ad
Ordines. Multò minus Cantoratus,
cum non habeat specialem respectum
ad Eucharistiam.

Imò nec Episcopatus est propriè Or-
do, sed Ordinis eminentia & extensio.
S. Th. in 4. d. 24. q. 3. art. 2. in O. & in
Suppl: q. 40. a. 5. Vide dicta in 4. Sent:

Thomist: d. 51. Idem docetur de Papatu, à fortiori, nec Archiepiscopatus, Primatus, Metropolitatus, Patriarchatus, Cardinalatus, est Ordo,

15. Definitur Tonsura: Est professio quædam vite spiritualis, per quam homo numeratur in Clerum, & fit capax beneficij Ecclesiastici, aliorumq; privilegiorum.

16. Dicitur, Prima Tonsura, quia ante omnes Ordines primò conserri soler, Qui illam suscipit, appellatur Clericus.

17. Sic confertur: Tondentur capilli in summitate capitis admodum Coronæ, quæ significat perfectionem vitæ, & quilibet dum tondetur, dicit: Deus pars hereditatis meæ, & calicu mei, tu es qui restitues hereditatem meam mihi. Cath: Rom.

18. Tondentur capilli ad significantium, quod sicut capilli, qui sunt pars corporis supervacanea, ita anima Clerici debet contemnere res externas & esse vacua curis humanis. Cath: Rom: de Sacr: Ord.

19. S. Petrus dicitur primam tonsuram

rām primō instituisse in memoriam Coronæ spineæ impositæ Capiti Christi:
Cath: Rom: ibid.

Ostiaratus.

20. Est spiritualis potestas, per quam ordinatus in Ostarium, potest dignos recipere,
& indignos, ab introitu templi repellere,
ad Eucharistie Sacramentum recipiendum.

Ejus materia remota, claves Ecclesiaz, proxima, earum ab Episcopo traditio, cum quibus ab Archidiacono, aut ab alio vicem gerente deducitur, ad claudendam & aperiendam januam Ecclesiaz. Aliqui pro materia addunt cymbalum. Forma verò: verba Episcopi, in quorum prolatione & clavium traditione character imprimitur.

Lectoratus.

21. Est spiritualis potestas, quā ordinatus in Lectorēm potest prophetias in Ecclesia legere. Ejus materia remota liber prophetiarum, proxima, traditio. Forma, verba Episcopi, in quorum prolatione & materiaz traditione character imprimitur.

Exor.

Exorcistatus.

22. Est spiritualis potestas, quā ordinatus in Exorcistam potest demonem expellere, ne quempiam ab Eucharistie sumptione impeditat. Ejus materia remota liber exorcismorum. Forma, verba Episcopi, in quorum prolatione & materia traditione character imprimitur.

Acolythatus.

23. Est spiritualis potestas, quā ordinatus in Acolythum potest ad altare urceolos cum rivo & aqua, ac candelas deferre. Ejus materia remota saltem unus urceolus, & candelabrum cum candela extincta. Proxima horum traditio. Forma, verba Episcopi. Character imprimitur in traditione urceoli secundūm S. Th: in Suppl: 3. p. q. 38. art: 5. ad 6. cūm iste actus sit principalior, & immediatiūs ad Eucharistiam ordinatus: sit enim præparatio materiae. In candelabri traditione, ut pote actu secundario, character potius extenditur quam imprimitur. Et licet

Aco-

Acolythus à candelabri ministerio denominetur, non idcirco sic quia principius sed notius.

Subdiaconatus.

24. Est spirituali potestas quā ordinatus in Subdiaconum potest calicem cum pane & vino ad conficiendam à Sacerdote Eucharistiam præparare. Eius materia calix vacuus cum patena vacua. Proxima, horum ab Episcopo traditio. Forma, verba Episcopi, in quorum prolatione & materiæ traditione character exprimitur.

Opatovius de Sacr: Ord: præferat assignatam materiam proximam, assignat traditionem libri Epistolarum. Sed Gab: à S. Vinc: hanc dicit esse complementum & partem integralem ad significandum actum secundarium.

*Hac servantur in collatione
Subdiaconatus.*

25. Primo examinatur quod ad scientiam & alia requisita. 2. datum illi titulus, vel beneficij vel Patrimonij, ut habeat unde vivat. Si vero ante ordinacionem

fecerit pactum de non petendo, vel restituendo postquam ordinatus fuerit, id quod illi pro titulo datum, peccat graviter, ut potè in gravi materia decipiens Episcopum & incurrit suspensionem. v. De La Cruz de susp: n. 15. Si durante suspensione exercet Ordinem suscepit, incurrit irregularitatem à solo Papa dispensabilem. Si casus occultus, Episcopus dispensat. Nav: in Man: c. 27. Tertiò paratur cum alba, cingulo & manopulo. Quorum significatio in sequentibus explicabitur. - Hæc alijs ordinibus sacris applicanda.

Diaconatus.

26. Est spiritualis potestas quæ ordinatus in Diaconum possit Evangelium solemniter in Ecclesia canere. Materia remota liber Evangeliorum, proxima ejusdem traditio. Excepto Sacerdotio, sufficit materiam tradere per Archidiaconum: sà v. Ordo n. 6. Forma sunt verba Episcopi in quærum prolatione, & materiae traditione character imprimitur,

Opat:

Opat: de Sacr: Ord: disp: 1. q: 4 præter traditionem libri Evangeliorum assignat pro materia proxima manuum impositionem. Sed Gab: à S. Vinc: pro perfectione & complemento.

Tempore tamen Apostolorum materia erat manuum impositio, & modò est apud Græcos. Vnde ad similes difficultates dicendum est materiam à Christo D. in genere: in specie verò ab Ecclesia determinatam. v. Gonet in Manuali Thomistatum de Sacr: Ord: c. 3.

Presbyteratus.

27. Presbyter ex Græco idem dicit quod Senior, non tantum spectando aetatem sed & morum gravitatem, prudentiam & doctrinam.

Attendendo rem, Presbyter est qui habet potestatem conficiendi corpus & sanguinem Christi D. Quia Presbyteratus definitur: Spiritualis potestas quæ Ordinatus in Presbyterum, corpus & sanguinem Christi D. conficit. Ejus materia remota est calix cum vino & patena cum hostia. Proxima horum

250 *D E O R D I N E.*

traditiō. Forma, Accipe potestatem offerendi Sacrificium Deo. Missasq; celebrandi in Nominē Domini. In hujus prolatione & materiæ traditione character imprimitur.

28 Institutus à Christo D. in ultimā cœna, panem & vinum in corpus & sanguinem convertente. Et tunc instituti alij Ordines, utpote in Sacerdotio eminenter contenti, non recurrendo ad alias difficultates quando instituti.

Officia Ordinum.

29. Officium Ostiarij est januam Ecclesiæ aperire & claudere. 2. cymbalum tempore Sacrificij pulsare. 3. excludere ab Ecclesia indignos. Tales sunt infideles, hæretici, excommunicati, interdicti. 4. admittere dignos. 5. Missæ assistere, ne quis proprius quam par est ad altare accedat. 6. cohibere strepitus, clamores, & alia, quæ celebratēm turbant, &c.

Officium Lectoris.

30. Est prophetias in Ecclesia legere. Catechismus Rom: dicit, etiam lectio-nes ex novo testamento annuntiare: sed hic

D E O R D I N E. 251

hic a^dius secundarius. Nam materia hu-
jus Ordinis est liber Prophetiarum.

Refertur ab Opate Lectorem aliquan-
do legisse Evangelium supra pulpitum :
quod intellige extra Missam & dum no-
cturnum officium peragitur.

Adverte. Dum dicitur, officium Le-
ctoris esse prædare, intellige recitativè
legendo publicè Prophetarum libros.

2. Officium Lectoris est Catechumenos
fidei tudimenta docere.

Cave, ne in Minoribus existens, pa-
nes & novos fructus benedicas: hoc e-
nim Lectori jam non committitur.

Officium Exorcistæ.

31. Est Nomen Domini super energu-
menos, hoc est, ab immundis spiritibus
obsecros, invocare &c.

Officium Acolythi.

32. Est cereos deportare, dum Evan-
gelium legitur, offeturq; sacrificium.
2do. Subdiacono urceolos cum vino &
aqua ad Eucharistiam conficiendam præ-
parare.

Officium Subdiaconi.

33. Est, 1. Panem & vinum in sacris
valis, Diacono, ut Sacerdoti offerat,
præparare ac ministrare. 2. Epistolam
in Missa solenni cantare. 3. Palas & Cor-
poralia abluere. 4. Crucem in Proces-
sionibus deferre, &c.

Officium Diaconi.

34. Est, Episcopum sequi concionan-
tem. 2. Ministrare ad altare. 3. Solen-
niter baptizare ex commissione Parochi,
sed in necessitate. 4. prædicare, saltim
per modum catechizantis. 5. in Missa
solenni Evangelium cantare, & in Ma-
tutino Homiliam recitare, &c.

Officium Sacerdotis.

35. Est, 1. offerre Missæ Sacrificium,
quâ ratione dicitur, sacra faciens Huc
revoçatur preces pro populo ad DEUM
fundere, & esse Mediatorem inter DE-
UM & hominem. 2. benedicere quâ ra-
tione dicitur sacrans. 3. præesse, quâ ra-
tione dicitur præsul, vel etiam sacer Dux
inter personas consecratas. 4. prædica-

re, quâ ratione dicitur, sacra docens. 5.
Sacramenta confidere & ministrare, quâ
ratione Sacerdos, dicitur, sacra dans.
Vnde in Pontificali hæc assignantur.
Offerre, benedicere, præesse, baptiza-
re (quo revoca alia Sacramenta) & præ-
dicare.

Plura de his videbis apud Opatovium
de Sacram: Ordinis.

36. Secundum aliquos, ait Gab: à S.
Vinc: v. Ordo, officium Diaconi & Sub-
diaconi præstari possunt ab existente in-
Minoribus, sine itola tamen & manipu-
lo, alias esset irregularitas ex delicto.
Qui verò nullis ordinibus initiatus, præ-
fata officia nullo modo exercere valet,
refert idem Ductor.

Onera Sacroram Ordinum:

37. Qui in sacris Ordinibus constitu-
ti speciali obligatione tenentur ad casti-
tatem, suntque sacrilegi per violationem
ejusdem. Præterea tenentur sub p: mor-
tali ad dicendas horas canonicas.

38. Occasione hujus, scias quatuor
esse.

esse genera Personarum obligatarum ad horas Canonicas. In Sacris Ordinibus constituti, Beneficiati, Professi choro addicti & Moniales.

Effectus Ordinum.

39. Duo præsertim numerantur, id augmentum gratiæ & character.

Ritus Ordinum.

40. Hi sunt. 1. Ordines non confrantur post prandium. 2. Sacri non denerunt sine Missa. 3. dentor in Ecclesia Episcopali nisi aliter Episcopus ordinaverit. 4. cum debitis vestibus. Minoribus intiandi cum superpelliceo accedant. In Subdiaconum ordinandus, cum amictu, alba, cingulo, manipulo & Dalmatica accedat. In Diaconum præter hæc, cum stola. In Sacerdotem cum his, insuper cum casula, omissa Dalmatica, accedat;

*Significatio vestium in Sacris
constitutorum.*

41. Amictus significat velum, quo Christi facies in domo Caiphæ velata fuit à Ministris dicētibus: prophetiza nobis Christe, quis te percussit.

Alba

Alba significat vestem albam, quâ Herodes Regem gloriæ Christum induit in ristoriè

Cingulum quo alba comprimitur significat primum ligamen, quo Judæi, Christum comprehendentes ligarunt.

Manipulus significat secundum ligamen, quo Christus D. flagellatus, ad columnam ligatus fuit.

Stola significat tertium ligamen Christi, quo, ad crucifigendum ductus, ligatus fuit.

Casula seu Planeta, significat purpuram quâ Christus ducendus in montem Calvariæ crucifigendus, in domo Pilati induitus fuit. Vel etiam Crucem, quæ in humeros ejus imposita fuit. P. M. Camillus in Cæterimoniali Missalis O. N.

Alia significatio ex S. Thoma.

42. *Amictus* significat fortitudinem ad divinas. *Alba*: puritatem. *Cingulum*: repressionem carnis.

Subdiaconus habet *Manipulum* in sinistra quasi sudarium ad extergendum vul-

tum

DE ORDINE,
cum, quo significatur extensio minimorum calparum (significat etiam manipulus fructum bonorum operum.)

Diacono additur *Stola* significans applicationem ad ministerium in ipsis Sacramentis.

Dalmatica vestis larga significat largam Sacramenti dispensationem. Ipse enim sanguinem dispensat (sed hoc jam non est in usu) in dispensatione autem largitas requiritur.

Stola in utroque humero Sacerdotis, plenam potestate dispensandi Sacramenta.

Casula: Charitatem, quia conficit Sacramentum charitatis sc: Eucharistie. Ita S. Th: in supplem: 3. p. q. 40. a. 7. excepta utraque parenthesis:

Significatio vestium Episcopaliuum.

43^o Episcopis adduntur novem ornamenti super Sacerdotes, quæ sunt *caliga*, *sandalia*, *succinctorium*, *tunica*, *dalmatica*, *mitra*, *chirotheca*, *annulus*, *batulus*, quia novem sunt quæ ipsi supra Sacerdotes possunt, sc: Clericos ordinare, Virgines benedire.

DE ORDINE. 257

cere, Basilicas dedicare, Clericos deponere,
Synodos celebrare, Chrisma confidere, vestes &
vasa consecrare.

Per caligas significatur rectitudo gressuum.

Per sandalia, quæ pedes tegunt, contemptus terrenorum.

Per succinctoriam quo stola ligatur cum alba, amor honestatis.

Per tunicam perseverantia, quia Josephus dicitur tunicam talarem habuisse, quasi descendenter usque ad talos, per quos significatur extremitas vitæ.

Per Dalmaticum largitas in operibus misericordiæ.

Per Chirothecas cautela. Per Mitram scientia utriusque testamenti, unde & duo cornua habet.

Per baculum cura pastoralis, quâ debet colligere vagos, quos significat curvitas in capite baculi, sustentare infirmos, quod ipse stipes signat baculi. Sed pungere lento, quod significat stimulus in pede baculi, unde versus,

Collige sustenta, stimula, vaga, morbida, lenta:

Per

Per annulum Sacra menta fidei, quā Ecclesia despontatur Christo. Episcopi enim sunt in Ecclesia loco Christi.

Sed ulterius.

Archiepi'copi pallium habent, signum privilegiatæ potestatis, significat enim torquem auream quam solebant legitime certantes accipere. Hæc in terminis loco cit: sub confidere christma, includitur confirmare.

DISTINCTIO XI. DE MATRIMONIO DEFINITIO & INSTITVIO.

1. **P**Ræambula Matrimonij sunt Sponsalia, quæ sunt mutua futurarum nuptiarum promissio. S. Th: in Suppl: q. 43: a. 1. Matrimonium vero secundū rationem contractus naturalis consideratum est legitima coniunctio marū & fœmine in usum cōiugij, individuam vitæ cōsuetudinem retinens, Labat de Matrim: dub: 1. § 2.

Sed in ratione Sacramentū consideratum, est novæ legis Sacramentum à Christo

D.

DE MATRIMONIO. 250

Dicitur institutum causatum gratiae unitiae. N.
P. Salazar.

Gratia enim quae in hoc Sacramento datur, significatur per modum vinculi & conjunctionis & ordinatur ad mutuam supportationem. Item, ad honestam pro creatione & educationem proli. Mosc: in Exam: approb: tit: 1. q: 5. Nec solùm in hoc Sacramento significatur gratia conjungens conjuges ad invicem, sed etiam significatur minus principaliter unio Verbi cum humanitate, & conjunctio Christi cum Ecclesia:

2. Juxta varietatem temporum est variè institutum matrimonium. In statu innocètiae, est institutum in officium naturæ, ad propagandam speciem humanañ. In statu naturæ lapsæ, ultra hoc, in remedium concupiscentiae. In lege Gratiae à Christo D. in ratione Sacramenti. S. Th: in Suppl: q. 42. a 2. Institutum inquam, sive Joan: 2. in Nuptijs. vel Matth: 19. dicendo: *Quod Deus coniunxit homo non separet.*
Differentia inter Sponsalia & Matrimonium,
Disse-

3. Differunt in hoc, quod Matrimonium sit indissolubile, & non possit contrahi, nisi post annos pubertatis utriusq;. Sponsalia vero multis casibus solvuntur, & statim post septennium contrahi possunt.

Materia & Forma.

4. Materia remota, sunt ipsi contrahentes, vel corpora ipsorum.

Vtriusque conjugis consensus mutuo per verba, vel per nucus, expressus, est materia proxima, & forma hujus Sacramenti, sub diversa tamen ratione. Quatenus enim consensus conjugum habet rationem traditionis, est materia, quatenus habet rationem acceptationis, est forma. Sumitur ex D. Th. in Suppl: q. 42. a. 1. ad 1. & 2.

Et sic verba Sacerdotis. Ego vos coniungo, non sunt forma hujus Sacramenti. Horum verborum non est sensus, Ego vos coniunge, alias non conjuctos, sed confirmo, & benedico vestram cōjunctionem, vel, ego vos conjugo in facie Ecclesiaz, ut pro veris conjugibus coram hominibus sitis

DE MATRIMONIO. 261

Sitis. De la Cruz, de Matrim: q. 1. n. 1.
Minister.

5. Minister Essentialis Matrimonij, sunt ipsi contrahentes: cum ipsi tantum ponant formam, ut paret ex Concil: Florent: in Decreto Unionis Armenorum. Sacerdos enim tantum est Minister accidentalis, alias Matrimonio claudestina non fuissent valida ante Concilium Trid: quod est contra Sess: 24. c. 1.

Bona Matrimonij.

6. Sunt. Fides, proles, Sacramen-
tum. Fides, ne cum alijs conjuges mi-
sceantur. Proles, ut Christiane educetur.
Sacramentum, ut Matrimonium non se-
paretur.

Finis Matrimonij.

7. Est. 1. propagatio speciei, & con-
servatio individuorum 2. remedium
concupiscentiae. 3. commoditas obse-
quij utriusque ad invicem.

Effectus.

8. Sacramenti Matrimonij, est Gratia
unitiva, hoc est, gratia sanctificans,

ut

262 DE MATRIMONIO.

ut importat mutuam concordiam, decentem usum Matrimonij moderando carnis concupiscentiam, familie prudentem gubernationem, Christianam prolis educationem, rerum domestica- rum diligentem curam, dispositionem, & fidelem dispensationem : Mosc: 2° p. Tyroc: artis Poenit: §. 4. n. 25.

Banna.

9. Antequam Matrimonium contrahatur, ter à proprio contrahentium Parocho tribus continuo diebus festi in Ecclesia inter Missarum solennia, publicè denuntietur, inter quos Matrimonium contrahendum. Trid: Sciss: 24. cap: 1.

Hac faciant conjuges, ut rectè suscipiant hoc Sacramentum.

10. 1. Careant impedimento, præcipue dirimente. 2. Careant peccato mortali, alias peccarent mortaliter sacrilegè. 3. Confiteantur & communient. Sed hoc consilium. 4. devotè & reverenter accedant. 5. habeant relatum intentionem, & non contrahant libidinis causa.

In-

DE MATRIMONIO. 263

In celebratione Matrimonij hac
facienda.

11. 1. Contrahant in facie Ecclesiz. 2. coram proprio Parocho, vel alio Sacerdote de Parochi seu Ordinarij licentia. 3. adsint saltim duo testes. 4. interroget Parochus contrahentes, an velint contrahere Matrimonium de praesenti, & notificetur de illorum mutuo consensu. 5. Parochus dicat haec: *Ego vos coniungo in Matrimonium, In nomine Patris. &c.*

Post Matrimonium.

12. Parochus in libro ad hoc deputato nomina Conjugum, testium, diem, & locum contracti Matrimonij describat, & librum apud se diligenter custodiat.

Impedimenta impedientia tantum.

13. Impedimenta Matrimonij duplicita sunt: alia tantum impediunt, ne licite contrahatur Matrimonium, validum tamen est. Alia, contractum dirimunt, tanquam invalidum.

264 DE MATRIMONIO.

14. Impedimenta raptum impedientia sunt quinque: votum, interdictum, sponsalia, catechismus, & crimen.

15. Crimen est multiplex, quo commisso, non licet ducere uxorem. 1. occidio uxoris adulterae propria authoritate facta. 2. Presbytericidium, per judicem declaratum. 3. Matrimonium cum Moniali scienter contractum. 4. suscepitio proprij filij in Baptismo aut Confirmatione malo animo, ut scilicet contrahat cognitionem eum propria uxore. 5. publica pœnitentia. Sed haec, jam non est in usu. 6. raptus alienæ sponsæ. Sed hoc, post Trid: est etiam dirimens secundum dicenda in sequentibus. 7. incestus cum propria affine, vel etiam cum consanguinea. Sed hoc secundum negat D. Th: & alij apud de la Cruz, q: 4 n: 1. de Mat. Hoc impedimentum criminis, juxta Sanchez, Ledesma, & alios apud Bonac: de Matr: qu: 3. punct: 14. n: 21: non inducit mortale, et si dispensatio non peratur.

16. Si quis dispensationem desiderat adeat

adat Episcopum, qui in omnibus tantum impedientibus impedimentis dispensat, excepto voto castitatis perpetuae & Religionis. Candelabrum aureum de Marr: n. 110 ex D. Antonino & Palude:

17. Nomine voti intelligitur votum simplex Religionis aut castitatis, vel votum non nubendi.

18. Nomine Interdicti venit prohibicio, quâ certo anni tempore interdicitur Matrimonium ab Ecclesia. Item si ab Ordinario loci, aut Curato interdicitur conrrahere Matrimonium, donec constet non esse impedimentum, aut aliam ob causam.

19. Tempus Interdicti incipit à media nocte præcedente primam Dominicam Adventus, usq; ad Festum Epiphaniae, & à media nocte ante Feriam quartam Cinerum usq; ad Dominicam in Albis inclusivè. Trid. sess. 24. c. 10.

Interdicitur autem hoc tempore solennitas nuptiarum, v. g. accipere benedictionem in Ecclesia, aut convivium solenriter celebrare, & contra faciens

266 De MATRIMONIO.

peccat mortaliter, quia in re gravi transgreditur præceptum Ecclesiæ. Bonac: L: cit: n. 4. cum alijs Doctoribus.

Non interdicantur hoc tempore sponsalia. Item, non prohibetur contractus Matrimonij & consummatio atq; Bannorum publicatio: dum modo nullæ adhibeantur nuptiales solennitates. Item, non prohibetur privatim traducere tempore Interdicti sponsam in domum sponsi,

20. Impedimentum sponsaliorum, ut dum quis contraxit cum aliqua de futuro, non potest cum alia contrahere de praesenti.

21. Impedimentum Catechismi est, dum quis susceptor fuit in Catechismo tantum & non in Baptismo & Confirmatione, v. g. tenendo baptizandum, & respondendo ejus nomine Ministro interroganti, an credat, an renunciet diabolo? &c.

Impedimenta dirimentia.

22. Error, conditio, votum, cognatio, crime, Culcus dispartitas, rū, ordo, ligamen, honestas

DE MATRIMONIO. 287

Si sis affini, si forte coire nequibus,
Si parochi, & duplicitus desit praesentia testis,
Raptaque sit mulier, nec parti reddit a tutae.
Haec facienda retant connubia, facta retrahunt.

Error Personæ.

23. Tunc est, si quis putat contrahe-
re cum Catharina, & contrahit cum A-
gnete, &c.

Conditio.

Quando liber dicit servam, putans
esse liberam, &c è contra.

Volum Solenne.

Quale communiter est Religiosorum.

Cognatio.

Quæ est triplex, spiritualis, legalis &
naturalis.

Crimen.

Est quadruplex. 1. Si adulteri sibi in-
vicem promiserunt de Matrimonio con-
trahendo, post mortem alterius conju-
gis. 2. Si vir & foemina convenerunt ad
occidendum conjugem, ut inter se con-
trahant, & defacto occidunt: oritur in-
ter eos impedimentum dirimens etiam.

288 DE MATRIMONIO.

nullo præmisso adulterio. 3. Si unus con-
jugum occidat alterum conjugem ani-
mo contrahendi Matrimonium, etiam
eo nesciente, cum quo intendit contra-
here, dummodò interveniat adulterium
cognitum ab ipsis adulteris. 4. Si adul-
teri contraxerunt vivente innocentie,
dummodò uterq; adulter sciat alterum
conjugem esse superstitem. Et sufficit ad
adulterium subsecutum, ut docet Armil-
la v. Matrimonium. n. 33. & Bonac: de
Matr: q. 3. punct: 6. n. 8.

Cultus disparitas.

Ut si fidelis contrahat cum infideli,
id est, cum non baptizata.

Vix.

Quando quis cogitur ad contrahendū
Matrimonium per metum v. g. mortis,
vel notabilis verberationis: et si tunc in-
teriorū consentiat. Nam aliás hoc impe-
dimentum non esset iuris Ecclesiastici,
sed naturalis: cùm defectus consensūs,
sue intentionis, ex se verum contractum
destruat. Scias: in fœmina minor me-
tus requiritur.

Ordo

Ordo sacer.

v.g. Subdiaconatus, Diaconatus, & Presbyteratus.

Ligamen.

Id est, qui Matrimonio rato licet non consummato junctus est, non potest contrahere cum alia, nisi post mortem prioris.

Publica honestas.

Ex Sponsalibus d: futuro oritur, ut si quis despondeat puellam, licet eam carnaliter non cognoverit, nullus ex consanguinitate ejus potest eam ducere; nec ipse aliquam de consanguinitate sponsa. Hæc propinquitas tantum extenditur ad primum gradum.

Affinitas.

Id est, cognatio quædam ex copula carnali procedens. Quando enim duo habent copulam, tunc consanguinei redduntur illis affines. Consurgit autem affinitas non solùm ex copula licita Matrimonij, sed etiam ex copula illicita. Et quidem ex copula licita ad quartum gra-

270 *De MATRIMONIO:*
dum, ex illicita ad secundum gradum
inclusivè.

Impotentia colundi.

Matrimonium clandestinum;

Hoc est, in absentia Parochi, & duo-
rum testium contrarium, est illicitum;
& novo jure Tridentini, nullum.

Raptus.

Inter raptorem & raptam, quamdiu
rappa est in potestate raptoris, non po-
test esse Matrimonium. Et raptor, auxi-
liantes, consulentes, faventes, excom-
municantur, manent perpetuò infames.
Quòd si sint Clerici de proprio gradu
decidant & tenetur raptor, raptam de-
center arbitrio Judicis dotare, sive eam
in uxorem ducat cessante raptu & liber-
tati restituendo, sive non. Trid: sess: 24.
cap: 6.

Nota, raptum tunc propriè comit-
ti, quando mulier vi rapitur ad Matri-
monium, non verò si rapiatur ob aliam
causam, etiamsi rapiatur causa libidi-
nis, Sanchez. Et declaravit Sacra Con-
gre-

DE MATRIMONIO. 277

gregatio, quam insinuat Summa Diana,
v. Impedimenta Matrimonij n. 22.

Et hæc de s. Opusculis Sententiarum
Sacrarum in memoriam s. vulnerum
Christi Crucifixi. Pro Honore SSmae
V. Matris DEI MARIAE & omnium
Sanctorum.

S U P P L E M E N T U M.

Distinctionis nonæ de extremo judi-
cio Opusculi 1. quod explicat Sym-
bolum Apostolorum. Vbi de Signis
præcedentibus finem mundi. Et de
Antichristo.

De Signis.

S. Hieronymus relatus à S. Th: in
Supplemento 3. partis q. 73. a. 1. po-
nit 15. signa. Primo die omnia ma-
ria exaltabuntur 15. cubitis supra mon-
tes. Secundo die, prosternentur itas
profundè ut videri non valeant. Ter-
tio die, in statum redigentur antiquum.
Quarto. Belluae & omnia animalia que
moyentur in aquis, congregabuntur.

per modum contentionis invicem my-
gientes. Quinto. Omnia volatilia co-
lli congregabuntur in campis invicem
plorantia, non gustantia, nec bibentia.
Sexto. Flumina ignea surgent ab occa-
su solis contra faciem firmamenti, usque
ad ortum solis fluentia. Septimo. O-
mnia sidera & fixa spargent ex se co-
mas sicut cometæ. Octavo. Erit ma-
gnus terra motus, ut omnia animalia
prosternantur. Nono. Omnes lapides
magni & parvi dividentur in quatuor
partes, unaqueque aliam collidentes.
Decimo die. Omnes plantæ fluent san-
guineum rorem. Undecimo. Omnes
montes & colles ac edificia in pulverera
redigentur. Duodecimo. Omnia ani-
malia venient de desertis & montibus
mugientia, nihilque gustantia. Deci-
motertio. Omnia sepulchra aperientur.
Decimodquarto. Omnes homines de ha-
bitationibus recessent non intelligentes
neque loquentes. Tandem decimoquin-
to die. Omnes morientur & resurgent
cum mortuis dia defunctis. Addit S.

Th:

Th: S. Hieronymum hæc referre & non
asserere. Quæ enim tunc præcedent,
vix sciri potest, exceptis quæ scriptura
commemorat.

De Antichristo.

1. Hic nascetur Babylone de tribus
Dan: ita sentit B. Albertus Magnus in
compendio veritatis Theologicæ l. 7.
c. 7.

2. Primò veniet cum benignitate &
miraculorum operatione, & tunc à Ju-
dæis suscipietur, qui ei specialiter ad-
hærebunt, ad quorum conversionem
venient Enoch & Elias, & tunc Anti-
christus in apertam persecutionem con-
surget. ita idem B. Doctor loco cit: c. 10.

3. Faciet imaginem suam adorari.
Signabit sequaces in manu dextra & in
frontibus. Sicut in Christo D. omnis
plenitudo sanctitatis fuit, ita in Anti-
christo omnis plenitudo iniquitatis: ita
idem B. Doctor loco cit: c. 8.

4. Regnabit tribus annis & medio.
Vnde Danjelis c. 11. iuravit Angelus peri-
viven-

viventem in eternum, quod in tempus. sc: unius anni. & tempora. sc: duorum annorum. & dimidium temporū, id est, dimidijs anni. Glossa hoc spatio dicitur. duratura desolatio sub Antichristo. idem B. Doctor c. 13. idem habetur Apocalypsis c. 13. ibi. Quis similis bestie, & quis poterit pugnare cum ea? & datum est ei os loquens magna & blasphemias. Et data est ei potestas facere menses quadragesima duos.

5. Præcursorès judicis erunt Enoch & Elias. Hi prædicabunt diebus mille decentis sexaginta. Apocalypsis c. 11. id est, tribus annis, sicut ipse Christus prædicavit. Amidi saccie. Glossa. Prædicantes penitentiam & exemplum ostendentes. idem B. Doctor c. 12.

6. Tandem Antichristus occidet eos in Hierusalem & jacebunt corpora eorum in plateis tribus diebus & tribus noctibus & dimidio, & resurgent & ascendent in cælum in nube. Antichristus vero post mortem eorum regnabit quindecim diebus. idem B. Doctor loco cit.

7. Potestate suā Dominus occidet Antichristum, sicut dicit Glossa super Apocalypsim, sive per se sive per Michaelēm. Occidetur autem in monte Oliveti in papilione in solo suo, in loco circa quem Dominus ascendit in cœlum. Antichristo verò imperfecto non statim veniet Dominus ad judicium, secundūm Glossam super Danielem concedentur quadraginta quinque dies ad refrigerium justorum & pœnitentiam subversorum. Quantum autem sit spatiū inter illos quadraginta quinque dies & finem mundi nemo scit. Ministri verò Antichristi post mortem ejus gaudebunt duceores uxores, & dicentes licet princeps noster mortuus sit, habemus tamen potestatem, pacem & securitatem: & cùm talia dixerint, repertius eis superveniet interitus. Judæi verò tunc convertentur ad fidem, & Sancta Ecclesia usque ad finem mundi pacificata quiesceret: quia tunc fraudulentia & sævitia diaboli penitus ubique deficiet, idem.

Beatus Doctor c. 14.


Ex quo patet quindecim signa que
ponit S Hieronymus si quid veritatis
habent sequentur Antichristo jam
occiso.


Errata sic corrige.

Distinctionibus, *l.* dictionibus, *f.* 27. būig-
tam, *l.* quintam, *f.* 29. Colonensi, *l.* Co-
loniensi, *f.* 31. p. moralis, *l.* p. mortalis,
f. 33. Patres, *l.* partes, *f.* 54. *l.* *l.* 27.
f. 61. rumor, *l.* rumor, *f.* 88. definitio-
l. definitio-*l.* *f.* 93. Cantic*l.* can*f.* 98.
Iacis, *l.* locis, *f.* 110. q. 2. *l.* q. 92. *f.* 115.
intestinis *l.* in intestinis, *f.* 117. accommo-
datis, *l.* accommodatarij, *f.* 143. commu-
nativa, *l.* commutativa. *f.* 144. homici-
diz *l.* homicidz *f.* 242. exprimitur *l.*
imprimitur *f.* 247. claudestina *l.* clande-
stina *f.* 261.

*Cætera benevolus Lector corrigat,
excusat & sanè intelligat, v.g. f. 63.
& 274. n. 5.*







Biblioteka Jagiellońska



stdr0024914



الطباطبائي

طبع بيروت